


WANTOK



32 pes

Namba 1,430

Wik i stat long Fonde Novemba 22, 2001

70t

INSAIT

**Nesanel
Hausing Komisn
slip nating**

- pes 2

**Lukim ol spots
stori, piksa na
ol wiken dro**

- pes 27-32

**Kainkain nius
bilong wol**



- pes 16-17

**Nupela ileksen
senis bai redi**

- pes 6

**Sios tok long
rausim fri
edukesen nem**

- pes 3

**Res 26
Winim
prais,
painim bal
resis**

120,000 pikinini bai dai long Afganistan

... Hangre, kol na kainkain sik bai kilim ol

YUNAITET NESEN (UN) i resis wantaim taim long traim painim kaikai na haus bilong moa long 120,000 pikinini inap kisim birua long hangre, kol na ol kainkain sik long Afghanistan we pait i wok long kamap namel long ol Amerika ami na ol birua lain bilong Osama bin Laden.

Wanpela opisal bilong UN i tokaut olsem bikpela kol na ais bai pundaun klostu taim long Afghanistan na dispela inap bagarapim planti pipel long ples we woa i bagarapim pinis.

"Sapos yumi no helpim, 120,000 pikinini inap dai. Mipela i mas traim resis wantaim taim long stretim dispela hevi," em i tok.

Opisal i wari tru bikos ol samting olsem marasin, kolos bilong kol taim na wara bilong dring i wanpela bikpela hevi stret.

I gat moa long 2 milien pipel long wanpela siti

bilong Afghanistan ol i kolim Mazar-i-Sharif husat i stap long dispela birua tu.

Narapela bikpela wok em long statim gen skul bilong ol pikinini meri we i gat bagarap foapela kribmas i go pinis.

Taliban gavman we i lusim bikpela pait bilong em long Noten Alaens na ami bilong Amerika i pasim tu ol skul.

Em i askim olgeta gavman husat save skelim boda bilong ol wantaim Afghanistan long helpim UN i ken givim helpim long ol pipel.

Wanpela kantri i tok orait long helpim na i bin kisim 7-pela balus bilong helpim i kam pinis na narapela ol kantri i mas mekim wankain pasin bilong helpim ol pipel we pait i bagarapim ol pinis.

Em i tok taim bilong kol na ais pundaun i kam klostu pinis na em i gutpela sapos ol kantri long wanwan sait i helpim wanem pipel i stap

AMERIKA NA TERORIS WOA


klostu long boda bilong ol.

Ren, win, kol na ais pundaun i kamap klostu pinis na ol i askim gavman bilong Uzbekistan long opim wanpela bris long boda bilong ol bai ol ka i ken kisim helpim i go givim ol pipel.


Wankain taim Amerika na Noten Alaens i wok long winim bikpela hap graun pinis na ol Taliban i holim yet tupela siti tasol.

Planti paitman bilong Taliban i bin ronawe lusim ol na i go join wantaim Noten Alaens. Wanpela grup i makim Taliban i kamap pinis long Islambad, kapitel siti bilong Pakistan na askim UN long ol i laik stapim pait.

Ol i askim UN long stretim toktok wantaim Noten Alaens na Amerika bai ol i ken kam



• Taim bilong ren na ais pundaun klostu. Pipel i ronawe wantaim wanem liklik samting ol i gat i go painim gutpela hap.



• Ami bilong Noten Alaiens i sekim ka long painim sapos ol birua Taliban i stap insait o nogat.



• Ami bilong Noten Alaiens ron long ami tenk na ka i kam brukim wara.

aut.

Tasol ol bikman tru bilong Taliban i strong yet long pait. Planti man i luksave olsem ol Taliban i lusim pait pinis na i no longtaim bai ol i tok inap na lusim pait.

Amerika i tingting long salim moa spesel ami i go insait long Pakistan bai ol i sten bai i stap.

Sampela lida bilong Taliban na wanpela bikpela opisal bilong Taliban i bin dai las wik taim ami balus tromoi bom long ples hait bilong ol.

Sampela Taliban memba i tokim nius olsem ol bai i no inap lusim pait na ronawe. Ol i laik sanap wantaim na mekim save long pinisim pait pastaim.

Planti Taliban opisal i tok ol i no klia olsem Amerika gavman i laik givim US\$25 (K75) milien sapos ol tokaut long we Osama bin

Laden i stap hait.

Planti man i tok ol i amamas long harim olsem na wankain taim balus i raun long Afghanistan na tromoi pepa we toksave olsem manmeri husat save we Osama bin Laden i stap bai kisim K75 milien.

Presiden bilong Noten Alaens i tokaut olsem ol Taliban i mas kam aut na ol i ken kamapim wanpela gavman wantaim.

Em i tok sapos ol pipel i les long em olsem lida, ol i ken makim narapela man long kamap lida.

Ol i kilim foapela niusman husat i kisim ripot raun long Afghanistan.

Ol pipel bilong Amerika i putim pinis kainkain kaikai mak bilong US\$5 milien (K15 milien) bilong ol pipel bilong Afghanistan i ken kaikai long taim bilong ren na ais i pundaun. Sip bai lusim Amerika wantaim ol kaikai klostu.

PLIS RIPOT

MOSBI: Plis i wok long painim yet husat man tru i hin paitim Siti Edministrata bilong Mosbi, Bernard Kipit las wiken. Ripot i tokaut olsem wanpela man i bin paitim Mista Kipit nogut tru na em i wok long kisim marasin i stap long dispela samting.

Plis i tok ol i kisim wanpela ripot i kam long Mista Kipit na ol i wet i stap long save husat tru i bin givim bagarap long Mista Kipit.

• Plis i wok long traim painim yet husat tru i bin pulim foapela wokmeri bilong Air Niugini las wik na repim ol. Planti raskol tru i bin hansapim ol woklain bilong Air Niugini na pulim foapela meri ya.

Ol plis i wok strong yet long painim husat tru i mekim dispela rong.

KIMBE: Raskol i brukim haus bilong wanpela volentia bilong Australia na stilim olgeta samting bilong haus na ranawe i go. Ol raskol i holimpas hausmeri bilong man ya na ol i paitim man tu long het bilong em. Plis i holimpas sampela yut long klostu selemen na askim long painimaut na mekim save long husat i mekim rong.

WAU: Plis i holimpas 6-pela man husat i bin brukim sel na ranawe long Wau plis stesen las wik. 12-pela man olgeta i bin brukim sel tasol plis i holim 6-pela bihain long ol i bin mekim wanpela spesol operesen las wik.

Plis i askim husat ol manmeri long tokaut long wanem hap ol narapela raskol i stap bai ol i ken kamap long han bilong lo.

Hagen: Ol plis long Mt Hagen, Kimininga plis steisen i holim wanpela bek i gat mariwana insait. Dispela beg i gat nem bilong wanpela Katolik suster. Plis tu i holim wanpela man bihain long wanpela toksave las wik olsem em i save karim drug. Dispela man husait i wanpela regula kastoma bilong MAF balus kampani i wanpela saspek long dispela pinat bek. Taim ol plis i brukim dispela bek ol i painim 8 kilo grem mariwana na plois i sasim em. Meropoliten Suprintenden Mr Kigare i tok ol polis i stadi na i save pinis long kain trik bilong ol man long kani pasin bilong trefickim drak. Dispela Katolik sista i tok aut bihain olsem em i no save husait lain i bin salim dispela pinat beg long em.

Hausing Komisn i slip nating longpela taim

OLGETA-menesa bilong Nesenel Hausing Kopresen (NHC) insait long wanwan provins i kamap long bikpela bung bilong ol dispela wik long Mosbi. Dispela bikpela bung em bilong toktok na glasim ol hevi insait long wok bilong Hausing Kopresen na kamapim rot bilong stretim nau i go inap long yia 2005 na i go moa.

Minista bilong Hausing Ginson Saonu i tok Nesenel Hausing Kopresen (NHC) em wanpela bikpela bisnis tru we i slip nating i stap. Olsem na nau em i taim bilong kirapim dispela bisnis na mekim mani we gavma i mas kisim win mani long en.

Em i tok strong long olgeta opisa bilong NHC long wok bung wantaim na wok strong long kamapim ol nupela na gutpela rot bilong lukim NHC i kirap na mekim mani na tu bringim gutpela sevis bilong haus i go long ol pipel bilong Papua Niugini.

Menesing Dairekta bilong NHC Benedict

Mick i tokim ol provinsal menesa olsem em i luksave olsem i gat sampela bikpela hevi tru i bin stap insait long wok bilong NHC longpela taim i kam.


Sampela bilong ol dispela hevi em, bikpela dinau mak long K18 milien i stap yet long bipo taim gavman i statim NHC. Dispela dinau i stap i kam nau na gavman i no bin helpim long stretim. Narapela hevi em i nogat rekot long sampela haus we NHC i papa long en insait long Papua Niugini na prais bilong ol i amas tru. Hausing Kopresen i no bin apim rent bilong ol haus igo antap. Mak bilong rent nau em ol i bin bihainim long 1980 yet i kam inap tude wantaim na prais bilong olgeta samting tude i go antap pinis. Nogat gutpela fainensel rekot bilong helpim ol menesa long mekim gutpela na klia menesmen disisen bihainim taim stret. Na akaun o rekot bilong ol kastoma em NHC i no save

stretim gut wantaim pemen bilong ol.

Mista Mick i tok taim em i bin kam insait long NHC, em wantaim ol olpela bod i bin kamapim sampela senis olsem, kamapim kopret plen bilong NHC bilong neks 5-pela krismas na i go. Dispela plen i stap nau long Minista bilong Hausing long tok orait na NHC bai karimaut. Gutpela kompyuta sistem bilong stretim gut ol rekot bilong ol kastoma long pemen na rent bilong ol. Wok bilong painimaut na kisim bek sampela propeti o ol haus bilong NHC na ol arapela senis moa long mekim wok bilong Komisn i ron gut.

Em i askim olgeta menesa bilong Nesenel Hausing long ol wanwan provins na tu long het opis long wok bung wantaim long kamapim ol dispela nupela senis.

Bung bilong ol provinsal hausing menesa bai-pinis long Fraide tumoro.



• Kala Swokin i holim developmen plen buk bilong Not Flai Distrikt.

Ol memba bilong Westen i egensim OTML

Joyce Ding i raitim

Ol memba bilong Westen Provins i egensim Ok Tedi Maining Limited (OTML) long mekim disisen long laik bilong em yet.

Ol memba i no amamas long OTML:

- i no save singautim ol long ol bikpela miting bilong toktok long ol wanem kain developmen insait long Westen Provins.
- i save yusim ol olpela meteriel long bildim ol haus nabaut. Ol dispela meteriel i no save stap longpela taim na i save ros na bruk hariap.
- i no save kisim edvais long ol pastaim

long ol (OTML) i mekim ol projek.

• i bin yusim olgeta mani bilong Tekst Kredit Skim (TCS) long mekim ol samting long laik bilong em yet.

Memba bilong Not Flai Kala Swokin i tok, "OTML i bin yusim mani bilong TCS tasol i no bin bringim divelopmen i go insait long Not, Saut na Midel Flai distrikt. 90 pesen bilong ol pipel bilong mi i no kisim wanpela helpim laik long TCS. Ol pipel na gavman mas noken sutim tok long mipela long i no bringim developmen i go insait long wanwan distrikt bilong mipela bikos OTML i holim ol dispela mani na mipela i nogat toktok. Ol mani mipela i gat i go insait long faiv yia developmen plen."

"I mas gat wanpela rifom bilong stretim dispela hevi. Mipela mipela memba bilong Not, Saut, na Midel Flai i kirapim faiv yia developmen plen. OTML i bin helpim mipela tasol i no laikim ol aidia mipela i putim i go insait long dispela plen. Mipela i opim faiv yia divelopmen plen bilong Not Flai las yia," Mista Swokin i tok.

Memba bilong Midel Flai Bitan Kuok i tok, "Midel Flai developmen plen bai op neks yia. I mas gat tupela rifom bilong dispela ekasesais na OTML i mas respektim dispela rifom.

Mista Kuok i kam aninit olsem OTML i kam aninit long gavman. Wanem samting mipela toktok OTML i no save harim.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group Editor in Chief: Anna Solomon. Advertising Manager.	Papers distributed by air throughout PNG. Available by air mail subscription within Papua New Guinea and overseas. Email address: word@global.net.pg
---	--

Editor of Wantok:
Yakam Kelo.

Advertising deadlines, Display bookings: Tuesday mid-day. Camera ready copy: Wednesday midday. Classified Advertising: Wednesday 5pm.
Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms - acceptance are available at Word Publishing Company Ltd. and are set out in full on the reverse side of its official display Advertising Bookings form.

YUNIVESITI (UPNG) Kaunsel i tok orait pinis long kisim namba wan 106 nes long 2002 husat bai kisim digri. prog.em skul.

Hetman bilong Skul bilong Marasin na Helt Sains long UPNG Profesa Mathias Sapuri i tok namba wan sumatin bai stat makim faivpela eria bilong nes ol i lai stadi long en. Dispela em long helpim ol mama kisim bebi. wok long haus na givim marasin long sik manmeri, sik bilong het i paul, wok administresen na givim skul long ol narapela nes.

Toktok bilong givim skul olsem long ol nes i bin stap longpela taim tru na dispela

Ol nes bai kisim digri

em namba wan taim ol i kamapim program.

Dispela program bai kamap bikpela long ol yia i kam. 2003 ol bai hapim namba i go antap long 140 sumatin na namba bai go antap yet aninit long plen billong Dipatmen bilong Helt.

Opisal i bin redim tasol kainkain buk na samting ol sumatin bai lainim long sampela yia nau na neks yia bai ol i kisim ol namba wan sumatin.

UPNG Kaunsel i bin sindaun i go na glasim olgeta ripot na i tok orait long kamapim digri

program bilong ol nes.

PNG Nesign Kaunsel i bin pait strong long dispela kain program i mas kamap na dispela em wanpela driman bilong ol i kamap tru.

Taim ol nes i kisim digri, ol bai wankain olsem ol bikpela nes bilong narapela kantri na tok oraiyitol i kisim long UPNG kaunsel i bikpea samting tru. Profesa Sapuri i tok em amamas olsem UPNG Kaunsel i kamap wantaim gutpela tingting.

Planti nesign skul tru i bin stap tasol namba i kam daun

tru na nau i gat 76-pela tasol gavman i ronim yet.

NEsing i stat 65 yia i go pinis na i bin gat moa long 20 kolos bilong nes i stap na i bin kamapim 8,000 nes pinis.

Profesa Sapuri i bin tok amamas long olgeta manmeri husat wok byng wantaim em long kamapim digri program bilong ol nes.

Dispela kain pasin inap kamap wantaim Lutheran Skul bilong Nesign long Madang las yia taim ol i afiliet i go wantaim Divine Word Univesiti.

Wankain nau kamapo long UPNG na long ol yia i kam ol narapela nesign skul insait long kantri bai kisim wankain skul.

FOTO

BIKPELA TAS-RAGBI GEM LONG RAINBOW VILES, TORO EM WINGA BILONG WANTOKS TIM...

“PASIM BAL OVA HIA!”

OL TIM MEITS SALIM BAL IGO LONG TORO NA TORO I MEKIM BREK NA SUT IGO AUT... BAGA I MEKIM ZOMITA DESH IGO LONG TRAI LAIN...

“KLIA LONG ROT? IS I TRAI YAH!”

SKOA EM WAN-WAN LONG TUPELA TIM NA OLGETA I LUKLUK LONG TORO LONG PUTIM WINING TRAI BILONG OL WANTOKS TIM...

“GO! WANTOK! GO!! WHO ARE WE? WANTOKS WE ARE HERE FOR WIN!”

*WAR-CRY BILONG WANTOKS TIM...

TORO KUKIM IGO LONG KLOSTU TRAI-LAIN NA EM KISIM MASOL KREAP... TARANGU EM LAIK KROL IGO LONG PUTIM TRAI TASOL TULEIT... OL ARAPELA TIM I KAM NA TASIM EM...

“AAAHH!! MASOL KREAP KISIM MI, YAH!”

END NEWSPAPER STAKES

Sios tok long rausim nem bilong Fri Edukesen

TINGTING bilong gavman bilong Sir Mekere Morauta long helpim ol papamama long baim skul fi long 2002 em gutpela. Long dispela taim nogut we i lukim strong bilong kina i go daun olgeta na prais bilong ol samting long stua i go antap tru. Nesenel Katolik Edukesen Sekreteri

Mista Mathew Kalabai tok
Tasol hap tok, "Fri Edukesen" i no gutpela. Em i giaman tok tasol tru tru edukesen i no fri, olsem tasol Nesenel Katolik Edukesen Sekreteri i askim minista bilong edukesen long senisim dispela hap tok i go long sabsidaisim Edukesen we

gavman bai helpim ol papamama long baim hap skul fi bilong pikinini bilong ol long skul na papamama bai putim hap. Dispela kain tok i klia moa.

Mista Kalabai i tok Gavman i no makim gut wanpela painim aut long PNG olsem hamas tru em i kos bilong edukesen wanpela

pikinini stat long elimenter i go inap long Yunivesiti.

Dispela tok, "Fri Edukesen i save bungim planti paul tingting na hevi long ol skul taim skul yia bai stat long 2002. Dispela i bin kamap pinis long ol ileksen i go pinis taim gavman i tok bai i gat fri edukesen. Planti ol papamama long ol skul i no laik long harim skul fi taim ol bod bilong skul i askim ol long baim ol dispela fi. Dispela pasin bai i kamap gen long yia 2002 sapos gavman em senisim dispela hap tok bilong fri edukesen, Mista Kalabai i tok.

Nesenel Katolik Edukesen Sekreteri Mista Kalabai i singaut long ol papamama long i go het long wokhat na redim mani bilong kism skul fi bilong 2002. Nau long dispela taim nogat wanpela samting i fri moa. Prais bilong olgeta samting i wok long go antap moa moa yet.

Prais bilong wanpela paket rais na pinat bata i antap nau.

Long tingting o plen bilong giaman long holim bek sabsidi mani long Waigani i no salim stret i go long ol skul i wanpela tingting em. Edukesen Sekretari i sapotim tru. Luksave bilong sabsidi bilong dispela yia i no gutpela tumas planti bilong ol Provinsel Gavman i no givim sabsidi hariap i go long ol skuls, dispela i mekim planti ol skul pikinini i kism hevi, Mista Kalabai i tok.

Mista Kalabai askim tu nupela minista bilong Edukesen long luksave long bikpela wok bilong edukesen em ol sios insait long PNG i wok long mekim. Mi save planti ol sios husat i helpim long givim edukesen sevis i sanap long gavman long bilong skelim aut sabsidi sapos gavman i askim ol. Na miting helpim ken wokim gut moa.

IRC i givim sampela mani long NCDC

JOYCE DING i raitim

EKTING Siti Edministrera Jacob Rongap i bin sutim tok long olpela ekting Siti Edministrera Benard Kipit long em i no bin mekim wok gut na dinaw bilong NCDC i go antap moa long K2.4 milien.

Mista Rongap i tok Intenel Revenu Komisn (IRC) i bin givim K5.4 milien bilong Velyu Eded Takis (VAT) long dispela mun i go long komisn.

Komisn bai bekim K2.4 milien bikos Mista Kipit i no bin mekim wok gut na mani i sot long lukautim gut wok bilong Siti Hol.

NCDC i save kism K5.9 milien long IRC bhain long 21 de bilong olgeta mun tasol long Novemba em i no kism mani ya bikos ol i no peim hariap bikos long sampela hevi bilong grup takis bilong ol staf salari, bisnis takis na ol narapela penelti bilong salim mani i go bhain tumas.

IRC i bin rausim K2.4 milien bikos em i holim takis koponen we bipo edministrera i no bin mekim o salim mani namel long 1996 i go long 1999.

Mista Rongap i tok long dispela asua na Siti Hol i no save kism mani mak olsem K500,000 long olgeta mun tasol taim em i kism mani ya long Intenel Revenu Komisn em i no bin westim taim long baim ol wokman bilong em.

"Mi mas lukluk i go insait long hevi bilong ol wokman long peim ol pastaim webai ol i no kism pe inap wan wik bhain long fofnait bilong ol," Mista Rongap i tok.

Mista Rongap i salim toksave long olgeta wokman na meri long kam bek long wok tude.



Saksak bilong Tabubil • Deba Kilang, wanpela mama long Kwirocknai ples i salim saksak i stap long Tabubil maket. Tabubil saksak i gat gutpela maket long hap. Foto: Joe Kanekane.

Kot bilong lida i rausim pawa gen long Agiru

YAKAM KELO i raitim

GAVANA bilong Sauten Hailans Anderson Agiru i lusim pawa bilong em gen long ronim provins. Dispela taim em kot i banisim lida ol i kolim Lidasip Traibunel i rausim dispela pawa long em na em bai stap long kot inap wanem taim disisen i kamap long em i asua long brukim lo o em i nogat asua.

Pablik Prosekyuta Chronox Manek i tokim Wantok olsem i gat 15 sas olgeta we i sanapim Mista Agiru long dispela kot bilong Lidasip Traibunel. Olsem na em i mas lusim pawa bilong em i bhainim dispela lo we i banisim ol lida.

Pablik Prosekyuta i sasim em long

sas bilong holim wanpela bikpela strongpela sotgan we poto bilong em wantaim sotgan ya i bin kamap long niusppa. Namba tu sas em long em i bin poin wanpela liklik sotgan long wanpela man long Golf klap long Mosbi na namba tri sas em Mista Agiru i no bin tokim Ombudsmen Komisn long pasbuk bilong em na amas em i gat. Dispela olgeta i kamapim 15 sas olgeta.

Mista Manek i tok Mista Agiru i lusim pawa bilong em tasol em i holim yet nem bilong em olsem Gavana na rijinol memba bilong Sauten Hailans long nesenel palamen na i kism yet ful pe bilong em.

Dispela kot bilong Lidasip Traibunel bai kamap long Novemba 28 long neks wik Trinde.

Rot bilong stretim Bogenvil i go strong moa

VERONICA HATUTASI i raitim

MOA gutpela wok i kamap long kirapim nupela gavman long Bogenvil na tu long glasim tupela narapela bikpela samting i kamapim rot bilong lusim ol samting bilong pait na indipenden.

Spesel Palamen bung long tude bai glasim ol senis bai kamap long Mama Lo na Ogenik Lo long givim strong long nupela gavman bilong Bogenvil i kamap.

Tu ol bai toktok long Bogenvil Pis Agrimen we Minista Moi Avei i bin tebolim long las Palamen bung.

Bikpela samting we ol Bogenvil pipel i laik lukim em long ol senis long Mama lo i mas kamap bipo long Nesenel Ilekseen long

neks yia Jun. Dispela em long abrusim Bogenvil i kam aninit long nupela Provinsel na Lokol Level Gavman rifom. Ol Bogenvil pipel i no laik bai provins i kam aninit long dispela rifom tasol sapos em i kamap, bai gat sampela hevi long wok bilong painim gutpela sindaun na gutpela wok long rot bilong painim politikel setelmen long Bogenvil.

Tasol ol join Bognevil lida na Bogenvil Afeas Ministri i bilip strong olsem bai i gat gutpela sapot i kam long ol Palamen memba taim vot long dispela samting i kamap long neks mun.

Vais Presiden bilong Bogenvil Ppels Kongres James Tanis i tok ol Bogenvil lida i amamas long Nesenel Gavman i putim long gavman niuspepa pepa tok orait bilong em long

kamapim ol senis long mama lo bilong kirapim nupela Bogenvil gavman.

Em i tok ol Bogenvil lida bai wok hat moa long mekim ol yangpela i lusim ol samting bilong pait na plen long dispela samting i go het kwiktaim. Olsem na em i bin askim ol lida bilong ol eks paitman long skuim ol wok long sti-am gut ol lain bilong ol long hariapim lusim ol gan namting.

Bilong skuim ol wok plen long lusim ol gan, gavman bilong Nu Silan i tok long givim 200 kontenna long Bogenvil bilong putim ol gan long en bhainim long ol komanda bilong ol paitman i bungim wantaim long ol wan wan eria.

Foren Minista Phil Goff i salensim ol Bogenvil lida na pipel long bhainim komitmen olsem i stasp long pis

agrimer na gutpela samting bai kamap.

Long wankain taim tu, sampela eria long Bogenvil i laikim bai plen long bungim na rausim ol samting bilong pait i mas kamap hariap.

Ol ripot i tok ol pipel bilong Bana na Torokina eria i laikim bai dispela i go het kwik na nupela gavman long Bogenvil i ken kamap.

Praim Minisa Sir Mekere Morauta taim em i tokaut long gesetim ol senis we bai kamap long mama lo bilong givim strong na nupela gavman i ken kamap. i bin tok gavman bilong em i bhainim olgeta samting i sut long Bogenvil we em bin tok bai kamap. Na em i tromoi salens long ol Bogenvil lida long wokim wankain samting, moa yet long sait bilong lusim ol gan samting bilong pait.

Foren Minista Phil Goff i salensim ol Bogenvil lida na pipel long bhainim komitmen olsem i stasp long pis

Foren Minista Phil Goff i salensim ol Bogenvil lida na pipel long bhainim komitmen olsem i stasp long pis

Pawa bilong makim ol Gutpela Lida o Lida Nogut i stap long vot bilong yumi

ILEKTOROL Komisn bai yusim olpela wei bilong vot long Nesenel na Lokol Gavman Ilekseen neks yia, bos bilong ileksen Mista Reuben Kaiulo i tokaut pinis.

Ol i kolim dispela olpela wei bilong vot First Past The Post sistem long Tok Inglis.

"Yumi bai i no yusim nupela wei bilong vot," Mista Kaiulo i tok. "Olgeta manmeri i mas klia long dispela." Mista Kaiulo em i Iektorol Komisina na em i mekim dispela toksave long Iektorol Komisn Hetkwota bilong em long Pot Mosbi. Stretim na lukautim ileksen em i wok bilong Iektorol

Komisn.

Mista Kaiulo i no laikim ol manmeri i paul long wei bilong vot. Nupela Lo i stap nau long Nesenel Paliament long senisim olpela wei bilong vot. Ol Memba bilong Paliament bai toktok long dispela nupela Lo long Novemba na tok orait o nogat long senisim wei bilong vot.

Ol wasman bilong T I o Transperensi Intanesenel i no laikim olpela wei bilong vot na ol i wok long mekim planti planti toksave long redio na niuspepa long rausim olepla wei bilong vot.

T I em i bikpela wol N G O grup husat i save go pas long kirapim ol gut-

pela gutpela wei bilong helpim ol kantri na ol gavman wok gut.

Mista Kaiulo i tok ol manmeri i noken paul long ol toksave T I i wok long mekim nau long wei bilong vot. Sapos Paliament i senisim Lo, Nesenel Gavman i tok pinis olsem nupela wei bilong vot bai i no nap kamap long ileksen neks yia, Mista Kaiulo i tok.

"Sapos Paliament i senisim Lo, mipela long Iektorol Komisn bai yusim nupela wei bilong vot bhain long 2002 ileksen," Mista Kaiulo i tok.

Em i tok olsem Nesenel Gavman i tok orait pinis long dispela long winim sapot bilong olgeta Memba bilong

Paliament nogut ol i poret long sapotim nupela wei bilong vot.

Ol i kolim nupela wei bilong vot Limited Preferential Voting long Tok Inglis.

I bai hat moa long winim ileksen aninit long Limited Preferential Voting bikos ol wanwan kendidet i mas kism planti vot tru long win.

Em i isi moa long winim ileksen aninit long olpela wei bilong vot bikos wanpela kendidet i ken win maski em i no kism planti vot tumas.

• PNG Iektorol Komisn i sponsorim dispela Ilekseen Tok Save.

**ELECTION
2002**

Sir Julius i wokim lukluk raun

OLPELA Praim Minista na lida bilong Pipels Progres Pati Sir Julius Chan na delegesen bilong em long las wik i bin wokim lukluk raun long planti hap bilong Nu Ailan provins long karimaut politikel aweanes program bilong ol.

Taim ol i go kamap long ples Koko long Tabar Ailan, ol bin wokim wanpela welkam seremoni long Sir Julius na lain bilong em.

Long dispela taim tu, Sir Julius i bin toktok long Gret 10 na 12 greduesen bilong Namatanai Sekonderi skul bipo long ol i go long Huris, Simberi, tatan na Mapua.

Presiden bilong Namatanai Brans bilong PPP na tu Vais Presiden bilong han bilong PPP long Nu Ailan Peter Nongkas i tok insait long ol aweanes, Sir Julius na grup bilong em i toktok long ol hevi long wok mani o ikonomi long kantri we i wok long bagarapim tru ol pipel.

Moa yet prais bilong kopra i pondaun i go daun olgeta na ol manmeri long ples i lus tru nau na kisim hat taim tru, pe bilong ol samting long stoa i go antap tru na mani we ol pipel i kisim i pinis nating, Strong bilong Kina i pondaun olgeta na nau yumi no inap long baim planti samting wantaim mani yumi holim long en, na toktok long ol arapela bikpela samting i karamapim kantri, wol na komyuniti.

Sir Julius i bin tok hevi we Nesanel Gavman i bungim nau long mani bai i no gutpela bikos dispela bai bagarapim Edukesen Polisi bilong PPP we gavman bilong em i bin sanapim taim ol i stap long gavman.

Em tok maskik yumi stap long hevi, bai i gat taim dispela polisi bilong Gavman bai kisim taim long karim kaikai long en.

"Nesen i mas kisim bek luksave na wok mani i mas kamap orait. Gavman i wok long senisim ol minista tumas na yumi no klia husat i holim wanem posisen. Tasol pastaim yumi mas mekim Kina i kisim bek strong bilong em, kontrolim mani gavman i yusim mani long en na glasim gen ol developmen projek," Sir Julius i tok.

Em i tok taim ol dispela samting i mas stap gut pastaim na bihain kamapim ol plen we bai go gut.

Bel isi na sekan i bikpela samting

RIKONSILIESEN o pasin bilong kamapim wanbel na sekan pasin i mas go han na han wantaim ol politikel toktok long Bogenvil, Pis Aweanes kodineta Peter Sohia i tok.

Em i tok bel isi na sekan pasin i bikpela samting sapos ol paitgrup long Bogenvil bai lusim ol samting bilong pait long gutpela bel.

Tasol em i tok bikpela samting em i mas gat mani long karimaut ol

seremoni bilong sekan na kamapim bel isi.

Em i tok tru Yunaitet Nesens Developmen Program (UNDP) bai helpim wantaim mani tasol helpim bilong ol em long sait bilong trenspot na lojistiks. Bikpela samting em ol pipel i laikim helpim long baim ol pik na ol kaikai samting long wokim kaikai bilong sekan tasol ol ausait intenesenel grup i no luksave long dispela sait bikos

dispela em ol rot bilong kastom. Na ol pipel yet i mas lukautim dispela sait tasol bikos long mani hevi, em i hat.

Mista Sohia i tok long nau, i nogat mani bilong karimaut pablik aweanes long lusim ol samting bilong pait tasol em yet i karimaut wanpela long Redio Not Solomons long 20 minit olgeta Mande nait.

Aweanes ya i save sut long mekim klia tripela bikpela samting

i stap insait long Bogenvil Pis Agrimen olsem nupela gavman bilong Bogenvil, lusim gan na independen vot.

Moa aweanes long dispela i sapos long stat long las wik, Novemba 12 tasol ol opisa long Mosbi i no go yet.

Nau yet ol bikpela toktok long skruim wok bilong lusim ol gan i kamap na dispela mun bai lukim moa eksen wok long dispela.



Kain stail bilong ol Bogenvil yet • Ol Bogenvil sumatin long Don Bosco i putim tredisinel danis bilong ol. -FILE PIKSA

Bogenvil Edministresen mekim dabel wok

EDMINISTRESEN long Bogenvil i save mekim moa wok antap long nomol wok bilong em bikos long kain situesen long ailan.

Eking Edministreta Francis Kabano i tok long nomol pablik sevis wok bilong ol long bringim sevis i go long ol pipel, edministresen i save sapatim tu ol wok long bringim bek gutpela sindaun na ol politikel toktok.

Long dispela, em i min olsem ol sinia opisa i save wok olsem ol teknikel opisa na taim ol negosiesen i kamap ol dispela opisa i mas stap insait long en.

Mista Kabano i tok tu olsem aweanes long ol samting i kamap nau long Bogenvil i kamap long tupela level, Eking Bogenvil Edministreta Francis Kabano i tok.

Namba wan em long mekim ol pipel i klia long lidasip na ol negosiesen o toktok long ol bikpela samting namel long Nesanel Gavman na ol Bogenvil lida long ol wok bilong painim gutpela sindaun na politikel futja.

Na namba tu em long traime kisim sapat long Bogenvil long nesanel na intenesenel level.



Tenpela Lihir kampani kamap memba long bisnis grup

TENPELA kampani long Lihir i rejista olsem memba wantaim Lihir Projek Smol Bisnis Asosiesen (LPSBA).

LPSBA i bin kamap olsem wanpela grup long Oktoba 3, 2001.

Ol kampani na join ventija grup i operet aninit long LPSBA i bin peim K200 membasip fi long kamap olsem hap long dispela grup.

Ol sampela liklik bisnis lain long Lihir i laik bai ol pipel yet i benefit long main na ol i birtingting long kirapim dispela asosiesen.

As tingting long kirasipim dispela asosiesen em long lukim olsem ol bisnis kampani bilong ol asples lain i benefit long gol main na i no sampela lain tasol na tu i nogat bel kros na pait namel long ol na tu ol komyuniti long main eria i benefit long taim main i operet.

Siaman bilong asosiesen Tony Kambek husat tu i Menesing dairekta bilong Unawos kampani grup i tok long ol liklik bisnis inapim ol astingting bilong asosiesen, i moabeta

long ol i wok bung wantaim na i no long ol yet olsem wanpela famili o wan wan grup.

Em i tok asosiesen i bilong ol liklik bisnis grup long Lihir na em i strongim moa bisnis grup long Lihir long joinim asosiesen ya.

Ol bai holim wanpela bung long makim anuel fi Siaman bilong Posen 115 long Londolovit long Lihir i menesim asosiesen na eksekutiv bilong asosiesen i helpim em. Moa askim long dispela em i ken go long siaman.

Kempen bilong kamapim gutpela gavman

PEKU PILIMBO i raitim

HELP Resource Inc, wanpela NGO long Wewak bai kamapim namba wan aweanes kempen bilong kamapim gutpela gavman.

Aninit long Good Governance Edukesen Program bilong ol bai toktok long 6-pela distrik bilong provins long gutpela rot bilong skelim na makim lida long 2002 ileksen i kam.

Helpim mani bilong kamapim dispela ol kempen bai i kam long Commonwealth for Good Governance long England. Help Resource i salim pinis pepa wok i go na wet long kisim mani i kam long het opis.

Long namba wan miting bilong stiar- ing komiti we i bin kamap las wik, ol i pasim tok olsem ol bai stap tripela de long wanwan distrik na givim skul long ol manmeri.

Wanpela opisa husat go pas long stretim ol pepa bilong givim skul long ol pipel bilong ples; Arnold Kombe i tok olsem ol bai kamapim drama, soim piksa na givim toktok long ol pipel long rot bilong kamapim gutpela gavman.

Mista Kombe i tok ol i stretim pinis wanpela drama grup husat wok long trening i stap. Ol givim pinis sampela mani bilong helpim ol na sampela bilong ol bai raun wantaim long taim bilong kempen na kamapim pilai.

Em i tok Help Resource Inc

kamapim program pinis bilong dispela aweanes kempen. long olgeta distrik, ol bai toktok long mama lo, rot bilong makim gutpela gavman, pawa bilong pipel, Ombudsmen KOMisin, wok bung wantaim, lokel na nesanel gavman, stori bilong wanem samting i kamap long wanwan ples na planti arapela toktok.

Ol toktok na kempen bai klaiim tingting em long redi na lukluk gut logn wanem samting i rong na wanem samting gavman mekim i rait.

Mista Kombe i tok bikpela tingting em long redi na klaiim tingting bilong ol pipel long ol i ken makim ol gutpela lida husat bai kamapim kantri.

Em i tok tu olsem long kamapim ol dispela kempen, mani bai winim K30,000 na i go antap.

Dispela em wanpela namba NGO husat i tingting long kamapim tingting long skulim ol manmeri bilong rural eria. Planti taim ol lida i save giaman planti na paulim ol pipel husat i gat rait long kisim gutpela skul na makim gutpela lida. Stiar- ing Komiti bilong Help Resource bai bung gen tude long stretim ol plen na wanem rot ol bai bihainim long karim aut dispela kempen.

Planti hap long kantri ol pipel i no klia long wanpela samting na ol wanwan saveman i save paulim ol wantaim planti giaman toktok. Atng ol pipel i gat klia tingting ol inap makim sampela gutpela lida bilong ronim kantri gut.

'Mi Nogat, yu bai nogat' - Se Pita Lus i tok

JOHN NILLES i raitim

MINISTA bilong Kalsa na Turism Sir Pita Lus bai sasim Post Courier niuspepa na painim husat tru i bagarapim nem bilong em long niuspepa. Long Ingliis ol i kolim 'defamation'. Minista Sir Pita Lus bai painim wanpela loya long sasim Post Courier long bagarapim nem bilong em long pepa bilong dei Fonde Novemba 15 2001 insait long pes 10 na tu husat i raitim dispela samting na givim long Post Courier.

Minista i tok, "Prais bilong bagarapim nem bilong mi em i bikpela tru. 1973 mi stap minista bilong plis, kalsa, na turism. Klostu 39 yia. Yu ting mi mangi bilong yu na yu opim maus

bilang yu. Bai mi holim yu yet."

Bekim bilong Sir Pita long tok insait long pepa em olsem, "Gutpela yu raitim olsem mi wapela "dangerous" (nogut) man. Mi "dangerous" olsem na nau PNG i stap olsem nua yu lukim. Sapos mi no "dangerous" bai yu no nap stap olsem nau yu stap."

Em i tok, "Mi no senisim ol wok bilong edministresen bilong Turism Promosen Atoritii (TPA). Edministresen em edministresen mi politisen em mi politisen. Mi traिम long givim ol tingting bilong mi tasol na mi no faul nabaut wantaim wok bilong edministresen na mi nogat tingting long mekim olsem."

Em i tok em i no mekim wantok sistem

long makim ol manmeri go insait long wok.

Erigere Singin bilong Morobe Provins olsem Acting Chief Executive bilong TPA, John Kambowa bilong Westen Hailans Provins olsem menesa bilong spesel projek na Pita Vincent bilong Sepik olsem menesa bilong maket na promosen. TPA bod i makim ol dispela wok manmeri na ino minista em yet.

Sir Pita i tok, "Ol no bilong Maprik Elektoret na ol ino wantok bilong mi."

"Em i wok bilong Minista long go long ol arapela candri na kirapim wok bung bai ol turis i kam insait long PNG," Sir Pita i tok.

Em tok olsem taim em i bin go long Yurop em i bin kisim tupela man tasol i go. Dokta Jacob Simet, Eksekutiv Darekta bilong Nesanel Kalsarel Komisen (NCC) wantaim Philip Aki, sekretari bilong Minista.

NCC i peim raun bilong Dokta Jacob Simet, NCC na Nesanel Musiem na Ats i peim raun bilong Philip Aki, na NCC wantaim Turism Promosen Atoritii (TPA) i lukautim raun bilong Minista. Ol i bin stap tupela wik tasol wantaim ol UNESCO lain long Paris na kam bek.

Ol wok painimaut i soim olsem Mista Kassman igat sampela hevi taim em i bin stap TPA Sef Eksekutiv. Pastaim minista bilong Turism Hon Samson Napo i rausim em long posisen. Sir Pita i wok long ridim ripot bilong ol rong bilong Mists Kassman na behain bai em i stretim tok.

Sampela ol plen bilong Minista wantaim

TPA bod em long kirapim ol indastri. Kirapim wanpela skul bilong tism ol turis gaid na ol kauk, kirapim ol gest haus, ol musiem insait long wanwan provins, na bai putim kalsa so long wanwan yia insait long ol provins.

Sir Pita i tok, "Mi nogut man long supotim na halivim Sir Micheal Somare long kirapim dispela kantri. Mi no man nogut bilong stil ol bilong painim mani." Maski yupela ol yangpela mangi pilai wantaim mi.

Mi bai stap yet, yapela bai go aut, pikinini bilong yupela bai kam na bai mi stap yet long palamen."

Sekretari bilong Pangu Pati Mista Moses Taian tok olsem ol news lain mas rispek long ol lida. "Pangu Pati i wanpela bilong ol olupela pati na mipela i bilip long 'media freedom', em tok.

"Dispela toktok istap long pepa bai bagarapim dispela fridom bilong ol nius lain.

Em i tok olsem Pangu Pati i amamas long wok wantaim Sir Pita Lus long kirapim Kalsa na Turism Industri.

Mista Moses tok, "Turism Industri i slek long wanem igat planti paul pasin na mipela bai klinim dispela indastri."

Em i tok olsem Samson Napo i raus long dispela potfolio long ol dispela toktok nambaut na nau Sir Pita i kam insait long pinisim dispela wok Mista Napo i lusim istap.

"Pangu Pati i askim Prais Minista long larim Sir Pita Lus long stap na pinisim dispela wok," Mista Taian i tok.



Bung wantaim •Membra bilong Wewak Bernard Narokobi i sindaun wantaim ol lain misinari. Las wik em tok ol kendidet i paulim ol pipel bilong Blem Ailan na givim kaikai nogut long ol. -File piksa

Klaiim tingting bilong ol manmeri wantaim skul

PEKU PILIMBO i raitim

HELP Risos i gat bikpela laik tru long klaiim tingting na skulim ol bai ol i ken wok bung wantaim long dispela kempen.

Dispela nupela Non Gavman Ogenaisesen (NGO) i bin stat long mun Oktoba long 1998 na wok bilong ol em long helpim ol pipel bilong komyunitii long lainim nupela rot bilong helpim ol yet. Olgeta wok bilong ol i bihainim as tingting bilong amam lo long kantri e i tok olgeta manmeri i mas klia n awok bung wantaim long

developim kantri. HELP Risos i wok long kamapim ol piksa, buk na givim pablik skul long helpim ol manmeri klia long wanem wok ol i mekim. Long wanpela toksave pepa bilong HELP Risos, ol i gat foapela hap wok ol i save mekim.

Namba wan em long kamapim ol buk, piksa na bungim wanem kain toksave ol pipel i mas save. Namba tu em long givim trening long ol manmeri bilong komyunitii bai ol dispela manmeri i ken helpim long skulim narapela manmeri. Namba tri ol i save

wok bung wantaim ol komyunitii. Kisim tingting bilong ol na bihain skelim wanem samting ol edvais long wanem samting ol i ken mekim long kisim sampela ol laik.

Namba foa em menesmen sait we ol manmeri wantaim save i ken lukautim gat wanem samting ol i gat na wanem rot ol i ken bihainim.

HELP Risos i laikim ol manmeri wantaim sampela hevi na laik kisim klia tingting i ken kamap long ol na skelim hevi bilong ol.

Ol wok manmeri long HELP i gat program i stap pinis bilong go aut long wanwan komyunitii na givim skul long ol manmeri. Ol manmeri i ken kisim tingting na dispela i ken helpim ol long mekim wok bilong kisim developmen.

Nau yet HELP Risos i laik karim aut toktok bilong kamapim gutpela gavman insait long Is Sepik provins long ileksen taim.

HELP Risos nau i stap long Sepik tasol i gat plen olsem wanem narapela provins i gat nid olsem bai ol i go long hap tu.

Helpim ol turangu long kisim skul tu

PEKU PILIMBO i raitim

WANPELA meri husat save helpim ol manmeri wantaim bodi i bagarap long kisim edukesen bai go bek long asp ples bilong em neks wik.

Dispela meri, nem bilong Susan Grace i bin kamap long kantri faipela krasmas i go pinis na i bin wok wantaim Callan Sevis long Wewak.

Em i bin stap long St Benedict Tisa Koles na skulim ol tisa trening, husat bai go aut na na yusim dispela save long helpim ol sumatin husat gat sampela bagarap long bodi bilong ol.

Em i bin kamap aninit long PALM, wanpela ogenaisesen bilong Australia husat save kam helpim ol manmeri olsem ol voluntia wok manmeri.

Mis Grace i save wokabaut raun i go long olgeta hap bilong kantri insait long faipela yia na em i save gut long

panti manmeri.

Bikpela wok bilong em long lukim olsem olgeta lek han nogut, yau pas, maus pas o wanem narapela hevi i mas gat sans long kisim sevis.

Nesanel Dairekta bilong Callan Sevi long Wewak, Leach Graeme i tok Susan i save mekim gutpela wok tru.

Em i wanpela meri bilong pren gut wantaim ol pipel em bungim na i bin helpim planti manmeri long kisim edukesen

Em i save go mekim gutpela wok stret long helpim ol liklik pikinini long kisim sans bilong lainim ol samting long skul.

Planti manmeri long PNG husat save long Susan Grace bai misim em stret tasol em i lusim as ples bilong em longpela taim na em i mas go bek.

Em bai lusim Wewak neks wik na kamap long Pot Mosbi bipo long em i flai i go long Australia long Sande.

**ILEKSEN
KALENDA**

- STAT BILONG

ILEKSEN: long taim
Gavana Jenerel
Givim Aut Rit bilong
ileksen
4 EPRIL 2002

- NOMINEISEN I

PINIS:
11 EPRIL 2002


- VOTING I STAT:

15 JUN 2002

- ILEKSEN I

PINIS:
Long dispela dei o
bipo long dispela dei
taim Gavana Jenerel
i kisim bek Rit bilong
ileksen
15 JULAI 2002

Ol ripot bilong ileksen



• Stail bilong yumi PNG long kempen long taim bilong ileksen.

**Komon Rol Buk i op yet
i go inap Epril 2002**

**YAKAM KELO
i raitim**

SAMPELA provins bai klostu pinisim wok bilong stretim nem bilong ol manmeri long Komon Rol Buk bilong neks yia 2002 nesanel ileksen. Bihain long ol i pinisim dispela wok, ol bai salim ripot i go long Mosbi long het opis bilong Ilektoel Komisn. Ripot i kam long Ilektoel Komisn i tok planti provins i pinisim namba wan hap wok bilong ol long stretim gut nem bilong ol manmeri long Komon Rol Buk. Olsem na dispela namba wan hap ripot (priliminari ripot) bai i go long Mosbi het opis.

Tasol het opis i tok dispela i no min olsem olgeta wok bilong stretim olgeta nem long Komon Rol Buk i pinis nau. Nogat. Wok bilong stretim ol nem long Komon Rol Buk bai i go het yet inap long neks yia long mun Epril.

Ripot i tok taim dispela namba wan ripot i kam aut na sapos ol manmeri i lukim olsem nem bilong ol i no stap long buk, ol i ken go het yet long go putim nem bilong ol long buk. I nogat wanpela samting i stapim ol manmeri long stretim gut nem bilong ol bihain long dispela namba wan ripot i kam aut i go inap long mun Epril long neks yia, ripot i tok.

Het opis i tok klostu Is Nu Briten provins tasol bai pinisim olgeta wok

bilong em pas long ol arapela provins nau nau bai namba wan ripot bilong em bai i go long Mosbi liklik taim. Wok bilong ol i ron gut na kamap gut na taim ripot bilong ol i go aut, bai ol manmeri i sekim ol nem bilong ol gut na stretim gut long dispela taim i go inap long mun Epril long neks yia.

Dispela wok bilong stretim gut nem long Komon Rol Buk em bilong soim klia husat manmeri i gat nem long vot long neks yia nesanel ileksen. Sampela nem i nupela bikos ol i marit na go stap long nupela hap, o ol i go wok long nupela ilektoel na tu sampela yangpela i kamap 18 krismas olsem na ol i mas putim nem long vot long nesanel ileksen.

Jun 2002 em bikpela de insait long Papua Niugini we olgeta manmeri bai votim ol memba bilong ol i go long nesanel palamen long makim ol olsem lida bilong ol long haus palamen.

Taim bilong kempen bai stat long Epril neks yia we olgeta kandidate i ken go het na sanapim ol piksa na kempen raun long ilektoel bilong ol inap Jun we taim bilong putim X long ileksen pepa na long mun Julai bai Gavana Jenerel i singautim olgeta lain i win long go bung long Mosbi long palamen na promis long holim wok bilong lida bilong kantri na sevim pipel wantaim kantri bilong en.

Ol nupela politikel pati i gris tasol

**FELIX RAMRAM
i raitim**

OL nupela na liklik wan man pati bai i soim trupela kala bilong ol bihain long 2002 Nesanel Ilekse. Dispela kala i kamap pinis long ol ileksen i go pinis na bai i sanap gen long ileksen i kam.

Singaut nau i go aut long olgeta manmeri insait long Wes Sepik long noken harim gris tok bilong ol kain politikel pati olsem, husat long ol i kam tude na tumoro ol i go pinis.

Adolf Wogas, Nesanel Vais Presiden bilong Pangu Pati long Vanimo i tokaut long dispela samting long taim em i askim ol pipel

ong i mas luksave long ol gutpela na strongpela politikel pati husat long ol i bin mekim planti wok long bringim Papua Niugini i kam inap mak em i stap long en nau. Na ol i no ken harim gris tok bilong ol nupela politikel pati husat long ol nau i wok long raun na kempen na tu i laik sanapim opis bilong ol insait long Wes Sepik.

Mista Wogas i tokaut olsem Wes Sepik i lukim piksa pinis long planti krismas long taim i gat ileksen. Em i tok long taim bilong ileksen, ol nupela pati wantaim ol arapela pati i save soim pes long provins. Tasol ol i go stap long sotpela taim tasol na bihain ol i ronawe pinis.

"Insait long Wes Sepik mipela i lukim planti trupela piska bilong ol politikel pati pinis long taim bilong ileksen. Insait long 26 krismas mipela i lukim ol politikel pati i kam insait long provins na kirapim opis long ileksen taim. Long taim ileksen i pinis, ol pati ya i kamautim opis bilong ol na ronawe pinis. Ol i go stap inap long wanpela ileksen ken, ol i kamap na soim pes long provins.

"Mi laik tokim yupela pipel bilong Wes Sepik olsem. Em i no isi long win long ileksen taim, i no isi long fomim na ronim wanpela gavman o kamap gutpela lida. Na tu long fusim gavman em ol bikpela politikel fomim tasol i save

save olsem dispela em giaman toktok bikos piksa i soim klia olsem ol liklik pati i no save fomim gavman.

Moa yet, ol pati husat i save senisim nem long olgeta ileksen taim mipela Wes Sepik pipel i lukim na save pinis long wanem samting i kamap long wanpela politikel pati bilong provins yet na rijinel memba bilong Wes Sepik John Tekwie i kamapim ol i kolim Indigines Pipels Gavman.

Dispela pati i senisim trupela taim na nau i kamap wantaim nupela nem ol i kolim Melanesian Pipels Pati.

"Sapos ol liklik pati i kempen na tok olsem ol bai ronim Gavman bihain long 2002 Nesanel Ilekse. Ol votas, yupela i mas luk-

save olsem dispela em giaman toktok bikos piksa i soim klia olsem ol liklik pati i no save fomim gavman.

Nupela lo bilong ol politikel pati na ol kandidate i hait bikos ol liklik pati na ol sapota pati bai i no inap fomim gavman, Adolf Wogas i tokaut.

**Nupela ileksen senis redi
long palamen i harim**

HILDA WAYNE i raitim

NUPELA senis long ilektoel sistem bilong Papua Niugini bai kamap sapos ol memba bilong palamen i vot na tok orait long senis i ken kamap taim palamen i bung long tude.

Dispela senis em ol i kolim Prefrensional Voting bai senisim sistem yumi yusim nau na 2002 ileksen neks yia bai las taim tru PNG bai yusim sistem nau na bihain stret long ileksen bai senis i stat.

Dispela i min olsem ol bai-ileksen o kot ov disputet retens bai kam ananit long Preferensel

Voting tasol ileksen bai yusim nau sistem.

Kodineta bilong Ilekse Rifom Projek Daisy Taylor i singaut long olgeta memba bilong palamen i mas bung long palamen taim em i stat long tude bai ol i ken votim na tok orait long dispela senis.

Taim dispela senis i go long palamen long mun August 21 em 80 memba bilong palamen i givim bikpela sapot tru na ol i tok orait na votim yes long nupela senis.


Nau em namba tu taim bai dispela bil i go long palamen na em bai las taim tru ol memba i harim gen na tok orait long dis-

pela. Sapos ol i tok orait em senis bai kamap.

Mis Taylor i tok ol i bin raun i go long planti hap bilong kantri na sapot we i kam long ol pipel tru long ol sios grup na yut grup i gutpela bikos planti lain i laikim nupela sistem i mas kam insait.

Em i tok olgeta wok em ol i putim i go insait long mekim Preferensel Voting i kamap lo na ol memba i mas givim sapot.

Mis Taylor i tok planti ol sios grup na grup bilong ol meri i save raitim pasi i kam long ol long askim long planti moa tok tok na ol i laik tru olsem senis i mas kamap long helpim kantri.



•1997 ileksen i go pinis na yumi lukluk long 2002 nesanel ileksen

Kimininga Elementri skul kamap gut

PAULUS TALI i raitim

HAGEN Kimininga Plis Bareks i gat wanpela elementri skul na tu non fomal prep skul hia long bareks ausait long siti.

Pastaim long ya 1995 skul i bin stat isi tasol long kamap long meri husat i

statim skul.

Meri ya em Misis Minka Eremas na em i bin statim skul long haus bilong em yet long Sen Paul's Plis Bareks long Hagen.

Long 1996 Rotary Klub i bin tingting long helpim skul long mekim sampela wok long stretim ol klasrum bilong ol

pikinini taim skul i stap long Sen Paul's.

Dispela taim tu em Plis Suprintenden John Wakon tu i save givim helpim na sapatim skul.

Gavman bilong kantri Keneda i bin helpim long bildim mak long K20,000 na helpim long stretim ol biding tu. Taim edukesen

rifom sistem i kamap ol pes intek i bin stat skul long 1999 bilong mekim non fomal skul bilong ol.

Elementri skul nau long Kimininga i stap long lukaut bilong Misis Eremas husat i statim dispela skul long Sen Paul's. Dispela ya 2001, bai greduesen bilong ol pes

studen bai kamap husat i bin opim skul na kamap pes sumatin bilong skul long 1999.

2002 ol dispela sumatin bilong dispela skul bai mekim gred 3 long Hagen Yunaitet Praimari Skul bikos em i fida skul bilong Kimininga Elementri.

Ol tisa bilong skul em Fidelma Siddy, Lynn William na supavaisa em Rose Jerry.

Misis William i tok wok bilong titsim ol liklik pikinini sumatin i no isi wok tasol ol i save mekim bilong wanem ol pikinini i gutpela pipel bilong bihain.

Misis Siddy i tok pastaim rifom i no bin kamap ol tisa i save painim hevi long pe tasol ol i save givim taim bilong ol yet na tita yet na bihain long rifom nau em ol i save kisim helpim long pe bilong ol.

I gat non fomal skul tu i stap we ol pikinini mak long 4 i go 5 kribas i save stap.

Sopas bai kisim helpim

SOPAS Haus sik long Enga i bin pas long stat bilong dispela ya taim administresen i nogat mani na tu ol toktok long bagarapim ol wok lain tu em mekim ol pret na ol i pasim Sopas. Sopas Nesing Skul em ol i surukim i go long Mosbi.

Tasol dispela ol hevi bilong haus sik nau em gavana bilong Enga Peter Ipatas i tokaut olsem bai gavman bilong em i givim mani long open bek gen.

Em i tok Sopas Haus sik na Nesing skul bai op gen ananit long 2001 baset.

Tupela skul wantaim em Seven De Misin i save ranim.

Ol narapela projek we i kam ananit long dispela baset em Kagamuga pairitrum fektori, Pilakambi na Kopen Hai skul na ol upgredim bilong ol rot long provins bai kamap ananit long Esia Developmen Benk lon.

Narapela samting tu em peim olgeta dinau

mani na ol kot oda egensim Enga Edministresen.

Long dispela baset tu em viles kot long Enga bai kisim K800,000 na dispela mani em bilong peim ol opisa we em mani ol i no bin kisim long taim.

Mista Ipatas i tok planti bilong ol bai kisim planti moa mani tru bikos em pe bilong ol i no bin kisim bipo i kam inap nau.

Em i tok ol i save wok hat tru namel long komyuniti na nau em i taim bilong ol long kisim pe.

Kopen Hai Skul bai kisim K1.3 milien na Pilakambi tu bai kisim sampela mani em ol i no tokaut long amas.

K1 milien bai ol i putim bilong bildim nupela sel long Mukurumanda na K1 milien bilong ADB bai go insait long ol rot.

Enga provinsal baset i go K52, 548, 649 na Praim Minista na Tresera Sir Mekere Morauta i tok orait long dispela baset las wik.



• Ol liklik pikinini em ol studen bilong Kimininga Elementari skul.

Tupela meri pait na wanpela i dai

WANPELA meri bilong Rilau viles long Gumine Distrik bilong Simbu provins i bin dai long las wiken taim narapela meri i sutim em long naip.

Hailans Plis Komanda Tony Wagambie dispela meri husat i kisim taim long naip i gat 24 kribas na em bin dai taim em i lusim planti blut taim narapela meri birua i sutim em long lek bilong em.

Mista Wagambie i tok meri husat i dai nem bilong em Maria Kua na tupela i bin pait bikos

tupela meri i save maritim wanpela man tasol.

Em i tok tupela i bin statim wanpela bikpela kros na hatim bel bilong tupela nogut tru na narapela meri ya i kisim naip bilong kukim kaikai na sutim narapela long lek bilong em.

Meri ya i bin lusim planti blut tru bikos ol i no kisim helpim hariap na em i dai bihain long planti blut tru i lusim bodi bilong em.

Mista Wagambie i tok ol plis opisa i wok long mekim wok painimaut yet i stap na bihain long dis-

pela bai ol i putim sas na meri husat i mekim rong bai go long kalabus. Long narapela plis ripot yet em tokaut olsem raskol i bin stapim wanpela pasindia bas long Ku viles na stilim olgeta kago na mani bilong ol pasindia.

Ol raskol i bin holim tupela hom med gan na karim bus naip na stapim ka na kisim olgeta samting bilong ol turangu.

Mista Wagambie i tok ol plis i save long husat raskol i bin mekim dispela stil pasin na bai ol i holim pasim ol klostu taim.

Simbu kisim luksave long gavman

SIMBU gavana Pater Louis Ambane i tok amamas tru na welkam long tupela man bilong provins bilong em i kisim bikpela sinia wok long gavman.

Karimui/Nomane memba Simeon Wai i bin kamap minista bilong Agrikalisa na Laipstok na long taim sinia plis man Joseph Kupo i kamap plis komisina.

Pater Ambane i tok Simbu i gat planti gutpela we long bung long mekim ol disisen long kantri long olgeta level bilong gavman.

Em i tok em i amamas olsem tupela man i kisim luksave long kain sevis tupela i save givim long kantri

na gavman.

Pater Ambane i tok ol i makim tupela man long bikpela posisen long wanpela taim we kantri i gat bikpela hevi tru tasol ol pipel bilong Simbu i amamas tru long wok tupela i kisim. Em i tok em i gat bilip olsem tupela man ya i no kisim bikpela wok nating na tupela i wok hat tru na i save mekim trupela wok.

Nau Pater Ambane i tok taim Mista Kupo kamap komisina em i soim olsem gavman i gat bilip i no long Mista Kupo tasol em i gat bilip long olgeta pipel bilong Simbu na ol pipel i mas tingting gut na larim lo tasol i lukautim laip bilong ol.

Nogat mani long sapatim bung bilong ol meri

PLANTI meri long ol hailans provins i no wanbel taim wanpela bikpela bung bilong ol meri long Hagen em ol i bin stapim bikos nogat mani.

Dispela bung i bilong Women In Politik (WIP) na planti meri i bin amamas tru long kam long em.

Bung inap long stat na pinis dispela wik na ol meri long Hagen i wok long stap redi tasol long Mande stret ol i bin kisim toksave olsem nogat bung bai kamap.

Plant meri i laik kam long dispela taim long toktok long politik na we ol i stap long lukluk bilong we ol meri i mas sanap strong na resis

wantaim ol man na mekim sampela gutpela disisen tu.

Em i gutpela taim tu bilong ol meri long givim strong long narapela long toktok bai tingting bilong ol i ken redi tru long taim bilong ileksen neks ya.

Julie Bengi na Theresa Timbi husat i go pas long redim olgeta samting bilong miting i tok nau em ol i mas toksave long olgeta meri na dispela em i no isi bikos planti i no amamas olsem nius i kam nau tasol.


Sampela meri long ol narapela hailans provins i bin stat long kam long Hagen pinis tasol ol bai go bek gen

long ples bilong ol.

Het meri bilong WIP Margaret Loko i salim toksave i go long olgeta meri husat i go pas long kamapim dispela bung na em i toksave long ol olsem miting bai i no inap kamap bikos ol i bin toksave olsem bai i gat fanding i kam long helpim bung.

Mis Loko i tok sampela dona ejensi i tok bai ol i sapatim dispela bung na givim mani long helpim tasol ol i wet na mani i no kam olsem na ol i stapim.

Em i no tokaut long bung bai kamap yet o nogat o bai ol i painim narapela taim long holim dispela bung.



• Paul Ambane woks menasa bilong Goroka taun i soim ples we nupela wara saplai bilong bai kamap long en. Foto:PEKU PILIMBO

Kos bilong planim rais i kamap long Erap

DAPSY MINGKA
i raitim

WANPELA bikpela bung bilong Dipatmen ov Agrikalsa na Laivstok (DAL) trening kos bilong rais fam i bin kamap las wik long 12 inap 14 Novemba long Lae ausait long DAL Erap stesin we Seketeri Utula Samana i bin opim.

Trening kodineta Sonny Samiano i tok welkam long olgeta lain i bin kamap makim wanwan provins na distrik long dispela trening kos iong DAL Erap.

Planti trening kos lain i bin kamap long dispela trening kos long lainim we bilong planim

rais na mekim i kamap rais bilong kaikai.

Mista Samiano i tok dispela skul trening em i bikpela samting tru long yumi mas lainim gut na kisim gut save long en.


Em i tok dispela em i namba wan trening kos we mipela i kamapim nau insait long Morobe provins.

Insait long kos ol manmeri i lainim long rot bilong planim rais, taim rais i redi ol bai pulim na kisim pikinini bilong rais stret, wanem taim i gutpela long kisim rais long gaden, ol rot bilong yusim wantaim naip o han na ol mesin bilong yusim long rausim ol skin bilong rais na ol arapela samting moa bilong


mekim long kamapim rais bilong kaikai.

Insait long dispela kos, ol lain i go pas long holim trening ya em Mista Samiano olsem kodineta, Stanis Malagen olsem ol trening instrakta bilong Trukai fam long Erap, Vincent Artago em olsem narapela instrakta bilong Trukai fam long Erap na Arigena Mengge Neng husat tu i wanpela kos instrakta.

Olgeta lain i kamap long dispela kos i bin kisim setifiket long dispela kos long lainim pasin bilong planim rais na kamapim long mak bilong kaikai. Olgeta i pinisim kos long Trinde na go bek long wanwan distrik na provins ol i kam long en.



• Liklik milling rais masin! DAL Trukai Rais kodineita Mista Sonny Samiano i soim milling masin we i millim rais nau taim ol kos trenings patisipens ol i lukluk na lainim taim ol i visitim ol masin ausait long DAL fam long Erap Morobe provins. Foto: Dapsy Mingka.



Self relaiens projek! • Wanpela yangpela boi bilong ples Wamasu long Salamaua, Morobe provins i soim ol sia em i wokim long kanda. Nem bilong boi ya em Ruben Yakam. Em i save wokim ol dispela sia na salim long ol kampani na wanwan manmeri long Lae siti. Foto: Dapsy Mingka.

Liklik bisnis kos i kamap gut long Lae

PLANTI liklik bisnis i save pundaun bikos ol papa bilong bisnis o ol menesa i no save lukautim gut rekot.

Lae Distrik Edministreta Patillas Gamato i tokim ol manmeri long wok-sop bilong statim na kirapim liklik bisnis long Lae las wik Fraide olsem planti bisnis i save pundaun bikos ol papa bilong bisnis i save ting wok bilong lukautim gut ol rekot bilong bisnis i no bikpela samting.

Ol rekot bilong ol liklik bisnis o ol bikpela kampani em bikpela samting long stretim rekot bilong mani, kisim dinau long benk na bikpela samting em long ripot i go long opis bilong Invesmen Promosen Atoriti long olgeta yia, Mista Gamato i tok.

Mista Gamato i tok planti manmeri i save statim ol liklik wok bisnis bilong ol tasol ol i no save go moa taim hevi bilong dinau i kamap na ol i no save kamapim profit olsem na wok bilong holim na lukautim gutpela rekot em i

as bilong kain hevi olsem long kamap.

Ol arapela hevi we bisnis i save pundaun em long i nogat gutpela save long ronim wok bisnis, stok kontrol na nogut menesmen na pasin bilong yumi long ples we i save daunim bisnis tu, Mista Gamato i tok.

Wok bilong kamapim bisnis em long mekim profit olsem na ol lain i go pas o ol menesa i save kamapim gutpela wok we mani i go aut i mas aninit long mani i kam insait.

Dispela kos bilong statim bisnis bilong yu yet o ronim gut bisnis bilong yu i save kamap olgeta yia we Lae Distrik edministresen aninit long Komes Divisen bilong em i save go pas long en.

Ol liklik bisnis manmeri na husat i laik kamapim bisnis bilong ol i save kamap long harim na kisim save long ol samting i kamap long dispela kos.

Ol pipel bilong YUS i amamas long gavman

OL pipel bilong YUS Lokol Level Gavman na Kabwum Distrik long Morobe provins i gat gutpela as long amamas taim memba bilong ol i kisim wok olsem Mista bilong Hausing insait long nesenel gavman. Bihain long Mista Saonu i kamap Minista em i no i go long lektoret bilong em.

Long Sande Novemba 11, 2001, em i go long lektoret bilong em olsem Minista na em i kamap long ples Keweng long bungim ol manmeri bilong Keweng. Long dispela taim ol sios lida wantaim ol manmeri bilong lotu i givim blesing bilong wok na strongim minista long wok bilong em bihainim pasin bilong rispek long lida long ples na pasin bilong lotu.

Mista Saonu i tok tenkyu na amamas long ol long olgeta sapot ol i givim em olsem pikinini bilong ol stat long em i skul, kamap tisa, votim em tupela taim long provinsel gavman na tupela taim long nesenel palamen.

Mi no go aut long sampela hap bilong distrik, kam long provins, i go aut long arapela provins, i go aut long narapela kantri olsem Minista yet. Bilong wanem yu no save yet olsem na mi kam long yu pastaim. Olsem na mi kam. Mi no yusim tu opis bilong Nesenel Hausing Kopresen tu. Nau mi kam hia mi bai go bek wantaim sapot na blesing bilong yupela na God na mi bai mekim wok bilong mi olsem Minista, Mista Saonu i tokim ol pipel.

Ol sios lida, kaunsela na ol komyuniti lida i tok amamas long Mista Saonu long i go bek gen long ples na tok amamas long ol wantaim tok save bilong wok Minista em i kisim.

Ol komyuniti na sios lida wantaim ol pipel i tok amamas i go long Praim Minista Sir Mekere Morauta na Pipels Demokretik Muvmen Pati long luksave long Kabwum pipel na givim dispela wok minista long pikinini bilong ol. Maski developmen i hat long i go long ples tasol ol i amamas long pikinini bilong ol i kisim luksave long nesenel level na ol bai givim ful sapot long gavman bilong PDM na Mista Saonu.



• Minista Saonu kamap long bikples Keweng na ol welkamim em olsem minista, memba na pikinini bilong ol.

Oi studen harim stori bilong Wes Papua

ERICO HOVOB i raitim

OL studen bilong Divine Wod Yunivesiti long Madang i bin kisim planti tingting tru taim ol i bin harim stori

bilong ol lain Wes Papua long Indonesia. Wapela man Wes Papua nem bilong em Patrick Huby i bin bungim sampela studen long Histri klas bilong ol na em i tokim ol long wanem kain

hevi ol ami bilong Indonesia i save mekim long daun pait bilong Wes Papua long kisim independens. Ol i harim olsem Indonesia i save taitim ikonomi bilong em tu na ol lain Wes Papua i

save kisim taim stret. Mista Huby i tok ol lain Wes Papua i save laikim isi we na gutpela toktok na ol i save strong yet long pait long kisim independens. Em i tok planti pipel i

save mekim ol gutpela protes tasol ol i save lusim laip bilong ol bikos pawa bilong gavman bilong Indonesia i save kilim ol i dai. Mista Huby i tok ol pipel i stat long yusim ol tumbuna samting olsem spia na bunara long pait wantaim ol ami bilong Indonesia long ol maunten.

Indonesia long 1963. Em i tok taim ol i bin kamapim OPM em Yunaitet Nesens i bin givim tok orait long dispela. Mista Huby i tok OPM i save helpim ol pipel na i save givim ol edukesen na helt sevis long ol lain. Wapela studen

long fridom bilong ol taim em i pinisim skul. Em i tok ol pipel bilong PNG mas noken lus tingting long ol brata bilong ol na ol i mas helpim ol long pait long independens.

Narapela studen Patrick Hykins i tok Indonesia i strong tru na go insait long graun bilong Wes Papua na dispela em i no stret.

Em i tok ol studen i mas toktok wantaim ol lida bilong ol long helpim Wes Papua long kisim independens.

Ol i bin statim wapela strongpela oganaisesen ol i kolim Oganaisesen Papua Merdeka (OPM) bihain stret long taim Das gavman i bin lusim

Wapela studen Quinten Awapok i tok planti ol bisnis long Sepik rijen em ol lain Indonesia tasol i save ranim. Mista Awapok i tok em bai helpim ol lain Wes Papua long pait



Sampela Katolik yut bilong Manam Allan.

Bikpela sapot helpim Madang Red Cross

TUMBUNA Treks Studio ben i bin helpim long kisim bikpela mani tru taim ben ya i bin helpim Red Cross long Madang.

Bikpela samting tru i bin kamap na planti manmeri i bin soim sapot bilong ol na go helpim long givim mani long wok bilong Red Cross.

Long dispela taim tasol ol i bin mekim fesen so o so we ol manmeri i save putim kainkain stail kolos na soim stail long ai bilong ol pipel husat i bung. Dispela samting em ol

i save kolim model na ol lain bilong Tumbuna yet i stretim musik bilong ol manmeri long soim stail bilong ol.

Em i bin wanela bikpela nait tru na planti lain i amamas.

Wok bilong Red Cross i no save kisim planti gavman sapot na ol i save wok hat tru long helpim ol yet.

Nau long dispela taim em yumi harim ol i bai makim Mis Papua Niugini na dispela tu em i wanpela we Red Cross i save kisim moa mani long helpim wok bilong em i go het yet.

Madang Semba ov Komes tu i gat wanpela yangpela meri ol i makim long resis long kamap Mis PNG.

Nem bilong meri em Cathy Angu na em yet i save plenim kainkain wok long kisim mani long Madang.

Kain wok em i save mekim em olsem plenim ol disko nait, ol rafel tiket, ol pilai we ol famili i ken bung long mekim moa mani.

Long dispela yia i gat foapela meri tasol i resis long kamap Mis PNG bikos nogat planti meri bin givim nem long resis.

OI NGO lida kisim gutpela skul

ANDREW ALPHONSE i raitim

OL menesa na lida bilong ol non gavman oganaisesen (NGO) i bin bung long wapela bikpela woksop long Alexishafen Konfrens senta long Madang.

Seventin NGO maus man na meri bilong planti grup tru i bin kam long dispela konfrens we gavman bilong kantri New Zealand i bin sponsaim.

As tingting bilong dispela woksop em long givim gutpela save long ol NGO menesa na lida long ol gutpela mensa skil ol wok bai ol i ken lukautim na ranim oganaisesen bilong ol long gutpela we. Taim ol i save long gutpela we

bilong lukautim oganaisesen orait ol i ken yusim gut ol mani ol i gat long mekim wok bilong ol.

Dispela woksop i soim ol lida bilong ol NGO long tingting gut long ol dona mani em ol dona ejensi i save givim ol long helpim ol komyuniti projek.

Sampela taim ol projek i gat gutpela plen bilong ol yet tasol ol dona lain i save putim mani i go insait na bihain ol yet i save laik ranim ol projek na dispela em ol i mas luksave na noken abrasim plen bilong komyuniti yet.

Long woksop ol i lain long we bilong raitim ol gutpela pas i go long ol dona ejensi.

Taim ol i laik askim long done-sen em ol i mas save gut long we

bilong raitim pas i go long ol dona lain bai gutpela helpim i ken kam bek long ol.

Ol dona lain i no save givim mani nating na ol i save laikim toksave long we mani bilong ol i save go na dispela tu em ol lida long woksop i lainim gutpela we bilong raitim kain samting.

Ol lain husat i kam bung long dispela woksop bai gat sans long kisim Diploma pepa bilong ol bihain long foapela o faivpela yia long ol i meki fil wok na pinisim kos tu.

Wanpela waitman John Stansfield bilong wanpela bikpela yunivesiti long New Zealand i bin kam helpim long holim woksop.

Wok stat long nupela plis bareks

LYNDSAY WARVI i raitim

WOK i stat pinis long nupela plis bareks em ol i laik mekim long bipo ples Banana Setelmen, Jomba Plis Stesen Komanda Philip Solala i tok ol i bin digim graun pinis na putim ol pos long stat long sanapim haus.

Kodineta bilong Komyuniti Plis

na Sinia Inspekta James Kupi i tok 31 haus em ol bai bildim mak long K3.5 i go K4 milien.

Dispela projek em gavman bilong Australia tru long AusAID progrem i helpim long fandim.

Ol wok i isi long kamap na plen bilong pinisim olgeta wok em bai long mun Me long neks yia.

Mista Kupi i tok Kusbau Plis Bareks em ol i bin brukim olgeta haus i kam daun na 13 tasol i stap yet. Bipo i bin gat 57 haus olgeta.

I gat planti hevi long wara saplai i no go gut long ol dispela bipo haus na tu dispela em ol helt atoriti i tok ol famili ken isi tru long painim sik.

Em i tok Madang Provinsal gavman i givim 20 haus olgeta bilong ol plis fos long Madang.

Provinsal gavman i muvim ol setelmen lain i go long narapela hap long luktuk long dispela bikpela samting.

Ol i laikim olsem graun we i

stap nating em gavman i mas yusim bilong helpim olgeta pipel bilong provins.

Dispela em i wanpela bikpela nid tru bikos haus em i wanpela samting ol plis i painim hat tru long em.

Planti famili tu na ol haus i sot olsem na gavman bilong Australia na provinsal gavman i bungim tingting long helpim ol plis long kamapim dispela bikpela milien kina projek.

long Jun na nau em i namba tu taim mipela i mekim," Mista Yale i tok las wik. Em i tok dispela em i pes taim bilong koles long holim tupela open de long wanpela yia bikos ol i mas salim planti samting em ol studen yet i bin mekim.

"Ol studen i mekim planti gutpela samting tru na mipela i mas salim i go aut bikos nogat spes bilong putim ol gutpela samting," Mista Yale i tok.

Planti bilong ol saplai ol i wok long yusim bilong mekim ol samting em ol i no laik tromoi i go na rabisim.

Ol i save mekim ol tebol, sia, penim ol piksa, mekim ol kapot na planti moa samting.

Em i tok dispela em i taim bilong ol pipel long Madang i ken kam bung na baim ol gutpela samting we bai ol i lusim bikpela mani tru taim ol i baim long sto.

Mista Yale i tok mani ol i save kisim long dispela open de em ol i save bungim na baim saplai bilong ol studen husat i save kam skul long ol yia bihain bai ol tu i ken lainim ol gutpela skil. Em i singaut long ol pipel bilong Madang long baim ol samting ol studen i mekim long soim sapot long wok bilong ol. Mista Yale i tok ol studen bilong koles em ol pipel bilong bihain na em i laikim bai ol i mas helpim ol yangpela husat i laik wok long helpim komyuniti.

"Koles i mekim mani long trenim ol pipel bilong PNG bikos mani bai go bek long helpim ol studen husat i kam bihain," Mista Yale i tok.

Madang Teknikel Koles i bin stat 30 yia i go pinis na i wok strong yet long helpim planti ol yut long save long kainkain skil bilong helpim ol yet long mekim mani.

Luteren De Skul kisim hevi long mani

FOAPELA kiasrum long Luteren De Praimari Skul em ol i no bildim yet bikos ol papamama bilong ol studen i no peim ol projet fi bilong ol studen.

Sinia tisa Maggun Kautin i tok strong olsem dispela hevi i kamap bikos em i no rong bilong ol studen tasol papamama i rong.

"Ol papamama i no peim ol pro-

jek fi bilong ol na dispela i mekim ol wok long kiasrum i go isi isi tru. Mipela i wet longpela taim tru na ol i no mekim wanpela samting yet," Misis Kautin i tok.

Em i tok dispela samting i kisim moa long wanpela yia pinis na ol i stap yet.

"Ating ol i ting olsem gavman bai givim subsidi mani na ol i no

inap peim moa mani," em i tok.

Misis Kautin i tok ol studen i nidim gutpela ol bilding long skul gut sapos ol papamama i laikim ol tisa long lainim ol pikinini bilong ol gutpela samting orait ol papamama yet i mas helpim ol long peim fi bilong ol.

"Mipela i no askim long bikpela samting. Mipela askim long ol


papamama i mas wokbung wantaim mipela na peim ol projek fi bilong ol na noken tingting tumas long ol subsidi," em i tok.

Em i tok nau yet long dispela taim foapela klas bilong elementri studen i wok long yusim ol kiasrum we i no pinis yet na taim win o ren i kam em ol liklik pikinini i save kisim taim stret.

Pater Willie lusim PNG

Rot i gat laip kos long Ridima paris

VERONICA HATUTASI i ritim



• Pater Willie Kamion.

BIHAIN long rainpela krusmas we em i mekim planti poroman, save long Tok Inglis na Pisin na laikim PNG nating tru, wanpela yangpela Katolik Divan Wod misinari pater bilong Afrika i bin lusim Pot Mosbi long dispela wik na go bek long ples bilong em.

Nem bilong pris ya em Pater Willie Kamion SVD husat i gat 38 krusmas. Em bin lusim PNG long dispela wik Tunde na go bek long kantri bilong em, Demokratik Ripablik ov Congo (DRC).

Em kam long wanpela bikpela famili i gat 11 pela pikinini. Em i namba tri pikinini long sokspela man na faivpela meri. PLES mama i karim em em long Bagata we mama na papa i bin tisa. Tasol bikos long planti pikinini, mama i risain long lukautim ol pikinini na famili. Bihain long em i pinisim hai skul, em i joinim ol Katolik yut na dispela em bin givim em laik long joinim ol SVD oda na kamap pater.

Em bin skul long Kinshasa seminari long kapitel siti bilong Congo. stat long 1982 na long Julai 1991, em bin pinisim skul semianri long kamap olsem wanpela SVD pater.

Taim em i kam long PNG long 1991, em bin nupela pater tasol. Bikos em bin kisim odinesen long kamap pater long dispela taim (1991) na wanpela mun bihain tasol em i kisim singaut long wok misin i kam long PNG.

As long em i go bek em ol i laikim em bai go bek long Congo na wok long Seminari bilong ol bikos planti ol SVD pater long hap em ol bilong Yurop na ol i wok long lapun na ol i go bek long ol wan wan kantri bilong ol. Na ol i laikim ol asples pater bilong ol yet long skruim ol wok long kapitek Kinshaha

mi kwiktaim lainim Tok Pisin. Mi bin lainim kwik Tok Pisin insait long sikspla wik tasol. Nogat man i lainim mi, nogat. Ol bin givim mi tupela kaset na wanpela buk na Buk Baibel long Tok Pisin. Na tu toktok wantaim ol pipel na long dispela rot mi bin lainim Tok Pisin we nau mi go, mi save gut tru long en, "Pater Willie i tok.

Em i tok taim em i krugutum PNG long namba wan taim, em i amamas na laikim tru na em i pilim olsem em i stap long ples bilong em bikos planti samting i wankain.

"Taim mi kam kamap long Pot Mosbi, mi lukim olsem klaimet i wankain olsem long Congo, ol pipel i klostu wankain long ol lain bilong mi, ol rot wantaim ol pothol i bin mekim mi tingting bek long Congo na mi pilim gut olsem mi stap long ples," Pater Willie i tok.

Em i tok ol pipel long PNG i isi long mekim pren wantaim na olsem em i mekim planti poroman. Na em i hat long lusim ol bihain.

Long sait bilong kalsa, Pater Willie i tok planti samting i wankain namel long PNG na Congo tasol long sampela samting, rot long wokim ol i narakain liklik. Tok piksa em i givim em long sait bilong taim man i dai, ol pipel i save tok na painim as bilong dai.

"Long tupela kantri, ol pipel i no save luksave olsem long planti taim, ol man i dai nating, nogat. I mas gat as long en na sampela lain i kilim o posinim ol. Pasin bilong ogenaisim funerel tu i klostu wankain namel long tupela kantri.

"Long sait bilong Wantok sistem, em i narakain liklik. Long PNG em i strongpela tru tasol long Congo, wanpisin i pas wantaim i strong moa," Pater Willie i tok.

Long lukluk, bilong em

Tupela bikpela samting we em i tingim strong long stap bilong em long PNG em long 100 yias o senteneri selebresen bilong SVD long kantri we i bin kamap long Wewak long 1996 na golden jubili selebresen bilong leit Bisop Leo Arkfeld long Wewak tu.

Long 1999 inap long em i lusim PNG long dispela wik, Pater Willie i bin holim wok olsem Prifek bilong ol SVD sumatin long Holi Spirit seminari long Bomana, klostu long Mosbi siti.

Em bin amamas long karimaut wok long lukautim fomesen laip bilong ol sumatin.

"Wok bilong mi olsem prifek em long helpim ol sumatin long stiaim sait bilong spirituel laip bilong ol long preia na tu long stap bilong ol insait long komyuniti.

LUCAS WAKA i raitim

ROT i gat laip Konfemasio tisa kos i bin kamap long Evanjelikel Luteran Sios Ridima Paris long Lae, Morobe provins.


Ol lain husat i bin sindaun long kos ya i bin kisim setifiket pepa insait long wanpela seremoni. Dokta Kemung Zirajukic husat i bin kodine-tim kos i tok kisim save long bikpela na liklik samting i no wankain.

Em bin tok ol lain i sindain long kos i mas go insait tru na skruim save wantaim dispela save ol i gat pinis long mekim gutpela wok.

Long dispela taim tu foma rijinel memba na hetman bilong Resureksen kongrikesean Boyamo Sali i bin tok ol kristen papamama i gat bikpela wok long skruim ol pikinini long tok bilong God.

Em bin strongim tok long ol papamama i mas salim ol liklik pikinini i go long Sande skul na lainim ol gutpela samting long stiaim ol gut taim ol i gro. Na maski long larim ol i stap nating raun raun long ol strit long Lae.

Em bin tok Gutnius bai i no kisim ol pikinini tasol ol papamama i gat wok long helpim ol pikinini i kamap olsem ol gutpela Kristen.



• Taim bilong malolo long sampela ol lain i bin sindaun long kos. Foto: Lucas Waka.

Bogenvil gat tupela nupela pater

PATER ROCHUS TATAMAE i raitim

BOGENVIL i gat tupela nupela Katolik pater.

Em long Pater Peter Lugabai na Dominic Kiaku.

Ol bin kisim belsing long kamap pater han bilong Oksileri Bisop bilong Rabaul Asdaiosis Alphonse Chaupa long Novemba 4.

Planti tausen pipel long saut Bogenvil i bin bung long Sen Josephs Turiboiru peris na Holi Kors peris long Piano long Buin tupela wik i go pinis long witnessim odinesen bilong tupela yangpela man na tu autim bilip na komitmen bilong ol long dispela taim.

Odinesen long Turiboitu Peris i bin

kamap long Novemba 2 na long Piano long Novemba 4.

Long Novemba 4, de i bin stat wantaim tupela tredisenel seremoni. Long wanpela, ol bin welkamim long pasin tumbuna stail Bisop Chaupa, husat i raun i go long Saut Bogenvil long namba wan taim. Ol bin karim em long wanpela wuden pletform long mein rot i go long peris graun. Ol i save wokim dispela kain tasaol long ol bikman i gat nem ina luksave nsait long komyuniti.

Seremoni bilong odinesen i bin stat wantaim komyuniti na famili na hauslain bilong Pater Lugabai i kisim em i go long fran.

Pater Bernard Unabali i bin welkamim Peter Lugabai na prisinem em i go long bisop long givim belsing bilong em long kamap pater.

Ol skul suamtin tu i bin go pas long

ofatori prosesio.

Odinesen i bin kamap tupela mun tasol bihain long saining bilong Arawa Pis Agrimen na i bin givim strong long ol pipel long skruim Kristen bilip bilong ol.

Namba tu odinesen long Novemba 4 i bin kamap long Piano we moa pipel i bin kam long Siwai, Arawa na Sotlen Ailan insait long Solomon Ailan.

Ol bin karim gen Bisop Chaupa na nupel; a pater Dominic Kiaku long soim luksave bilong ol olsem ol man i gat nem na namba insait long komyuniti.


Long moning, i bin gat bikpela san tasol taim seremoni i stat, bikpe, a ren i pondaun. Tasol ol pipel i no givap, ol i skruim seremoni na lotu long ren inap seremoni i pinis.

Ol pipel bilong Kieta, Siwai na Solomon Ailan i bin soim strongpela sapot taim ol i stap insait long lileji long dispela taim.



Hetman i gat planti samting i toktok wantaim Jisas

Yu save pinis long ol tok bilong lo, "Yupela ol marit, yupela i no ken mekim pasin pamuk. Yupela i no ken kilim i dai ol arapela manmeri. Yupela i no ken stil. Yupela i no ken giaman na kotim nating ol arapela manmeri. Yupela i mas aninit long papamama bilong yupela na bihainim tok bilong ol. "Yupela sot yet the wanpela samting. Yu mas salim olgeta samting bilong yu, na dispela mani yu kisim yu mas tilim i go long ol rabisman. Yu mekim dispela olsem, na bai yu gat ol gutpela samting tru long heven. Na yu kam bihainim mi. Tasol hetman i harim dispela tok, na bel bilong en i hevi tru, long wanem, em i gat planti samting tru.



43 meri greduet long ASAC program

VERONICA HATUTASI I raitim

ASDAIOSIS Setelmen Apostulet Senta (ASAC) long las wiken i bin holim namba tri greduesen long Boroko insait long Nesenel Kapitel Distrik.

Foti tri (43) meri i bin kisim setifiket bilong ol bihain long ol i pinisim 10-pela mun kos long foapela eria. Em long Elementeri skul tisa (110, Fod Teknoloji o kuk(9), Teilaring (9) na Sewing o somap (13).

Het tisa bilong senta Mary Paranda i tok senta ya i kisim ol mama husat i stap long hevi na i nogat gutpela sans long lainim ol samting we inap helpim ol kamapim gut laip na sindaun bilong ol.

Ol i kisim ol meri long ol kain kian lotu na i no ol Katolik Sios memba tasol.

Ol meri i no lainim tasol rot bilong somap, kukim gutpela kaikai tasol ol i lainim tu ol arapela samting olsem Helt Aweanes we i gat long en Hebel Marasin, Drug, Alkohol na Std na HIV/AIDS.

Kaunseling, Kriesen, Ol gutpela Kristen pasin, , famili vailens na wokim nogut long pikinini na literesi, Integrel humen Developmen, opis menesmen na seketeriel, yut lidasip na agrikalsa.

Fi bilong ol kos i no bikipela mani. Em i K10 long wanpela mama na K8 long wanpela sabjek o kos. Tasol kaikai bilong kos na ol samting we ol mama i lainim long wokim long bihain taim ol i pinisim kos i bikipela.

Misis Paranda i tok ol i laik apgreting senta na baim ol rait ikwipmen o ol samting bilong ol tisa na sumatin long yusim long skul tasol ol i sot long mani.

Long dispela taim ol i kisim sampela helpim wantaim mani long Britis Hai Komisin.

Misis Paranda husat i bin wanpela tisa inap long narapela tripela i joinim em long lainim ol meri long ol wan wan eria bilong kos. Em long Sister Brigid, Sister Anita na Clement Waiker.

Mista Wailer i go pas long Family Sevisis na ol kos

olsem Kaunseling, Helt Aweanes, Kristen Velu i kam aninit long en.

Misis Paranda i tok i gutpela sapos ol i kirapim ol kain kos long ol arapela provins na givim ol mama long sans bilong skruim save bilong ol na ol i ken lukautim gut famili, ol yet na komyuniti.

Em i tok tingting bilong kirapim dispela program i bilong leit Absisop bilong Pot Mosbi Sir Peter Kurongku.

Misis Paranda i tok em bin kirapim dispela program bikos em i lukim planti mama insait long siti na ol setelmen i stap nating na raun nabaut na pilai laki. Na em bin i laikim bai ol mama i kisim save long sampela gutpela samting bilong helpim sapotim ol yet, laip na sindaun bilong ol na ol famili.

Em i tok plkantia meri i soim laik na kamap long ol kos na nau ol i kisim wok. Na ol yet tu i kirapim ol liklik projek long kisim mani long en

Em i tok bikos senta i save redim ol gut long wok, planti kampani i save kisim ol sumatin long wok long ol hotel na ol arapela eria.

• Ol sampela long ol meri husat i bin stap insait long dispela program.

Asdaiosis helpim ol mama

DAIREKTA bilong Pot Mosbi Asdaiosis Setelmen Apostulet Program (ASAP) Pater Rodrigo i tok program ya i wok long helpim gut planti mama na ol yut insait long ol setelmen na siti.

Em i tok i kam inap nau, planti mama na yut i greduet pinis long ol kos na planti i kisim kaikai long en nau.

Mak bilong ol lain husat i bin sindaun long ol wan wan kos o program na ol i greduet pinis long dispela yia em, long Sewing o somap kos 64 pipel, long Teilaring 9, Kuk em 11, Silk Skrin Printing em 42, Ak Welding 10, OPis menesmen na seketeriel 764, Helt Sevis (Ol sikman we i kisim sevis long program em 1,782 na long dispela 632 em ol bikipela manmeri na 1,150 em ol pikinini, Literesi Tisa em 11, Yut lidasip em 157 na Agrikalsa kos em 17.

Pater Rodrigo i tok bikos ol i laik helpim ol lain husat i stap long hevi na ol i sot long mani samting, ol i sasim liklik fi tasol.

Em i tok bikipela as tingting bilong ol em long givim trening long ol

mama na ol yangpela na ol i ken painim rot long kisim mani long en. Long dispela rot ol i ken streitim gut laip bilong ol, famili na komyuniti.

Em i tok ol mama i gat bikipela laik long kam sindaun long kos bikos ol i lukim ol arapela meri i bin sindaun long kos na ol gutpela samting ol i wokim kamap na dispela i kirapim laik bilong ol moa.

Wanem mani helpim ol i kisim em ol i baim ol masin samting bilong somap, ol samting bilong kuk long en na ol arapela samting moa.

Pater Rodrigo i tok ASAP program long siti na nainpela setelmen eria i karamapim foapela eria na dispela em long Literesi, Skils Trening (i karamapim somap na kuk, Ak Welding, Opis menesmen na Seketeriel), Helt Aweanes we ol i save go long ol sku, ol peris na tu kisim sevis i go long ol setelmen eria we i nogat gutpela helt sevis long en na Laipihud skils olsem faming na moa.

Em i tok ol dispela skil em i mekikim ol man meri i self rilaien o mekim ol samting long helpim ol yet.



• Sista Hermie Coderes save lainim ol mama long samap.

Wok loya pulim planti moa meri

HARRY AURERE i raitim

long PNG Nesenel Kot long las wik.

TETIN nupela meri loya em ol i kisim ol i go insait long wok

Dispela i bihainim greduesen we 54 nupela loya i bin greduet long Ligel Trening Institut em ol i bin etmitim o

kisim ol i go insait PNG Nesenel Kot ba. Dispela i min olsem ol i kamap olsem ful loya nau bihain long ol i pinisim wanpela yia skul long LTI. Dispela em bihain long ol i bin pinisim foapela yia loya skul long Yunivesiti bilong PNG.

Long greduesen las Fraide, Sief Jastis Arnold Amet i tok em i amamas long lukim olsem moa meri i kamap loya.

Long ol arapela yia faivpela o siksipela meri tasol i save greduet olsem loya tasol stat long las yia Mak bilong ol meri loya we ol i edmitim ol long Ba i bin go antap wantaim 14 na long dispela yia, mak i wanpela sot na i pun-dan long 13.

Sief jastis i bin amamas tu long tripela man Solomon husat i bin greduet wantaim ol PNG lain. Em bin tok em i amamas long lukim olsem ol wansolwara na neiba bilong yumi i wok long skul long ol bikipela skul insait long kantri.

Papua Niugini i mas strongim wok voluntia

SAMTING olsem 21 yut insait long Nesenel Kapitel Distrik long las Fraide i bin greduet long wanpela wik mini raiting wokso.

Britis Konentet na Yunaitet Kingdom i bin givim mani sapat long ranim dispela wokso. Na Nesenel Yut Kaunsil (NYC) wantaim Sosen Welfea na Developmen Dipatmen i bin kodinemitim.

As tingting bilong dispela kos em long helpim ol yut i lainim skil bilong raitim na ol i ken raitim wanpela NYC buk bilong voluntiarisim.

Taitel bilong buk we ol i laik bai ol yut yet i raitim kamap em long "Importance of Voluntarism in PNG" o long Tok Pisin em Pasin bilong helpim nating narapela em i bikipela samting long kantri. Winnie Safkaur em kodineta bilong Metiriel Developmen wantaim NYC i bin tok long PNG, mekim voluntia wok em i stap long kalsa bilong yumi long PNG tasol nau ol kain kain senis i kamap na dispela spirit bilong voluntia i wok long dai. Olsem na NYC i laik

kirapim strong gen dispela pasin bilong voluntia.

Ol yut grup long Mosbi husat i bin salim ol lain bilong ol long wokso em long PNG Yut Kea, Pot Mosbi Yut Trening, Niu Luk i PNG Yut, YWCA na ol wan wan yut i bin kam long Tokarara, Erima na Hohola.

Maia Varoi husat i wok wantaim PNG Yut Kea i tok dispela kos i opim ai long planti samting, moa yet em i skruim save bilong em moa long pasin bilong voluntia.

Em i tok wantaim save em i kisim long dispela wokso, nau em i ken raitim ol ripot long ol yut ektiviti i kamap long hap bilong em.

Ms Varoi i save mekim wok voluntia long ples Gabagaba na em i wok olsem eksekutyut sekerteri. Em na grup bilong em i save karimaut ol sios wok, wok insait long komyuntii na raun lukim ol lapun na siklain long ples.

Em i tok bikipela laik bilong em em long raitim ol yut ektiviti i kamap insait long wanpela yia na dispela kos bai helpim em gut long inapim laik

bilong em.

Em bin tok promotom voluntia wok i gutpela bikos dispela bai strongim bek samting bilong bipo yet long pasin kastam bilong PNG we ol pipel i save helpim wanpela arapela na ol i no askim long pe.

Daniel Ove em narapela wokso patisipen long makim ol wankos bilong em i bin tok dispela kain wokso i gutpela bikos long raiting, dispela i strongim pipel na long narapela, em i wanpela rot we wan wan man i lainim long narapela.

Narapela samting ol i skruim save long en em long voluntia wok long PNG we ol bin raitim wanpela buk long en long taim bilong wokso.

Em bin tok voluntia wok i givim strong long ol lain bilong wok na helpim ol arapela tasol ol i no singaut pei long en.

Em bin tok i gutpela long strongim wok voluntia long kantri sapos yumi laik lukim kantri i muv wanpela moa step i go fowed.

Ripot bilong pait na bagarapim famili i op

JOYCE DING i raitim

LEDI Roslyne Morausta i bin opim wanpela ripot Dokta Christine Bradley na Ms Jane Kesno i bin raitim.

Dispela open de i bin kamap long Institut bilong Nesenel Afes (INA), long Pot Mosbi long 15 Novemba, 2001. Dispela ripot i go long famili vaiolens eksen komiti. Britis gavman i bin putim K126,000 bilong dispela long tem streteji na j baim ol kos bilong putim ol woksop bilong famili vaiolens we i bin kamap long 2000 na 2001.

Britis Hai Komisina (BHC) Simon Scaddan i tok long taim bilong lonsing olsem famili na seksual vaiolens i wanpela bikipela hevi long yumi insait long PNG.

Mista Scaddan tok, "Mi save toktok long famili na seksual vaiolens taim mi go long

arapela provins. Olgeta taim mi go ol grup bilong ol meri i save tokim mi olsem famili vaiolens i save bagarapim sindaun bilong ol.

Sampela i bin stap long dispela kain hevi na sampela i save long ol arapela husat i bin i stap long ol dispela kain hevi." Em tok, "ol manmeri i stat long tokaut long ol dispela kain hevi. Planti taim ol dispela lain i stap long ol long we ples i no save olsem i bin gat wanpela kain wok o projek bilong stopim dispela kain hevi insait long Mosbi na mi laikim dispela long tem streteji mas helpim ol manmeri bai ol i ken traim long stopim hevi.

Mista Scaddan i tok moa olsem Britis gavman bai wok long helpim famili vaiolens eksen komiti long sapotim ol raits bilong ol meri bai olgeta meri long dispela graun bai i

no pret long mekim wok wantaim long publik na praivet laip.

Ledi Roslyn Morausta i tok bikipela samting em ol streteji we i gat ligel rifom em Ledi Carol Kidu i wok yet long dispela; lukluk long ol ples we i gat ol dispela kain ol hevi i wok long kamap; na

kisim ol infomesen long ol dispela kain hevi.

Memba bilong Mosbi Saut Ledi Carol Kidu i tok olsem bikipela samting i bilong karim aut dispela wok. Em i laikim ol bikipela oge-naisesen long sapotim dispela projek.

Konsaltativ Implimentesen na

Monitaring Kaunsil (CIMC) bai i tokaut klia long ol dispela kain vaiolens. CMIC mas kisim planti infomesen long dispela vaiolens. Ol manmeri i save pret long tokaut long dispela kain samting. 50 pesen bilong ol meri i bin go insait long ol dispela kain hevi.

Ol meri i tok strong long stopim pasin nogut

Memba bilong Mosbi Saut Ledi Carol Kidu i wok yet long kamapim wanpela lo bilong egensim pasin bilong bagarapim ol meri. Dispela lo i karamapim pek reip na em bai i kam aut long neks yia.

Opis bilong Katolik Laiti i no laikim eksen bilong ol dispela man i bin mekim pasin nogut long ol foapela meri bilong Air Niugini na ol arapela tu.

Nesenel Sekreteri i save lukautim Katolik Wimen's Afes i tokim ol nesenel na provin-sel wimen's asosiesen bilong PNG long kisim dispela hevi olsem bikipela samting na painim sampela gutpela wei long helpim ol meri.

Ol meri long PNG i nau pret long ol dispela pasin nogut. Ol man i save mekim ol dispela kain pasin nogut long kainkain hap.

Long tok bek program bilong wanpela radio stesen, ol sampela man i bin ring na i soim sori bilong ol long ol dispela lain. Ol i no laikim dispela pasin nogut bai i pretim ol meri.

Tu long las wik long Lae, sampela man i bin bagarapim wanpela vokesenel skul meri wantaim wanpela narapela meri. Dispela narapela meri i lus yet.

Ol politisen, het bilong ol dipatmen, ol eksekutiv bilong ol kampani na i go long olgeta man husat i sori long ol meri mas painim sampela wei long stopim dispela problem.



Yangpela bungim ol volentia • Ol yangpela long Braman long Madang i bungim ol volentia bilong Melanesian Envairomen Faundesen.

Ol nupela lida bilong CMF

Ol grup bilong Katolik Wimen's Federesen (CWF) i bin makim ol nupela nesenel meri lida bilong tupela krismas i kam.

Dispela i bin kamap long pinisim namba 15 nesenel konfrens long 28 Oktoba, 2001 long Vanimo Daioses, Sandaun Provins.

Maria Kumo em i nupela presiden bilong dispela Federesen bilong Goroka Daioses, Hailans riji. Ol tripela arapela eksekutiv memba i holim sit bilong ol yet tasol ol i senisim posisen bilong ol. Meggie Turuwai bilong Mt Hagen i lusim Vais Presiden na i kamap Sekreteri; Emelda Leki bilong Vanimo Daioses i lusim Sekreteri na kamap Vais Presiden; na Relida Pau i holim sit bilong em yet olsem Tresera.

Ol deliget i laikim ol atoriti long painim aut ol drag we i tambu long salim long boda bilong PNG na Indonesia. Na tu long painim aut tupela kain drag ol i kolim Gaharu (Igel Wud) fores prodak na vanila bins we ol i bin salim nabaut.

CWF i bin tokim AIDS kaunsil long lukluk long ol kempein edvetisim na tokim ol long ol i mas stop long edvetaisim kondom bikos em i no stret taim wanpela Ed i tok "slip wantaim wanpela patna tasol" na narapela i tok long yusim kondom long slip wantaim kainkain man o meri.

Dispela konfrens i bin stap long tupela dei wantaim ol spika i bin kam. Ol spika i bin toktok long helt, eduksen, raits bilong ol meri na pikinini na bilong ileksen 2002 awenes.

Ol 24 deliget i bin go long dispela konfrens. Niugini Ailans i bin gat nainpela deliget, Momase siksipela, Hailans sevenpela, Sauten tupela, na ol narapela em ol nesenel eksekutiv bilong Federesen.

Nesenel Konfrens i bin gat problem long fan olsem na ol i bin surukim plen bilong ol long Septemba i go long Oktoba. Dispela konfrens i bin pinis wantaim ol toktok bilong ol meri, pikinini na famili bilong ol insait long ol komyuniti, provins na kantri bilong ol.

Nesenel Sekretari bilong Laiti Misis Virginia Molok i laik lukim gutpela senis na developmen bilong Katolik meri long ol daioses bilong ol yet. Na long kamapim netwok wantaim ol arapela grup bilong mekim wankain wok.

Bikipela samting long dispela konfrens em ol deliget i bin gat tupela awa bilong pis mas.

Gavman amamas long ripot bilong PNG Redress

OPIS bilong Prais Ministri i kisim olgeta ripot na amamas long helpim PNG Redress Asosiesen long pait bilong em long kisim kompensesen i kam long Gavman bilong Japan.

PNG Redress Asosiesen i makim ol pipel bilong ples we i bin kisim bagarap long bikipela pait bilong wol woa 2 namel long ol Japan na Australia ami.

Man i go pas long dispela toktok na pait, Gabriel Laku i

tok olsem olgeta ripot long ol toktok na wok bilong ol em i bungim olgeta na givim long Sief Seketeri pinis. Bikos Sief Seketeri wantaim Sief ov Staf bilong Prais Ministri i bin askim em long sampela moa tingting na ol toktok we asosiesen i sanap long en na i laik singautim kompensesen long en.

Mista Laku i tok olgeta dispela ripot we i makim nem na membasip bilong olgeta lain insait long Papua Niugini na

wanem kain bel hevi ol i gat na rot ol i mas kisim kompensesen long en i stap pinis long wanpela bikipela ripot buk. Na opis bilong Sief Seketeri i kisim olgeta na ol i amamas long dispela ripot.

Mista Laku i tok tenkyu tu i go long Ministri bilong Sivel Eviesen Ludger Mond long sapotim asosiesen long dispela pait bilong ol. Em i tok Mista Mond yet i bin stap wantaim long lukim ol dispela wok i kamap gut na bhainim

plen bilong wokabout.

Mista Mond tu i bin stap wantaim Mista Laku long bikipela bung long Japan long 1994 na em i save long dispela toktok, Mista Laku i tok.

Mista Laku i tok nau em i amamas olsem gavman i kisim dispela wari pinis na em i wetim wanem taim bai gavman... toksave long em long laikai bilong dispela singaut bilong kompensesen.

Mista Laku i tok bai em i toksave nau long loya bilong PNG Redress Asosiesen long Japan long wanem hap wok i kamap long en. Na tu em i amamas long ol membas bilong asosiesen long stap gut na sapot wantaim long wetim dispela wok long go het inap nau.

Mista Laku i tok long wok-about bilong em las wik long karim dispela ripot bilong asosiesen i go givim gavman, em i bin laki tu long bungim tupela membas bilong Caritas bilong Nu Silan. Tupela em Mishall Harris na Tim Chiswell na tupela i amamas long gutpela ripot bilong PNG Redress Asosiesen. Tupela i tok bai tupela i askim grup bilong ol long sapotim PNG long dispela pait bilong em.

Tupela i go long sampela wok long Bogenvil.


Mista Laku i askim yet ol membas husat i no stretim gut ol nem na rekot bilong ol wantaim asosiesen long stre-tim ol dispela samting nau taim gavman i holim olgeta pepa bilong asosiesen nau.



Gutpela sindaun, famili amamas •Taim famili i sindaun gut, ol wok long gaden na haus i save kamap gut na ol i save amamas.

Daunim HIV/AIDS kempein

Mosbi pait wok egensim AIDS

IVAN BAYAGAU
i raitim

PROVINSAL AIDS Komiti long Nesenel Kapital Distrik (NCD-PAC) i gat bikpela plen long kamapim sampela wok long lukluk long AIDS long ol narapela kantri long makim Wol AIDS De long Disemba 1.

NCDPAC bai lukluk long pasin bilong ol man, ol yut na ol boi insait long komyuniti we ol i save stap long em.

Namba bilong ol lain husat i kisim sik AIDS long NCD em i go antap tru. Namba bilong ol lain i kisim: sik long NCD i winim ol narapela provins na dispela i no gutpela mak.

Dispela forum o bung bilong olgeta man na yangpela man na boi long komyuniti bai opim rot bilong ol long toktok long HIV/AIDS.

Ol bai toktok long wanem kain ol pasin ol i mas mekim long abrusim dispela sik nogut na tu we bilong ol i ken lukautim komyuniti long abrusim sik AIDS.

Dispela bung bilong AIDS bai lukluk long we bilong abrusim AIDS na tu lukluk long ol we bilong lukautim ol lain husat i gat dispela sik pinis.

Kodineta bilong bung Dickson Kiragi i tok dispela forum bai lukluk long wok wantaim ol man long komyuniti tasol ol meri tu i ken kam long bung na kisim kainkain toktok na helpim ol yet tu.

Mista Kiragi i tok dispela kain bung em i lukluk long we bilong stapim sik long go long olgeta hap long komyuniti na bagarapim planti manmeri na pikinini.

Taim ol i toktok long

ol pipel long komyuniti long dispela samting bai ol i save long we bilong abrusim dispela sik wantaim pasin bilong ol we ol i save mekim.

NCDPAC bai kamapim wanpela wok-abaut long sapotim ol pait egensim AIDS na tu long helpim ol lain husat i gat dispela sik.

Planti komyuniti lida, memba bilong palamen na ol hetman bilong ol bikpela dipatmen bai bung long dispela wok-abaut.

Dispela wokabaut bai kamap long Novemba 30 na bai stat long Sir Hubert Murray stadium i go long Sir John Guise.

Husat manmeri i laik sapotim dispela wok bilong pait egensim dispela sik nogut i ken bung long dispela wok-abaut.

HIV/AIDS long PNG

PES TAIM tru sik HIV/AIDS i bin kamap long Papua Niugini long 1987 sik ya i no isi long kamap bikpela nogut tru. Stat bilong ol kain aweanes em long lukluk gut na givim blut na tu ol sik we i save kamap taim ol manmeri i silip nabaut na kisim.

Stat bilong ol dispela aweanes em Wol Helt Oganaisesen na luropien Yunion i bin givim sapot long helpim.


Sapot i bin kam tu long gavman bilong Australia na dispela sapot i statim Nesenel AIDS Kaunsil (NAC) na Sekretariat. PNG gavman tru long wanpela lo we ol i bin kamapim long palamen i bin statim PNG Nesenel AIDS Kaunsil long Disemba 1997 bikos i gat wari olsem sik i wok long raun nogut tru long kantri.

Bihain long NAC i bin kamap em Sekretariat tu i bin kamap na dispela i helpim wok bilong NAC long kamapim aweanes na mekim ol polisi long helpim ol disisen long lokal level.

Ol memba bilong NAC long nesenel level i kam long Provinsal AIDS Komiti long gavman sekta na ol non gavman oganaisesen wantaim ol sios tu.

Planti moa sapot i kam long olgeta bikpela wol oganaisesen tu long helpim wok bilong NAC long pait egensim AIDS.

Planti moa dona ejensi i save helpim ol wok bilong wanem oganais-



• Dokta Clement Malau i go pas long tokaut strong long pait egensim AIDS long PNG.

esen i laik wok long pait egensim AIDS.

Sekretariat i wok strong long painim planti moa dona long wok bilong stapim AIDS na tu long wokbung wantaim NAC.

Planti moa oganaisesen olsem UNICEF na AusAID tu i go pas long helpim.

AusAID i wok long sapotim NAC Sekretariat long ol gavman na non gavman oganaisesen na ol i kamapim ol netwok na ol narapela wokbung tim long kamapim sampela developmen long sampela we bilong abrusim sik AIDS na tu long lukautim ol lain husat i gat AIDS.

Nau yet em AusAID i wok long givim teknikel na fandim sapot long helpim 20 provinsal opis bilong implimentim ol plen bilong NAC. Planti moa wok lain i stap long provinsal level long surukim ol plen bilong NAC.

Tasol ol plen bilong NAC i no kamap nating bikos planti moa fandim long mani i save kam long AusAID long sapotim ol wok bilong ol.

Ol plen we i stat wantaim NAC i save go daun long provinsal na lokal level na long dispela ol i save painim ol patna long wok bung wantaim long helpim ol wok bilong NAC taim ol bihainim plen bilong ol.

• NAC kamapim kainkain samting bilong mekim AIDS aweanes.



RURAL DEVELOPMENT BANK LIMITED

TOK SORE (CONDOLENCE MESSAGE)

Acting Managing Director, Mr. Aho Baliki (OBE), wantaim ol Management na wokman meri bilong Rural Development Bank Ltd, i laik salim bikpela tok sori bilong ol igo long Meri, Mrs. Agnes Saelon and ol pikinini, Fidelis, Chris (Jnr), Mitchell na Kimberly long dai bilong man na papa bilong ol late,

MR. CHRIS SAELON

husat em i lusim laip bilong em long Friday 16th November 2001.

Mr. Chris Saelon em i wok wantaim dispela Bank inap 12 pela krismas. Em i givim bikpela taim na hatwork bilong em long dispela bank inap ol i kilim em. Dai bilong em i bringim bikpela loss long bank.

"I am the Resurrection, and the life: He that believeth in me, thou he were dead, yeth shall be live."

John 11: 25

Sol bilong em bai i malolo wantaim bel isi.

AHO BALIKI
A/Managing Director

Daunim HIV/AIDS kempein

AIDS aweanes long Afrika

WANPELA meri long Afrika nem bilong em Celani na em i tok em i amamas tru olsem em i lainim planti samting tru long pasin bilong kisim HIV/AIDS.

"Mi save pret tru long ol lain i tok-tok long mi long AIDS bikos mi save ting olsem mi bai kisim sik nating tasol nau mi save long we mi ken tingting gut na lukautim mi yet gut, mi save kisim helpim long ol pren bilong mi tu. I gat bikpela wok i mas kamap sapos yumi laik savim ol yut bilong Saut Afrika," em i tok.

Dispela yangpela meri i mekim dispela gutpela toktok bikos em i bin kisim save long AIDS tru long wanpela samting tasol we inap stapim sik AIDS na dispela samting em edukesen.

I gat gutpela save long we bilong sik AIDS i save raun na we bilong kisim sik na bilong abrusim sik AIDS. Tasol long senisim tingting bilong ol yangpela manmeri i hat tru na em i bikpela salnes tru long Afrika.

Ol yangpela manmeri husat i gat ol nogut bekgraun o famili i nidim planti helpim tru long kisim gutpela laip long taim ol i stap long skul na taim ol i lusim skul.

Ol kain toktok bilong ol sik we i save kamap taim man o meri i paul wantaim narapela na sik we i ken kamap long kain pasin, tingting gut na silip wantaim manmeri bilong ol, famili plening na kainkain moa toktok em i gat bikpela nid long luksave long dispela.

Long Afrika ol lain husat i go pas long givim edukesen long planti manmeri wok strong tru bikos ol kalsa

bilong ples i strong long tingting bilong ol pipel.

Planti i nogat mani na kaikai i save wok mekim pasin pamuk long kisim mani na plnati man i save les long yusim kondom bikos long kalsa bilong ol em i tok olsem kondom i no mekim ol man taim ol i silip wantaim narapela.

Na tu long maritim moa long wanpela man o meri em ol i ting i orait bikos kalsa bilong ol i larim dispela pasin long kamap.


Planti yangpela manmeri i no save amamas long laip bilong ol bikos nogat gutpela samting long bihain taim olsem na ol i save laik amamasim bodi bilong ol long silip nating wantaim ol narapela man o meri.

YMCA long Afrika i kamapim wanpela program ol i kolim Beta Laip Opsens o sampela gutpela we bilong laip, i givim save long wanem kain samting bai kamap long kain pasin ol i mekim.

Wanwan bilong ol dispela lain husat i go pas long kamapim aweanes long Afrika em ol yet tu i gat AID pinis. Aweanes i ken kamap long ol pilai o musik na kain wok wantaim ol yangpela manmeri husat i ken kisim dispela sik.

Nau i gat ol program long 30 skul long foapela rijen husat i save givim trening long planti skul studen long kamap pia eduketa o volentia long tokaut egensim AIDS na helpim komyuniti.

Wanwan eduketa i save wok wantaim 25 narapela yangpela pipel olgeta wik na las yia moa long 10,000 yangpela manmeri i bin joinim program long Afrika.



• Pablik toktok long soim ol pipel long lukaut long AIDS.

AIDS aweanes kamap bikpela long PNG

GAVMAN bilong Papua Niugini tru long PNG Nesanel AIDS Kaunsil (NAC) i kamapim wanpela bikpela program long abrusim sik AIDS na tu program ya i bilong lukautim gut ol lain husat i gat dispela sik.

Dispela program i kisim sapat bilong gavman bilong Australia tru long Nesanel HIV/AIDS Sapat Projek.

Wanpela hap bilong dispela program em developmen bilong ol infomesen, edukesen na komyunikesen risos long kirapim aweanes na givim moa save long pablik na ol grup husat bai isi tru long kisim sik HIV/AIDS. Na tu long dispela hap tasol tu em ol i save traim painim we bilong tokaut long abrusim sik.

Ol i bin plening wanpela bikpela komyunikesen senis we i bin stat long Januari dispela yia na toktok i kamap namel long planti grup. Plening bilong dispela i soim olsem i gat moa aweanes i kamap tasol toktok stret bilong we bilong sik i save raun na we bilong abrusim em planti moa pipel i no save gut.

Ol i laik kamapim kain wok we tingting bilong ol pipel i ken op na ol i ken amamas long lainim ol nupela samting we i toktok long pasin bilong abrusim AIDS.

Long dispela as tasol na yumi lukim ol aweanes long niuspepa, harim long radio na lukim long TV ol aweanes toktok bilong sik AIDS.

Dispela kain aweanes em ol i mas kamapim bikos namba bilong ol lain i kisim dispela sik i go antap tru na NAC i tingting strong long traim kontrolim dispela.

Dispela midia kempein o aweanes kempein i lukluk long ol manmeri namel long 14 i go 44

krismas na pipel long famili, ol manmeri husat i save silip wantaim planti man o meri na ol manmeri husat i save yusim wanem sap samting ol seving masin.

Planti i save ting olsem dispela sik em bilong ol lain husat i mekim pamuk pasin tasol aweanes i traim long tokim ol manmeri olsem sik i ken kamap long husat manmeri na em i no save kaunim yu husat.

Narapela tingting dispela aweanes i laik kamapim em long givim tingting long ol pipel olsem sik i ken kamap long mipela yet wanwan.


Ol pipel i ken save tu olsem sans bilong ol long kisim dispela sik i antap tru na ol i mas tingting gut taim ol i laik silip wantaim narapela.

Las samting em i kamap insait long aweanes em givim tingting long ol manmeri long strongim marit na stap tru long marit o ol i mas putim kondom long no ken kisim sik AIDS.

Planti ol toktok we i kamap long niuspepa na radio o tv em i no disisen bilong wanpela man tasol long mekim.

Ol i bin kamapim ol dispela aweanes toktok na wok grup we i go pas long helpim dispela wok i sindaun na tingting gut pastaim na traim long kisim save long we bilong ol pipel i ken kisim save long em.

Bihain long ol i toktok na klaiam ol tingting bilong ol pinis ol i larim ol aweanes wok i go het.



• Ol bikman bilong NAC long PNG Dokta Clement Malau (lephan), Minista Tommy Tomscoll (namel) na Dokta Puka Temu.

Tred Fea laik kamapim kalsa viles bilong holim bisnis so

MANUFEKSERAS Kaunsel bilong Papua Niugini luksave long kain wok i stap insait long PNG henkraft industri na em i kamap wantaim tupela rot bilong developim dispela wok.

Namba wan, em long mekim kalsa viles (ples haus) olsem i save kamap long PNG Meid Tred Fea na namba tu, em long bringim ol dispela samting we i bin stap long namba 9 PNG med tred fea i go long nupela ples we bai ol samting i ken stap olgeta long en.

Siaman bilong tred fea i tok dispela bai i givim gutpela ples bilong wok na serim tingting namel long husat ol i stap long dispela industri. Dispela disisen long muvim ol samting i bin kamap long strongim lukluk bilong viles manufeksering long Pot Mosbi. Ol dispela henkraft i stap nau wantaim ministri bilong Kalsa na Turisim.

Ol lain husat i stap long dispela taim em. Minista bilong Kalsa na Turisim, Sir Pita Lus,

MCPNG Siaman, Wayne Golding, Siaman bilong Tred Fea Komiti, Soi Eoe. Mista Golding i tok bihain long taim em i givin ol samting long ministri bilong Kalsa na Turisim olsem em i gat bilip henkraft industri i gat bikpela we pulim ol lain long hia na ovasis tu.

Siaman bilong Tred Fae i tok dispela bai givim gutpela ples bilong wok na serim tingting namel long husat i stap long dispela industri. Mista Eoe tu i amamas long dispela tingting na i tok ogenaisesen bilong em bai traिम long helpim na developim dispela industri. Em i bilip tru olsem ol manmeri i soim ol yet long ol kain samting olsem. Mista Eoe tu i amamas long dispela tingting na i tok ogenaisesen bilong em bai traिम long helpim na divelpim dispela industri. Em i bilip tru olsem ol manmeri i soim ol yet long ol kain samting olsem.

Mista Golding i tok kaunsel bilong Tred Fea bai i givim K35,000 long

kamapim dispela kalsarel viles long Nesenel Misium. Tasol em i askim ol manmeri husat bai i yusim dispela ol samting long lukautim gut. Mista Golding i tok planti bilong ol dispela lain i kam em ol sumatin bilong ol skul long Pot Mosbi husat bin kamap long lukim tred fea.

Mista Golding i tok bihain taim bai kaunsel bilong Tred Fea bai lukluk long mekim bikpela na strongim agrikalsa na forestri na daun strim prosesin.

Paul pasin i noken bagarapim kantri

OLGETA manmeri i mas wok bung wantaim long daunim pasin bilong stiliim pablik mani na kamapim paul pasin long kantri.

Siaman bilong Trensperensi Intenesenel (TI) Sir Anthony Siaguru i bin mekim dispela tok taim em kisim K10,000 helpim mani i kam long Oil Search Limited Jenerel Menesa bilong Gavman na Koporet Afeas Gereaa Aopi.

Sir Anthony i tok TI i no inap wok sapos nogat helpim i kam bikos ol i no wanpela bisnis haus bilong mekim profit.

TI i save mekim wok bilong daunim stil pasin we i wok long kamap bikpela insait long PNG.

Dispela mani bai ol i yusim bilong ronim opis bilong ol na em i askim ol narapela bisnis long

helpim ol bai ol i ken mekim wok bilong daunim stil pasin.

Planti gavman opisal i save paulim mani na tu askim ol kampani long peim mani taim ol i mekim bisnis.

Sir Anthony i tok tenkyu long Oil Search, wanpela kampani husat bin helpim TI statim opis bilong ol long 1996 wantaim K30,000.

Em i tok planti bikpela ogenaisesen i save helpim wantaim mani bilong kamapim ol projek. Sampela projek ol i mekim nau em long ileksen rifom, politikel pati lo, rausim korapsen lo na arapela projek tu.

Em i tok planti kantri i bagarap bikos ol lida na gavman opisal i save korap tu na dispela kain

pasin i wok long kamap bikpela insait long PNG.

Menesa bilong TI Charles Dalton i tok helpim mani ya i kamap long taim stret bikos mani bilong ronim opis i pinis tru.

Em i tok promis olsem ol bai yusim mani ya gut tru bilong helpim na strongim gutpela wok ol i mekim long kantri.

Em i tok sapos nogat wanpela man i mekim wanpela samting, planti pablik mani inap lus nating na bisnis bai poret long kamap bilong planti mani bai lus nating.

Em i tok wok bilong ol i helpim na mekim isi bai ol manmeri i ken kisim gut mani na sevis we i bilong ol stret na i no inap i gat ol namel man husat bai paulim mani.



Yu ting wanem, em Hailans pis ya • Lukautim pis em bikpela hat wok tasol em i wanpela gutpela bisnis bilong sevim ol Hailans lain wantaim pis bilong wara. Foto: Peku Pilimbo.

Edministreta wok hat long stretim NCDC kontrak

MANI i sot tru tasol Nesenel Kapitel Distrik Komisn (NCDC) bai traिम bes long luksave long olgeta manmeri husat gat kontrak wantaim NCDC.

Edministreta bilong NCDC Jacob Rongap i tok aut las wik olsem NCDC i gat dinau winim K27 milien tude tasol em bai traिम hat long painim mani bilong stretim ol narapela manmeri husat givim sampela kain sevis long NCDC.

Mista Rongap i tok long dispela as em i laik askim ol kontrakta husat save rausim rabis na wanem narapela wok long mekim wok bilong ol.

“Planti rabis tru em ol i no rausim na ol manmeri husat save peim fi long rausim ol rabis i no kisim sevis.

“Mani bilong NCDC i sot tru na long wanpela hap mipela ting mipela no inap peim wok manmeri na kontrakta tasol amamas long toksave olsem edministresen bilong mi bai traिम mekim olgeta samting long stretim dispela hevi,” Mista Rongap i tok.

Em i tok wanem samting i kamap long NCDC opis, ol kontrakta i noken ronaw9 nabaut na lusim wok bilong ol.

“Prais Minista, Sir Mekere Morauta i no wanpeal nupela man long Pot Mosbi. Em wanpela lokol memba bilong hia na em i mas helpim long stretim siti,” Mista Rongap i askim.

Em i askim tu Dipatmen bilong Provinsel na Lokol Level Gavman Afeas long lukluk long hevi na givim mani bilong NCDC.

“Mipela bai givim gutpela sevis long pablik sapos gavman i givim mani dinau bilong NCDC,” em i tok.

Mista Rongap i promis olsem ol kontrakta mas givim sevis long pipel na ol bai painim sampela mani bilong paim ol.

NCDC sot tru long mani

NESENEL Kapitel Distrik Komisn (NCDC) i sot tru long mani na i laik dinauim mani long ronim gavman bilong siti.

Las wik ol wok manmeri bilong NCDC i no kisim peim bilong ol na Edministreta Jacob Rongap i raitim pas pinis long PNGBC.

Em i askim benk long givim K655,000 bai ol wok manmeri i ken kisim pe bilong ol tasol bihain i tok nogat las wik na em bai givim wanem bekim em ol i no klia yet.

Gavan Philip Taku i bin tokaut olsem i bin gat K22 milien bilong Edukesen na K11 milien bilong operesen mani i bin stap yet taim Gavman i bin rausim em olsem gavana tasol nau em i no save we dispela mani i go.

Em i tok ol i yusim dispela mani pinis na nau ol i kamapim dinau we i winim planti milien moa na i go antap.

Mista Taku i tok PNGBC i les long givim mani na em i ting gavman i mas stap beksait long benk i noken givim mani olsem.

Em i tok em i bin toktok wantaim ol narapela benk na ol i tok orait pinis long givim sampela helpim tasol ol toktok i no plis yet.

“Mipela ting dinau i stap long K27 milien tasol nau mipela save olsem ol kainkain kontrak i winim moa long K150 milien,” em i tok.

NCDC i bin yusim mani inap long K300,000 i go K400,000 long baim loya na raun long kot tasol.

“ Mi laik askim gavman, makim maus bilong ol manmeri husat save peim takis long em i mas givim mipela K50 milien nau bai mipela i ken ronim ples,” em i tok.

Em i tok dispela mani bai peim wok manmeri na ol kontrak wok manmeri husat givim sampela sevis long siti.

Em i askim Gavman bilong Sir Mekere long lukluk gut na givim sampela mani bilong neks yia baset.

Mista Taku i tok edministresen bilong em bai pait hat long lukim olsem olgeta pipel bilong NCDC i mas kisim sevis ol i peim long en.

Mista Taku i ting olsem wanem man ronim NCDC taim ol i rausim em i kam inap nau i bin paulim planti mani na mani i sot tru.

Em i askim gavman long tok klia wanem kain ol rot kontrak inap kos bikpela mani tru. Ol opisal bai sindaun skelim gut.

Ol i tingting tu long kisim wanpela enjinia long em i ken go aut na luksave hamas mani ol rot projek insait long siti inap kos.

“Bai mi toksave moa long pablik long wanem samting i wok long kamap taim bod bilong mi wantaim mipela sindaun na klia tingting bilong mipela long wanem kain samting tru i bin go het,” Mista Taku i bin tok.

Kontrak bilong NCDC no kisim tok orait

PEKU PILIMBO i raitim

GAVANA bilong Nesenel Kapitel Distrik (NCD) Philip Taku i tokaut olsem olgeta wok kontrak wantaim Nesenel Kapitel Distrik Komisn i no kisim tok orait long bod.

Dispela i min olsem bod bilong NCDC bai sindaun gen na lukluk long wanem rot ol i bin bihainim long kisim olgeta kontrak wok.

Sapos ol kontrak i no bihainim lo na tu prais bilong wok i bikpela na wok i liklik, bod bai sindaun skelim na tokaut bihain.

“Namba wan samting em mipela (NCDC) nogat mani bilong peim ol kontrakta hariap na narapela manmeri husat givim sampela kain sevis long komisn,” Mista Taku i bin tok.

Taim gavman rausim em i kam inap nau NCDC i no bin i gat wanpela bod bilong givim tok orait long kontrak bilong wok i ken kamap.

Em i tok taim Nesenel Gavman rausim pawa bilong em long 7 Septemba 1999 i kam inap nau i no kisim tok orait aninit long lo.

Mista Taku i tok gavman i brukim lo na i rausim em na dispela i min olsem wanem man ronim opis long taim ol rausim em i kam inap nau i brukim lo.

“Planti man pinisim kontrak na kamap long opis tasol bai mi kisim mani we na peim ol dispela manmeri?” em i askim.



Dikim aut bun bilong dai man •Tupela man ya i dikim aut bun bilong o man husat gavman i kilim long kantri Ghad long Afrika. Presiden bilong kantri bipo i kilim i dai planit pipel na planim ol long bung matmat olsem kainkain. Wok painim aut anit long nupela gavman i laik kotim olupela presiden tasol em ronawe i go long narapela kantri. *Amnesty International.*



Toktok tasol save kilim man

YUMI laki tru olsem gavman bilong yumi i no sav eskelim olgeta toktok na pasin bilong yumi na holim pasim ol manmeri em i no wanbel na kilim ol nating.

Planti kantri long graun i gat ol gavman husat save kilim ol manmeri husat laik tok egensim gavman long wanem polisi ol i no laikim.

Gavman i save salim plisman o ami i kam na kisim ol dispela pipel i go kalabus. Planti taim ol dispela pipel i save dai long kalabus.

Plis save patim ol na kilim ol i dai na i no save warim long wanpela samting.

Plis long Jamaica i bin kilim wanpela yangpela man long han bilong mama bilong em Long Colombia tupela man i lus nating bihain long tupela mekim sampela tok long pablik olsem gavman i no gutpela.

Narapela tupela man bilong Loas i stap long kalabus yet moa long 30 yia nau bihain long gavman kalabus tupela.

long Iran tu planti manmeri i stap kalabus. Long Iraq na Libya i gat hevi taim ol piple nating i kros na tok aut long pablik wanem pasin gavman mekim we i no stret long ai bilong ol.



Lukim! mi amamas ya.

•Kerry Armstrong i winim namba long kamapim gutpela muvi ekt. Em i stap insait long piksa we man o meri i save paul na lusim i go painim nupela poroman. Planti man i laikim tru dispela piksa bikos tude planti pasin olsem i wok long kamap.

The Weekend Australian

Gavman kalabusim man nating • Profesa Yury Bandazhovsky (raithan) i wanpela saintis. Gavman bilong Rasia i bin kalabusim em nating na nogat kot bilong em. Em i traim painim aut wanem birua tru i kamap taim wanepela nuklia pawa stesen i bagarap long 1986 na kilim planti manmeri tru. Gavman i no laikim planti manmeri save wanem samting tru i bin kamap.

Amnesty International.

Lainim long ron antap long solwara bruk



• Nem bilong dispela man em Matt Grainger na em save skulim ol pikinini na manmeri long ron antap long bod long taim solwara i bruk. Em i mekim gutplea mani long wok. *The Weekend Australian*

Israel i sapatim Palestain Indipendens

Simon Peres, Foren Minsta bilong Israel i tokim ol UN olsem i planti pipel bilong Israel i laikim Palestain i kisim Indipendens.

Tasol ol i mas nogat ami na ol i mas kamapim wok bisnis na i stap tasol noken kirapim birua wantaim Israel gen.

Planti pipel gat bikpela kros nau bihain long planti manmeri i dai. Em i tok ol pipel i no komplem long graun tasol, nau planti blut tru i lus na dispela i mekim laip hat tru long bel isi pasin kamap long Israel.

Planti Palestain manmeri kros na pait wantaim ol yet bihain long plisman bilong Palestain i holim pasim na kalabusim tupela man bilong ol yet.

Ol Palketsain i laik painim bel isi tu na dispela pasin i gutpela mak. Bipo ol i save laik long kilim arapela narapela na plis i no save stapim.



Tupela abrusim birua • Ol ami bilong Taliban long Afghahistan i bin kalabusim man na meri hia inap tripela mun olgeta na i kam aut las wik. Ol ami helikopta i flaim tupela wantaim 6-pela arapela manmeri. Ol Muslim i kalabusim ol bikos ol autim tok bilong God. Lo bilong Muslim i tambuim ol kristen long go lainim ol pipel. Ol foto: The Weekend Australian.

6000 Taliban man tok ol i laik dai

PLANTI Taliban i dai taim Amerika i tromoi bom na arapela i dai taim ol Northern Alliance i kilim ol.

Tasol 6,000 man husat stap klostu tru long Taliban i tok ol bai dai wantaim Osama bin Laden na i no lusim em.

Planti bilong ol dispela man i kam long narapela kantri long Arab tasol i bin kam helpim long pait egensim Amerika.

Planti Taliban ami i ronawe nabaut na ol kam bung wantaim Northern Alliance Ami na i tanim na ronim ol Taliban gen.

Planti bilong ol tok ol Taliban i save holim pasim ol na hangamapim ol long pablik ples na nau ol bai mekim wankain pasin taim ol holim ol Taliban.

Northern Alliance Ami i bin toksave long ol pait man bilong Taliban olsem ol i mas lusim pait na i kam.

Tasol ol Taliban i strong

olsem ol i no inap mekim olsem.


Sampela ripot i tok Osama bin Laden i no moa stap long Afghanistan na ples we ol Taliban i stap long en.

Tasol ol save man bilong Northern Allains i tok olsem Osama bin Laden i hait long sampela hul bilong ston klostu na ol bai kism em yet.

Amerika i bin wari olsem nogut Osama bin Laden i flai i go aut long helikopta na lusim kantri olsem na ol i was gut tru long olgeta kona i stap.

Tasol sapos em i wokabout bai i hat long ol i painim em. Planti manmeri husat pret long pait na ronwe i planti tumas na em i ken stap namel long ol na i kam aut.

Wanpela bikpela opisal bilong Taliban i lusim na ronawe i kam long Northern Allains na dispela man inap toksave wanem hap tru bin Laden i hait i stap long en.



• Foapela man Westen Samoa i lus long solwara inap foapela mun. Tupela i dai na dispela tupela i klostu dai tasol kamap long Milen Be provins na wanpela man i sevim ol.

Wanpela meri bai maritim King

OLGETA king i save painim meri i kamap long blut bilong ol yet o narapela pikinini meri bilong king tasol dispela i no kamap long King bilong Denmark, Prins Frederik husat pundaun stret long wanpela meri bilong Australia.

Meri ya nem bilong em Mary Donaldson na em bilong Tasmania insait long Australia. Em i wanpela loiya tasol em i no laik toktok wantaim ol nius manmeri.

Prins Frederik inap stap long Denmark longpela taim tasol em i go ikam inap 6-pela taim pinis.

Denmark i stap long Yurop na Australia i stap longwe tru tasol laik bilong man ya i strong tru na em i

save i go i kam bilong lukim meri ya tasol.

Planti manmeri i bilip olsem klostu bai tupela marit tasol tupela yet i no tokaut yet.

Prins Frederik bai kamap King taim mama bilong em Kwin Margareth i pinisim taim bilong em olsem kwin bilong Denmark.

Mama bilong em i bin tokim Frederik olsem em i mas makim wanem meri em i laik marit na i no inap tokim husat meri long marit.

Man i gat 33 krismas na meri i gat 28. Tupela i bin bung long taim bilong 2000 Olimpik Gem long Sydney.

Balus kampani bisnis bruk

BIKPELA balus kampani bilong Australia Ansett i bruk daun bikos ol wok mameri i no mekim gutpela wok.

Planti wok manmeri i no sekim gut balus na tok em orait tasol na larim ol balus i flai yet. long lsta wanpela balus i pundaun na


klostu kilim planti tausen manmeri na gavman i bin tambuim Ansett long flaim ol bikpela balus.

Dispela i mekim na planti pasindia i kism taim na wankain taim kampani i no mekim mani bilong ron yet na i bin pas las mun.

Ol wok manmeri i hariap tasol


long giaman sekim na larim balus i nogut yuet na tokim ol pilot na hostes long flai.

Planti bilong ol dispela wok manmeri i raus pinis long kampani na sampela i kism trening gen bilong strongim save bilong ol.




HITS & MEMORIES

FM 100



RADIO NETWORK



PORT MORESBY FM 100.3	MT. HAGEN FM 100.4	TABUBIL FM100.3	ALOTAU FM107
BOROKO FM 100.3	LAE FM 100.5	WEWAK FM100.8	BOREGORO FM 107.7
GOROKA FM 100.2	POPONDETTA FM 100.5	MADANG FM 100.8	HOREALOA FM 107.5
KAVIENG FM 100.2	RAMU FM 101	KOKOPO FM 100.8	WATERHOLES FM 107.3
LORENGAU FM 100.3,	KUNDIAWA FM 101	BUKA FM100.3	KAINGUMA FM 107.1
KIMBE FM 100.3			DIMODIMO FM 107.7

When you advertise on FM 100, you can rest assured that your message is being heard in and around these locations on these frequencies right around PNG. Just call 300 4300, fax300 4399 or email us at kalang@tiare.net.pg & we'll take care of all your advertising and promotion needs.

Hap pepa, sampela marasin na paia i go long bodi

YAKAM KELO i raitim

WANPELA yangpela boi i bin askim masis long mi bikos em i laik laitim smok spia bilong em. Mi lukluk long em gut pastaim na mi lukim olsem em i yangpela boi tumas long smok. Olsem na mi kirap na tokim em, sori bikman, ol lapun bilong smok i save gat masis bilong ol yet long laitim smok. Na yu wanem kain bikman tru long askim masis long arapela man?. Boi ya i sanap sikirapim het liklik na bihain mi tokim em gen, yu no ken smok spia tumas, nogut smok i kukim lewa bilong yu na lewa bilong yu i bruk.

Mi givim masis long em pinis na mi tokim em, bihain yu yet i mas karim masis bilong yu raun bikos yu no manki moa, yu traipela lapun papa bilong smok ya.

Taim manki ya i laitim smok pinis na wokabaut i go, mi lukim ol arapela poroman bilong em i go bungim em na ol i sanap na pulim haphap smok ya. Nau mi save



olsem 4-pela manki i wetim paia bilong laitim dispela spia long smokim.

Ol liklik pikinini i save smok

Bipo ol papamama i save tambu tru long yumi ol pikinini i noken smok. Taim yumi stap long hai skul, ol papamama i save hat tru long yumi i no ken

smok. Tasol dispela i senis nau. Ol liklik manki long komyuniti skul na tu long hai skul i save smok hait. Sapos ol i lusim haus na i go ausait, ol i kilim skin tru long pulim smok wantaim ol poroman bilong ol. Sampela mi lukim we krismas bilong ol i olsem 10 tasol ol i pulim spia pinis.

Long bikpela intane-

nenel de bilong Wol Tobako De, rekot bilong Helt dipatmen i soim tru olsem planti liklik pikinini we krismas bilong ol long 10 i go antap long 16 i save smok. Dispela em ol krismas grup we ol i stap insait long komyuniti na hai skul. Olsem na sapos ol pikinini i ken stat long smok long dispela taim, bihain bihain bai kantri i

gat planti smok manmeri taim ol i kamap bikpela manmeri. Na tu bai namba bilong ol liklik manki long dispela level bai kamap planti na ol tu bai smok.

Smok i olsem gutpela samting

Taim yu lukim wanpela i smok, bai yu lukim olsem em i laikim tru dispela samting em i laitim paia long em na putim long maus. Taim em i pulim tu, bai yu harim olsem em i pulim win na spet wantaim olsem sampela ya i gat swit long em maus na bel i mekim bikpela amamas na welkam.

Taim narapela man i smok i kam narapela man husat i save smok i lukim, bai kwiktaim bel bilong em i kirap na em bai sekim poket o basket long hap smok bilong em na em bai kisim na laitim.

Sampela taim ol ino inap pilim o tingim olsem ol i laik smok, tasol han yet bai kisim smok na putim long maus we yu ken lukim olsem dispela em wanpela samting we i pas wantaim bodi na em yet i kam tasol long poket na basket na go long maus. Man bai i no inap tok em i laik smok, bodi yet bai tokim em na nogat nois, bai smok yet i kamaut tasol na go long maus.

Smok i olsem marasin

Planti i save tok smok em bilong kirapim ai na mekim skin i hot. Olsem na sapos i nogat smok, bai ai bilong ol i slip o sk:n bilong ol bai kol na les nabaut. Ating yumi save lukim ol manmeri i pilim olsem. Sapos i nogat smok, bai skin bilong ol i slek olgeta olsem ol i hangre long

ap tru taim ol i pilim olsem. Mi save long planti manmeri husat i lusim smok bikos ol i save pilim hevi long bodi bilong ol. Sampela lain em ol i painim bikpela sik na ol i no smok longpela taim inap ol i lusim smok olgeta. Arapela i go joinim nupela lotu we lotu i tambu long noken smok na ol i lusim smok olgeta.

Olsem na i gutpela long i gat sampela kain rot na ol pasin i stap we i ken helpim ol manmeri long lusim smok. Bikos bikpela samting em, smok i no wanpela kaikai we yu inap kaikai na bel bai pulap. I nogat gutpela gris bilong en long helpim blut o bun o bodi long groa o strongim bodi long ol sik.

Yumi i no save kaikai pepa. Yumi i no save kaikai smok bilong paia na yumi ino save kaikai ol marasin we yumi i no save long en. Ol sampela lain i save dring marasin long kilim ol yet. Taol nau yumi bungim dispela tripela samting wantaim, PEPA, MARASIN na PAIA na yumi daunim i go daun long bodi bilong yumi. Ating

sapos bodi bilong yumi i gat ensin bilong ka, bai yumi mekim nois olsem masin na smok bai kamaut long ia bilong yumi taim PEPA, MARASIN na PAIA i go insait long bodi na kirapim ensin.

Planti manmeri moa i save smok tude na ol i no wari sapos narapela man o meri i gat sik long bodi olsem TB, ol i ken pulim hap smok bilong em na smokim. Ol i no wari sapos spot ya i gat marasin nogut long en, ol bai smokim tasol. Ol i ting smok em wanpela gutpela samting long bodi na laip bilong ol na ol bai kisim tasol. Maski ol i hangre tru long kaikai rais, ol bai smok yet. Ol lain bilong Nesenel Hat Faundesin i save traim long skulim yumi long ol sik na bagarap we i ken kamap long lewa na hat bilong yumi. Na smok em wanpela samting tu ol i save toktok long en long yumi i noken kisim. Tasol i nogat lo i tambuim yumi ol manmeri long smok. Gavman i nogat lo long dispela olsem na smok em i olsem laik bilong wanwan. Tasol nau yumi save long nogut bilong smok bilong ol helt lain i tokim yumi inap stori long bagarap bilong smok long bodi.



NATIONAL WEEKLY HIT PARADE

November 24/11/2001

SPONSOR: TRADEWINDS

W/B	L/W	T/W	SONG	ARTIST
7	1	1	WHY MY ANGEL	SLUMZ OF SIMBU
8	6	2	BETENISI	ZHON BOSCO/LOUIE WARUPI
2	3	3	WI SIMBO	RAIOT 08
3	4	4	OULAMAGI	DEMAS SAUL
1	2	5	LAIKIM YU NATING TRU	NEW PAINIM WOK
4	5	6	KEKENI KEKENI	KRYMUS II
5	7	7	PASIN BRATA	DEMAS SAUL
18	9	8	FRIENDS FOR A LIFETIME	SLUMZ OF SIMBU
20	10	9	REGGAE LAREVA	BASIL GREG
19	11	10	HAPOLASA	EDEN SOULS
6	8	11	SMILE NATING	DUSTYS BAND
9	12	12	O SINE	DEMAS SAUL
0	20	13	MAMA	PATTI POTTS DOI
13	13	14	NGAU MALABONG	QUAKES
12	14	15	NONGA BASE	ANSLOM
11	15	16	JABON IBALA	STRUGGLERS BAND
17	17	17	PONDOPONDO	FELIX YAUSI
15	18	18	TALAIGU	QUAKES
14	19	19	TINGANA VUDU	NEW PAINIM WOK
0	0	20	PAINA NUKU E	PATTI POTTS DOI
IN	PAINA NUKU E			PATTI POTTS DOI
OUT	JESTY MORI			FEKE YUTZ
IN	MAMA			PATTI POTTS DOI
OUT	SORI VADA LASI			DEMAS SAUL

SOURCES: YUMI BELO SHOW
LAIK BILONG ANKOL E.T
COCA COLA GARAMUT
FLAME CULTURE & PHONE ENQUIRES

Sir Pita opim ges haus long Akameku

SAPE METTA i raitim

LONG Fonde Septemba 13, tupela de bipo long 26 Independens eniveseri bilong PNG, Akameku viles we i stap olsem 10 kilomita ausait long Goroka taun, Isten Hailans i bin paia stret wantaim bikpela singsing na selebresen taim ol viles long dispela bikples i bin welkamim memba bilong Maprik na Kalsa Turism Minista Sir Pita Lus i go insait long dispela viles.

Ol viles lain ya i mekim olsem long wanem ol i bin singautim Sir Pita long kamap olsem ges long ples bilong ol long opim nupela ges haus na Sir Pita Lus treking em Yaukave Tua Kampani bilong Akameku yet i bin kamapim namel long viles bilong ol.

Long taim Sir Pita i opim dispela nupela viles stail ges haus, em i tok invesmen na putim mani i go insait long mekim wok long turism industri i save pulim planti mani. Na ol viles lain long Akameku i kamap wantaim gutpela tingting long kamapim kain ges haus na bus treking we ol i ken pulim planti turis i go insait long viles bilong ol na mekim mani tu.

Em i tok ripot long opis bilong em i soim olsem Akameku i wanpela viles tasol insait long Isten Hailans na tu long olgeta Hailans provins i kamapim kain ges haus

na bus treking.

Long sem taim papa bilong ges haus John Kei i tok amamas na tenkim Sir Pita long harim singaut bilong ol viles lain long Akameku na kamap long dispela opening seremoni.

Em i tok i gat ol kainkain rot bilong kamapim ol kainkain samt- ing insait long ol viles na hauslain tasol planti ol manmeri i no save kisim gutpela tingting na bilip olsem dispela ges haus na Tua kampani bilong em bai i gro na kamap bikpela long ol yia i kam bihain.

Na ol lain manmeri bilong Akameku bai i ken lukim planti wok i kamap gut long dispela industri.

Mista Kei i tok long kirapim tingting bilong ol arapela manmeri bilong PNG, yumi no ken sindaun nating na wetim gavman long mekim olgeta samt- ing.

"Yumi mas taitim bun, wokhat na kapsaitim tuhat na painim ol rot bilong kamapim ol samt- ing. Sapos yumi sidnaun tasol na wetim gavman long mekim kamap olgeta samt- ing tru tumas bai yumi i ken sindaun na wet yet i stap," Mista Kei i tok.

Em i tok i gat planti rot i stap. "Na sapos sans i kamap yumi i no ken wet. Yumi mas sanap na kisim dispela sans long kirapim ol wok. Taim yumi mekim olsem gavman bai i ken luksave long ol wok



• Sir Pita Lus i toktok long ol pipel bilong Akameku taim em i opim ges haus.



• Ol sampela pipel bilong ples we ol i bin bilas na singsing.

bilong yumi na i kam insait long sapatim."

Long Fraide Septemba 14, ol lain long Akameku viles i pulim lain i go long witnessim opening bilong Sir Pita Lus bus treking na ol i save olsem Sir Pita yet bai kamap long opisel opim.

Tasol Sir Pita i no bin kamap long wanem em i bin i gat narapela wok "na em i bin i go long opim bikpela Goroka Agrikalsa So. tasol kisim ples bilong em long opim dispela treking em eking sif eksekutiv bilong Turism Promosen Atoriti, Engere Singin i bin kamap na mekim opisel opening long dispela treking.

Treking ya i stat long Akameku viles na i go daun olsem long Ramu Veli na i go antap long Urimo na i go daun olgeta long Madang.

Wankain olsem Kokoda Treil, Sir Pita Lus treking i go daun olsem long Madang i ken kisim samt- ing olsem 4 o 5-pela de long wokabaut.

Man husat i go pas long mekim kamap tripela treking, Pasto Matani long taim bilong opening

bilong Sir Pita Lus treking i tok ol putim nem bilong dispela treking bhainim nem bilong memba bilong Maprik na Minista bilong Kalsa na Turism, long wanem ol lain long Akameku nem i gat bikpela amamas na rispek long em.

Mista Matani i tok long Jun dispela yia, Sir Pita i bin mekim wanpela lukluk raun long Goroka na i bin kamap long Akameku viles we em i sindaun wantaim ol viles taim long hap.

Sir Pita i bin slip tu long Akameku viles na taim em i kirap na lusim dispela viles. em i bin tok promis olsem em bai i go bek gen long Akameku long wanem em i luksave long ol wok em ol lain long dispela viles i kamapim.

Bihain long tripela mun Sir Pita i kamap gen long Akameku viles na i opim nupela ges haus long hap.

Long sem taim Sir Pita i inap long opim tu Sir Pita Lus treking tasol long ol arapela wok em i no bin kamap na Mis Singin i toksave na mekim opisel opening bilong dispela treking long Akameku viles we ol viles lain long hap i witnessim.



• Erigeri Singin (lephan), Eksekutiv opisa bilong Turism Promosen Atoriti na wanpela opisa bilong Turis na Kalsa opis i katim rop bilong opim Goroka na Madang bus rot.



• Ol lain long Akameku viles i bilas na i redi long welkamim Se Pita Lus long opim nupela ges haus long hap.



• Se Pita Lus na Erigeri Singin (raithan) i kamap long Akameku viles.



• Tupela turis meri bilong Germany husat i bin kamap long Akameku viles long witnesim opisol opening bilong nupela ges haus em Se Pita Lus i opim long hap.

Sir Pita Lus i opim bus rot we ol turis i ken wokabaut long en long Goroka i go daun long Madang
Ol poto: SAPE METTA



•Ekting Chif Eksektiv bilong TPA Erigeri Singin wantaim man husat i go pas long Se Pita Lus treking Pato Matani long taim bilong opisel opening bilong Se Pita Lus treking long Akameku viles.



• Erigeri Singin i sanap wantaim ol viles lain bihain long em i opiseli opim Se Pita Lus treking long hap.





Rengoi na Mai Dorima

BIPO BIPO tru tupela man i bin i stap long maunten Maripo long Pungim viles Kumino, Sauten Hailans provins. Nem bilong tupela susa em Ma Rengoi na Mai Dorima.

Tupela i stap long dispela maunten Maripo. Tupela i gat tupela gaden tasol. Wanpela taim Rengoi i tokim Mai olsem wanpela man long viles i kilim pik. Olsem na em tokim susa bilong em olsem na mi go long Aiya viles na kisim pik na kam. Em tokim ol susa bilong em olsem. "Taim mi go long Atiyak yu no ken go long gaden long Maraepila. Na sapos yu laik em tok no ken go long liklik wara na kisim Kumbi. Na em tokim susa bilong em long go lukim pik long bus.

Em i bin kilim long en. So Rengoi planim wanpela banana klostu long haus na tokim susa bilong em Dorima olsem. Taim mi go daun em bai banana lip bai kam antap. Na em tokim Dorima long no ken go long liklik wara na kisim kumu.

Susa bilong em na i wokim long beg na tripela i hangamap i stap. Na susa ya i amamas na i go long dispela gaden we susa Rengoi i tok long em. Em i amamas tru orait na em i go long dispela gaden na kisim kumu. Em i go long dispela liklik wara na kisim kumi long hap.

Dorima ya i go isi isi na kisim kumu long liklik wara na em lukim bikpela snek na em man ronawe i go long haus na em pret nogut stap na lukim gras bilong rut na em laik kukim wantaim kumi na stap. em i lusim ausait long dua bilong haus ya. Em lukim dispela snek i kam. Snek ya i kam na tok kukim kaikai hariap. Meri ya i pret nogut tru na



em kukim root. Em kukim pinis na em serim wantaim snek.

Snek ya i soim ai bilong em na sindaun arere long paia na lukluk i stap. Taim Dorima i skelim orait wantaim kumi na em gimim long snek. Dorima ya i haitim wanpela rais. Na tupela i kaikai pinis orait snek ya i slip i stap. Na Dorima ting snek i slip pinis.

Em i kisim dispela wanpela rais i haitim long em na isi isi na kaikai na snek ya i harim maus i na em i opim a bilong na lukuk long Dorima na em i lukim maus bilong Dorima i pairap. Na em tokim Dorima olsem yu kaikai wanem samting. Na

Dorima i tokim snek olsem mi kaikai bun bilong pis. Tasol snek ya i lukim pinis. na i tok nogat, mi lukim yu kaikai wanpela samting.

Na Dorima wok long tok nogat. mi kaikai bun. Tupela toktok i go na snek ya i tokim Dorima olsem. Yu opim maus bilong yu na mi lukim maus bilong em. Orait Dorima i opim maus bilong em na Dorima ting em bin lukim maus tasol nogat snek ya i go insait long maus bilong meri ya na em go insait long bel bilong meri ya. Na meri ya i gat bikpela bel em i no wok long krai i stap. Na bai em lukim banana lip i kam antap long lip mi kam antap kona. Olsem em susa

ya stap wantaim bikpela beg.

Dispela snek ya i go sindaun long bel bilong meri ya. Na susa bilong em i kamap long bun ya i stap lukim smok bilong haus na em save wanpela samting mas long. Na susa bilong em Rengoi i kamap long haus em lukim susa bilong em na em i holimpas long em na kam. Em tokim susa bilong em olsem. Mi tokim yu long no ken go long dispela gaden.

Sapos yu no bin harim tok bilong mi na dispela samting kam. Em tokim susa bilong em olsem. Mi karim tok bilong mi na dispela samting kam. So em tokim susa bilong

em olsem. Mi karim tupela lek bilong pik i kam na yu long haus yu go sik na yu i stap long haus na bai mi go kisim paiawut.

Na Rengoi i go pasim paiawut. Dorima ya kirap na kaikai pik. Na brata bilong em i tok mi hat long kaikai pik. Olsem Rengoi i tok em samting nating yu opim maus tasol. Taim em opim maus tasol em putim pik mit long maus bilong susa bilong em. Taim snek ya i smelim pik em i no kam aut long maus bilong meri na Rengoi i wok long pasim pik mit i go liklik. Na snek i kam aut long bel bilong Dorima. Na snek ya i longpela tru olsem na Rengoi go isi isi long we tru.

Na snek ya i kam aut olgeta. Na em kamaut na slip long arere bilong paia. Na susa bilong em Rengoi i katim bikpela pekpek gris na pinisim long snek. Snek ya i kaikai dispela pik gris na em i slip stret tru i stap.

na tupela susa ya tupela slip pinis. na long nait long tudak Rengoi i kirap na kisim tamiok bilong em. em i bin sapim gut tru na putim i stap long kilim snek. Susa bilong em na snek tupela i no save olsem Rengoi i kirap. Rengoi ya haitim hat bilong snek na hat bilong snek i kalap kalap is tapna rol taim em katim namel na tok taim em katim na yupela tasim em katim 5-pela taim em katim. Na susa bilong em Dorima i kirap. Rengoi ya haitim hat bilong snek na hat bilong snek i katim kalap is tapna rol taim em katim namel na tok taim em katim na yupela tasim em katim 5-pela taim em katim. Na susa bilong em Dorima i kirap. Rengoi ya haitim hat bilong snek na hat bilong snek i katim kalap is tapna rol taim em katim namel na tok taim em katim na yupela tasim em katim 5-pela taim em katim. Na susa bilong em Dorima i kirap. Rengoi ya haitim hat bilong snek na hat bilong snek i katim kalap is tapna rol taim em katim namel na tok taim em katim na yupela tasim em katim 5-pela taim em katim.

So yu pulumapim long beg na bai yutupela mas tromoi long olgeta memba. Na tupela karim dispela snek i go long maunten Talibu wanpela hap ol tromoi narapela hap i go long maunten Kiyula na narapela hap i go long maunten Kilumu na narapela i go long Tiripali na tupela i go long olgeta maunten na tromoi pinis na tupela i kam bek na stap long maunten Waripo.

Tupela i stap na harim planti snek i kamap long ol dispela maunten.

Max Lumsyiye
PO. Box 1677,
Boroko, NCD.

Boipren i marit pinis

Dia Laiplain

Mi gat 16 krismas na mi stap long namba tri ya long hai skul. Inap long tripela mun nau na mi save raun wantaim wanpela boipren. Em i tok em i laikim mi tru. Tasol em i marit pinis na em i gat tupela pikinini. Tasol em i les pinis long meri bilong em. Sapos papa bilong em i save olsem dispela man i save kam lukim mi, em bai kros nogut tru. Tasol dispela man i save mekim gut tru long mi na mi no laik lusim em.

Bai mi mas mekim wanem? Yu ting moabeta mi lusim ples na go sindaun wantaim ol wantok na bai mi ken lukim dispela man planti taim. Na sapos em i katin marit wantai meri bilong em, yu ting em bai maritim mi, laka? Mi laikim sapos Laiplain i ken rait i kam long mi na gimim mi sampela skul long dispela.

Dia Pren

I gutpela yumi sindaun na toktok long wari bilong yu. Na yumi mas lukluk i go het tu na tingting long wanem samting bai wem yu long bihain taim. Yumi skruim tok long faupela samting.

1) Yu yangpela yet na yu gat taim i long pinisim skul bilong yu. Sapos yu pinisim skul yu inap painim gutpela wok bihain. Em i gutpela tingting.

2) Nogut ai bilong yu i pas tumas. Sampela taim kain man i save yusim yu tasol. Na em i nogat liklik tingting long pinisim marit bilong em. Yes em i grisim yu na em i tok em i laikim yu. Na ating yu i laikim em. Tasol sapos yu laikim em tru, yu no laik mekim nogut long meri bilong em. Sapos yu prenim em olseme long nau bai planti pipel i kisim bagarap long dispela apsin bilong yu. Yu yet inap long kisim bagarap.


3) Yu no laik mekim wanpela samting long krosim papamama bilong yu, laka? Papamama na ol famili bilong yu i ken helpim na sapotim yu tru long dispela taim yu wok long groap yet na yu laik redi long marit. Tasol sapos ol i painim olsem yu trikim na giamanim ol, bai ol i bel nogut na i no moa bilip long yu. 4) Sapos yu prenim dispela man long longpela taim inap yu kisim bel. Na em bai mekim wanem?

Em bai sambai long yu? Ating nogat. Olsem nau yu gat wanpela wari moa/ Na famili bilong yu i gat wari moa na ol i sem long yu.

I luk olsem yu i no inap long winim wanpela samting long dispela man. Liklik lik bai bel bilong yu i sol long em. Na sapos yu kisim bel em bai les long yu na em i ken oltaim go bek gen long meri bilong em. Na yu bai go we?

5) Na tu em i no stret yu stap wantaim dispela man na yu wok long brkim marit bilong em. Yu tingim meri na tupela pikinini bilong em. Yu ting bai bel bilong yu i gut tru sapos yu save olsem yu bin nogutim tripela ya? I tru bipo dispela man i laikim meri bilong em Na nau em i kalapim marit na brukim marit bilong em. Olsem wanem na yu save olsem em bai mekim gut long yu na i no go mekim wankain olsem em i mekim nau? Las tingting bilong mi i go olsem: moabeta yu lusim tingting long dispela man na go bek taitim bun long stadi gut long hais skul. Na yu go painim planti pren namel long ol wanskul bilong yu. Em tasol. Bai yu no sori

Laiplain



LAIPLAIN

Nem: Ben Bob
Krismas: 18 (man)
Adres: PO. Box 217, Finschaffan, Lae, Morobe Province, PNG.
Save laikim: Bekim pas bilong ol pen pren hariap, ritim baibel na go lotu.

Nem: Daga Saing
Krismas: 20 (man)
Adres: Papindio Lihir, PO. Box 380, Kavieng, New Ireland Province, PNG.
Save laikim: Go long lotu long sabet, pilai soka, huk na visitim ol pren.

Nem: Kerry Kaki Kawa
Krismas: 28 (man)
Adres: Kainantu High School, PO. Box 205, Kainantu, Eastern Highlands Province, PNG.
Save laikim: Pilai spots, ritim novels, tok pilai, serim idia, senisim presens.

Nem: Miss Esi Dina
Krismas: 26 (meri)
Adres: Gospel Hill road, PO. Box Af 22 M-1, Gamau Apransi, Ghana, W/Africa.
Save laikim: Watchim muvi, swim, pilai volibal na sensim presens.

Nem: Christopher Rinane
Krismas: 20 (man)
Adres: Menive Trading, PO. Box 745, Goroka, Eastern Highlands Province, PNG.
Save laikim: Pilai ragbi, wokim sopping, ritim buk o niuspepa na bekim ol penpren pas.

Nem: Nora Adjapa Acguays
Krismas: 28 (meri)
Adres: 56 EBO Brown, Gift Refrigeration and Air-Condition Services, PO. Box 563, Cape Coast Ghana, W/Africa.
Save laikim: Raun, kuk, rit, sain, stap isi laip na planti moa.

Nem: Simon N.
Krismas: 25 (man)
Adres: PO. Box 531, Tabubil, Western Province, PNG.
Save laikim: Pilai spots, raitim ol pas, wokim gaden, painim abus long bus na



planti moa.

Nem: Daniel Kehi
Krismas: 28 (man)
Adres: Meom Village, PO. Box 1139, Wewak, East Sepik Province, PNG.
Save laikim: Raun long bus, painim pis, pilai gita long lotu na singsing, railim pas long ol pen pren na senisim potu.

Nem: Kops Feli
Krismas: 15 (man)
Adres: TFI, PO. Box 157, Port Moresby, NCD, PNG.
Save laikim: Pilai volibal na basketbal.

Nem: Thomas Yayale
Krismas: 17 (man)
Adres: TFI, Omati, PO. Box 157, Port Moresby, NCD, PNG.
Save laikim: Pilai basketbal na kinkain skils.

Nem: Rex Herot
Krismas: 17 (man)
Adres: TFI, Omati, PO. Box 189, Port Moresby, NCD, PNG.
Save laikim: Tumas ol kinkain wok.

Nem: Mainex Wele
Krismas: 17 (man)
Adres: ECPNG Mt Tawa, PO. Box 220, Mendi, Eastern Highlands Province, PNG.
Save laikim: Kinkain skils.

Pasto na ol memba i no wok bung

Dia Edita,
 Mi laik tok save long yupela ol wok manmeri bilong Wantok nius olsem dispela toktok bilong wanpela pasto long Madang.
 Mi rait long Wantok, dispela pasto em i stap klostu tru long haus bilong mi tasol em i no save toktok wantaim mi.
 Em yet. Pasin bilong em long wok pasto em i no gupela tumas. Planti sipsip i ronawe i go nabaut long dispela Kongrigesen i no karim wok ministri gut, olsem na mi bin putim em long Midiesen na em kros

long mi long dispela, ol arapela pasto ol amamas long tok bilong mi ol tokim mi olsem gutpela yu wokim mipela ritim pas bilong yu na tok amamas long dispela, olgeta i no save wanbel long em.
 Em save apim em yet, taim em kisim pas em ting olsem em wokim gut wok na mi bagrapim em stret. Tasol olgeta lida bilong sios Luteran olgeta amamas long mi olsem na man mi rait gen, long i no tok sori long mi inap nau mi rait gen long em.

Long em mas tok sori long mi nogut yupela ting mi bagrapim em. Pasin bilong em i no gupela, pasin bilong laikim narapela em nogat long em.
 Olsem na em hat tru long em. Nogat senis bilong em distrik i rausim em pinis. Mun Disemba em i go long asples bilong em. Olsem na las pas bai kisim orait em bai i go wantaim, olsem mi harim yupela orait bai mi tok yes em tasol mi tok save long yupela, orait mi laik askim yupela hamaspela man

o meri yupela wok long Wantok, mi laik salim bilum bilong Karkar long yupela sapos yupela laikim bilum bilong Karkar. Orait salim nem bilong yupela i kam, mi ken givim wankain long yupela sapos yupela i laikim, nogat pe long dispela.
 Em tasol, tok save bilong mi, mi bilong yupela, bikpela i stap wantaim boks namba bilong mipela.
Mista K. Naiwe
PO. Box 578,
Madang provins.

PNG dring susu yet

Dia Edita,
 Mi wanpela manki Kundi insait long Mul Distrik, Westen Hailans provins. Mi laik bekim pas bilong yu long Oktoba 16, 2001 James Wabi bilong Nu Ailan.
 Mi tokim yu stret no ken susu yet long mama o kaikai planti nogut nek bilong yu bai pas long bun.
 Mipela les pinis ong Michael Somare? Papua Niugini susu yet na na em kisim independens long 1975

dispela i no gutpela.
 Sapos Papua Niugini i no kisim independens long 1975 Ostrelia bai givim planti developmen.
 Olgeta hap long kantri ol i no save gut long PNG. Dispela em bin olsem yumi PNG stil dring susu yet long mama nau.
John Kori
Kundi, Sauten
Hailans provins.

Maski bilasim nem nating long painim pren

Dia Edita,
 Mi laik autim liklik wari bilong mi i go long ol manmeri i save raitim nem bilong ol long pen pren long Wantok niuspepa long painim pren.
 Mi save kisim planti nem na save rait long olgeta taim. Tasol mi no save kisim wanpela bekim i kam long ol perpren.
 Husat mi rait long ol. Olsem wanem na nogat bekim bilong ol, ol i no save kisim pas bilong mi.
 Ol save tok nating na tok ol bai bekim olgeta pas tasol ol i no save mekim stret. Olsem na sapos yu ting olsem yu inap long bekim pas bilong pren bilong yu orait yu mas raitim nem na adres tu na sapos yu save olsem yu i no inap orait no ken wari long bilasim nem na adres bilong yu nating long pablik long Wantok niuspepa long olgeta Fonde.

Simon N. Bros
Tabubil, Westen provins.

Mipela bai votim waitman

Dia Edita,
 Wari bilong mi em i go olsem mi i laik sapatim wanpela pas bilong brata ya Avet Bleak bilong Kogoraipo long lsten Hailans provins.
 Pas bilong em kamap long Septemba 6, 2001. Yes, brata Avet mi i laik sapatim

tok bilong yu.
 Brata tok bilong yu em tru long 2002 ileksen em bai yumi votim Mal Smith Kela tasol. Maski long votim blek skin nabaut.
 Yumi i save votim ol blek skin nabaut na ol i save westim taim bilong yumi long

bringim sevis i go insait long wanwan distrik.
 Olsem na nau bai yumi lusim blek skin man na bai yumi makim ol waitman stret bikos long wanem ol waitman em ol hones lain tru stret.
 Em olsem na bai yumi votim Mal Smith Kela tasol. Brata Avet mi i laik tokim yu olsem yu i no ken wari 2002 ileksen em bilong lapun Kela stret em bai win nating tru.

Tonny K.
Marawaka, lsten
Hailans provins.

Stahl Musa mekim gutpela wok

Dia Edita,
 Mi wanpela pikinini Raikos laik soim sampela tingting tasol long ol pipel bilong Raikos olsem long wok plen bilong memba bilong Raikos distrik i nogat plen bilong wok mentenensip long Raikos tasol olgeta wok plen bilong memba Stahl Musa em long ol nupela projek tasol.
 Hamas yia i go pinis bihain long independens i kam inap long olupela memba Samuel Pariwa.
 Em ol gutpela taim bilong mekim wok o developim Raikos

na sapos olupela memba bai mekim sampela samting em inap long wok memba.
 Ol Stahl Musa i ken mekim wok mentenensip long nau dispela taim bilong hevi bilong mani we kantri olgeta i bungim olsem yu lukim wanem liklik samting i kam long hap bilong yu o i no kamap yet.
 Em plis mi askim yupela olgeta kisim gutpela tingting na no ken komplek long memba bilong yumi.
 2002 Nesenel Ileksen i kam pinis na lukaut long ol dispela

man husat laik resis wantaim nau memba tru tru. Mi tokim yupela ol dispela man tu bai i no inap mekim wanpela samting nogat tru.
 Em ol save pinis tasol ol i laik pasim biknem bilong ol yet, na pulumapim poket bilong ol yet tasol i no long taim gutpela bilong yu Raikos pipel.
 Olsem na yu skelim dispela pasin bilong mi pastaim yu mekim disisen bilong yu.
Yombo Genet
Raikos, Madang provins.

Ol Lumi i no giaman lain

Dia Edita,
 Yes, mi wanpela manki Lumi. Planti taim mi save harim olsem mipela ol Lumi lain bilong konim ol man mi harim dispela na mi no wanbel long dispela toktok.
 Mipela Lumi tasol stret mipela i no dispela kain. Ol man bilong kon em ol arere lain. Planti taim mi save harim planti man ol tok Lumi lain bilong kon bel na tingting bilong mi i no i stap stret long dispela toktok..
 Ol dispela toktok na senisim tingting bilong mipela sori long wanem toktok mi mekim. Mipela Lumi ya liklik manki tasol save kilim em.

David Kenza Otingi
Vanimo, Wes Sepik provins.

Kabwum kisim 13.5m long 9-pela krismas

Dia Edita,
 Mi wanpela manki Kabwum husat i save egensim olgeta pas save sapatim memba Ginson Saonu bikos insait long 9 yia aninit long lidasip bilong Ginson Saonu i nogat wanpela senis i kamap insait long Kabwum ilektoret.
 K1.5 milien aninit long RDF, totel olsem K13.5 milien insait long 9 yia em save go we?
 Nau em olgeta Kristen long kabwum eria i putim long pre poin long God yet bai makim nupela lida long 2002 long karim hevi bilong yumi Kabwum pipel.
 Na maski Setiko i gat planti gutpela kendidet na Teptep i gat tupela tasol, wanpela nupela man bai kisim sit bilong Kabwum Open.
 Sapos wanpela nupela kendidet i winim sit bilong Kabwum ilektoret yu mas skrinim olgeta mani i kam long wanem we aninit long Kabwum ilektoret.
 Yu putim long niuspepa long opim ai bilong ol pipel bilong Kabwum.
 Sapos mani save kam na paul nabaut kisim dispela man na kotim em.
 Mipela safu em inap pinis.

Nen Konoks
kabwum, Morobe provins.

Draiv gut long Kerevat rot

Dia Edita,
 Dispela em i toksave bilong mi i go long ol bas draiva we ol i save raun o ron i kam olsem long Vuna-Palading Kerevat Tavius tu Kokopo.
 Plis mi laik askim tupela na tok olsem tingim laip bilong ol pasindia. Em bikpela samting tru.
 Yupela ol bas draiva na tu ol draiva bilong ol PMV ka nabaut. Yupela mas isi long spit.

Yu lukim na tingim sapos ol i tok pasindia stap insait long bas bilong yu i no ol lapun man tasol.
 Nogat i gat mama wantaim pikinini o yanpela manki o tu ol meri na mama wantaim papa. Olsem na ol save kolim pasindia olsem na bikpela samting tru ol bas draiva i mas save olsem ol i holim laip bilong ol dispela ol manmeri, pikinini taim yupela i raun wan na mi

raitim dispela pas bikos krismas tu i kam klostu na bai yumi bringim planti kankain hevi olsem na plis sevim laip bilong ol arapela na laikim narapela olsem yu laikim yu yet.
 Laka! Na bai yumi olgeta i amamas na selebretim Krismas na Nu Yia.
 Antap long dispela mi laik tok olsem taim olgeta putim het wantaim na tingim bikpela God i holim laip bilong

yumi olgeta long PNG na tu long olgeta hap long wol.
Hissiel B. Bingron
Rabaul, Is Nu
Briten provins.

Prais bilong stoa i go antap tru

Dia Edita,
 Mi wanpela manki Gamirut. Mi laik autim wari bilong mi i go long Prais Minista olsem bilong wanem na ol Saina stoa apim prais bilong rais i go antap long bikpela mani.
 Mi wanpela we mi nogat wok long Pot Mosbi na mi i laik baim rais long Fraide Novemba 16, 2001, na mi i go long stoa bilong ol Saina na mi laik baim wanpela 10 kilogrem rais beg na mi kisim K20 i go long wanpela stoa bilong Saina. Na mi go kisim wanpela 10 kilogrem rais na wanpela tin mit wantaim kakaruk. Na mi i kam putim long til stap long em. Mi i kam putim stap orait taim stoa kipa paitim i go long masin.
 Na em tokim mi olsem yu baim K26 na mi kirap tokim meri stap long belhevi olsem wanem na yu tokim mi olsem mi baim dispela mani. Na mi lusim rais beg na mi sem na i go long haus.

Orait nau mi laik tok strong olsem Prais Minista Sir Moreke Morauta yu givim baksait long ol pipel bilong yu long PNG na ol pipel bai kisim bikpela hevi long kantri bilong yumi.
 Long wanem 10 kilogrem rais i go antap long K20 tu K26 olsem na ol man nogat wok bai kisim taim nogut.

Tony Maiyawa
Erima, Pot Mosbi.

No ken apim yu yet i go long Heven

Dia Edita,
 Mi laik autim belhevi bilong mi i go long brata Salua Sikuma. Ating yu karim wok minista yu bin krosim mi long ai bilong olgeta lida na tokim mi olsem.
 Mi bai i go long las ples o Hell na yu holim yu yet olsem yu bai i go long heven.
 Sapos yu save olsem bai yu go long heven? I no ken apim yu yet?
 Yu mas daunim yu yet. Mi wetim yu long

tok sori long mi long dispela tok?
 Mi i go long aples na klostu krismas olsem na nau mi putim pas bilong mi go long Wantok, mi save olsem yu lus tingting long dispela tok, olsem na mi tokim yu.
 Mi meri nating tasol pasin bilong laikim arapela em bikpela samting.
 Sapos yu les long tok sori long pes bilong ol orait rait tasol long Wantok nius na tok sori.
 Yu mas tok sori long mi, sapos mi bai tokim yu olsem. Long taim, mi tok sori long yu pinis, dispela tok em long mun Epril 2000 na mun Oktoba 2001, 25.

Sapos yu laik raitim pas bilong yu i kam long dispela niuspepa, salim i kam long dispela adres:

THE EDITOR
WANTOK NIUSPEPA
P.O BOX 1982,
BOROKO, NCD

K. Naiwe
Karkar Ailan,
Madang provins.

PDM i no gutpela pati

Dia Edita, Mi laik autim belhevi bilong mi long pablik. Belhevi bilong mi i go olsem. Olgeta pati i gutpela tasol wanpela pati tasol i no gutpela em i PDM tasol.

ken givim vot. PDM pati bagarapim kantri bilong yumi.

Ol pipel bilong Papua niugini yupela mas tingim. Ol plis i sutim kantri. So nau husat man i sanap long PDM pati long 2002 ileksen yumi no ken givim vot long em. Yu harim na lukautim PDM pati i no gutpela.

Yu givim pen long ol pipel bilong Sauten Hailans wantaim Papua Niugini. Yumi pipel i gat tingting husat i sanap long PDM pati no ken givim vot long em.

Ol PDM pati i gat nem nogut, ol pipel i no laikim pati, kisim ol nem nating na salim kantri na i bikpela samting tru long ai bilong ol pipel na ai bilong gavman.

Salie Igini Mt Hagen, Sauten Hailans provins.

Soim ol sik AIDS manmeri

Dia Edita, Mi laik autim wanpela tingting bilong mi long dispela sik nogut AIDS. Tingting bilong mi go olsem.

Sapos haus sik i painim husat manmeri i gat dispela sik ol i mas putim aut olgeta dispela AIDS manmeri long ples klia. Na bai olgeta narapela gutpela manmeri i ken save na abrusim ol.

Dispela mi bilip em i wanpela rot tu bilong slowim daun dispela sik na narapela samting em yumi hia long PNG i gat save long kainkain diwai bilong ol kainkain sik.

Sapos yumi save long pablik olsem husat ol lain i gat dispela sik bai yumi ken traim long helpim long yusim ol kain diwai bilong yumi yet long PNG bilong pinisim dispela sik na bilong painim marasin bilong em na pinisim dispela sik nogut.

Wanpela eksampel mi laik putim aut olsem.

Sapos ol dokta na ol sista ol save long ol AIDS manmeri na ol

haitim ol long pablik, olsem ol sista bai soim ol long ol man bilong ol na tu ol dokta bai soim ol meri bilong ol long ol dispela sik manmeri na bai ol i ken abrusim.

Tasol olsem wanem sapos narapela manmeri i no save na i slip wantaim dispela sik manmeri na bihain yu wanpela bilong ol dispela dokta o sista yu slip wantaim dispela man o meri husat i poromanim pinis dispela sik man o meri tru yupela save tok olsem stap wantaim wanpela patna tasol. Traim bilong satan i no stap longwe.

Brukim marit em klostu, klostu tasol ya.

Olsem ol lida i no save hones long meri bilong em.

Tude em yumi save harim na lukim nius bilong ol kainkain birua pasin i save kamap long olgeta hap bilong graun. Na satan tu em biruaim strong long yumi ya. Olsem na brukim marit na stil i wok long kamap bikpela tu.

Yumi stilim meri o man bilong narapela meri o man em yu brukim marit pinis. Long dispela pasin tasol yumi groim sik AIDS i kamap moa bikpela tru.

Olsem na mi autim strong Helt Dipatment long putim kamap ples klia husat man meri i gat dispela klia sik insait long PNG olgeta. Sapos i gat sampela

man o meri ken putim sampela tingting i go insait bilong sapotim dispela tingting em i gutpela tru.

Yumi olgeta mas putim tingting wantaim bilong kamapim rot bilong pinisim dispela sik nogut long kantri PNG.

Pius Rocky Kavieng, Nu Ailan provins.

Kisim Wingti i kam bek

Dia Edita, Mi wanpela manki Kundi long Mul Distrik, Bukapena, Westen Hailans provins. Mi bekim pas bilong brata William Yamba.

Han mak bilong Paias Wingti em long dispela taim em stap Gavana bilong Westen Hailans provins insait long ya 1992.

Pawa, Kopi prais, Top Ap skul, kompyuta, rot, taun tu Kundi, Ambra tu Muginap, taun tu Bukapena, taun tu Kwip.

Nau long dispela ya mi no lukim han mak bilong gavana olsem wanem mani ronawe na paul.

Faivpela ya em inap nau em taim bilong Paias Wingti i go bek

Yu tok yu no lukim han mak bilong Paias Wingti stap long Westen Hailans provins. William Yamba ating yu dring susu yet long mama na yu no klia long politiks. Traim na lukluk raun long Westen Hailans bai yu lukim han mak bilong Paias Wingti.

Yu no lukim han mak orait mi soim yu nau

long palamen long ya 2002.

Mipela olgeta pipel bilong Westen Hailans provins hangre tru long PDM pati.

John Kori Mul Distrik, Westen Hailans provins.

Noken votim asples man

Dia Edita, Mi yet mi wanpela kantri sait pikinini bilong Edwaki long Telefomin distrik. Husat i no bin lukim sampela kain wok divelopenment insait long Edwaki.

Mi laik tokim ol pipel bilong Sandaun olsem inap nau long sapotim ol sampela asples man bilong PNG na traim sapotim ol kam. Long 2002 ileksen pipel bilong Wes Sepik provins i mas votim Kym Donnes.

As bilong em i olsem taim yumi votim ol asples guds na sevis i no save kam stret sampela save kisim na sampela nogat.

Yumi save long luksave bilong mi olsem las kanaka bilong Sandaun. Mi lukim olsem PNG i pilaim Melanesian

stail kastom politiks. Dispela hap tok save pas o husat yumi save long ol, femili brata, susa wanpisin na arapela i save i stap na wanpela lain nogat.

Dispela wok politiks bilong ingrim guds na sevis i go long pipel. Em kastom bilong ol Westen kantri na ol i save tru long dispela. Ol i no save putim femili na arapela lain i go pas.

Olsem na mi laik tokim ol pipel bilong Sandaun no ken westim dispela vot. Skelim na vot gut makim Kym Donnes long WSP Gavana sit. Em bai helpim yu tingim Kym i nogat femili na wanpisin long PNG.

Safa Soul Telefomin, Sandaun provins.

Gavman yet i bagarapim pipel

Dia Edita, Mi wanpela manki bilong Goroka, Isten Hailans provins. Tasol mi stap long Pom siti na mi laik sapotim pas bilong wanpela brata nem bilong em Stanley Kena bin kamap long Wantok niusepa long September 27, 2001.

na daunim ol stoa prais em mauswara na giaman yumi tasol nau em i gat tingting tasol long kilim yumi na bagarapim yumi olsem enimol tasol. Dispela dai bilong ol Yunivesiti sumatin em ol karim hevi bilong yumi olgeta Papua Niugini na dai bikos ol painim rong bilong gavman bilong yumi na ol pait hat long raits bilong yumi na ol bin bungim dispela birua olsem na mipela olgeta pipel bilong kantri i bin givim bikpela wari i go long dai bilong ol dispela ol sumatin i bin dai. Liklik toksave olsem yupela i ken skelim na pasin bilong ol gavman o pati na tromoi ol vot bilong yupela long 2002 ileksen.

Em tok olsem Pom siti i bin bagarapim pipel bilong PNG na kantri i wok long bungim hevi. Em i tok olsem dispela gavman yet i haiarim plis fos na ol i kam mekim nabaut na kilim ol sampela sumatin bilong yumi na ol stoa hevi na baset long kantri.

Yes, mi sapotim dispela brata bikos gavman bilong yumi lukim yumi olsem enimol na lus tingting pinis long yumi. Dispela gavman taim em win em tok olsem em bai helpim yumi pipel bilong kantri

Asex Begga Goroka, Isten Hailans provins.

Fri edukesen bai bagarapim ol arapela projek

Dia Edita, Toktok bilong PDM, Paias Wingti na Praim Minista long fri edukesen long 2002 bai hat, bilong wanem, mani bai sot yet long stretim ol narapela wok bilong rot na bris, haus sik na marasin.

Gavman tu mas lukluk long katim daun traipela pe bilong ol liklik lain wokman holim het wok bilong gavman, na bos bilong ol gavman bisnis we i wok long kirapim liklik profit. Long dispela rot bai i gat moa mani long sapotim fri edukesen. Gavman laik apim takis bilong wokman na bisnis bai pundaunim planti bisnis, planti pilim pen pinis.

Sapos nogat, gavman bai kisim liklik

Mani long dispela K1/2 bilien bilong nupela wok long fandum fri edukesen. Kirap nogut long switpela toktok bilong Paias Wingti bai yumi lukim olsem mani bilong bris na haus sik i sapotim fri edukesen na rot, bris, haus i mas i stap bagarap yet.

Mi laikim bai gavman inap kirapim planti moa mani long 2002, em hat tumas, bilong wanem, bagarap bilong 1997 i kam inap nau wok long go bikpela, i no kamap gutpela liklik.

Ol rot na bris long kantri bagarap yet, pasin planti wok bisnis, benki i no givim

plantu dinau mani long bisnis na nupela wok i no kamap, kopi prais i tamblo tumas na i no kirapim planti mani, planti plentesen i bagarap na i no kirapim mani, mani bilong gol na kopa i go painim papa bilong ol i stap ausait long PNG, na skel bilong gavman long wel na kopa yumi i no save lukim.



We nau bai Paias Wingti na Sir Mekere Morauta painim mani long givim fri edukesen?

George Kuno Goroka, Isten Hailans provins.


Francis Renio Kimbe, Wes Nu Briten provins.

Thomas Manjikama Maruwet, Is Sepik provins.

Thomas Manjikama Maruwet, Is Sepik provins.



• Minista bilong Maining Chris Haiveta i opim Ok Tedi Developmen Faundesen. Lephon, Menesing Dairekta bilong OTML Roger Higgins (raithan) wantaim siaman Murray Honen i bungim ol niuslain.



• Isidore Kaseng, bipo primia bilong Westen proviins i stap long miting. Aninit Pauline Slop wanpela wokmeri bilong OTML wantaim wanpela wanwok i glasim sampela pepa.



Decorative border at the top: **OTML OTML OTML OTML**

Decorative border at the bottom: **OTML OTML OTML OTML**

Central graphic: A large, dark, circular graphic with a dotted line pattern, containing several smaller circular inset images showing various scenes of people and activities.

Text labels on the left side of the graphic:

- TAGUBIL
- PORT MORESBY

Text labels on the right side of the graphic:

- SIOUVA
- SIGI
- DARU

Miting bilong redim OTML long pasim wok

WANPELA de Sastenebiliti Miting long Tabubil liklik taim i go pinis i opim ai stret. Em i sut stret na makim taget bilong mekim wok i go het long laik bilong ol lain i kamap long miting. Toktok i karamapim tu interes bilong gavman, ol papagraun na 2000 woka. Dispela em namba tu miting insait long tupela yia we ol lain i kamap em long Dipatmen bilong Westen provins, ol NGO, OTML ekstenel edvaisa na ol papagraun. Bikpela toktok em awenes long plen bilong pasim maining na wanem samting em OTML bai go het long mekim.

Menesing Dairekta bilong OTML Dokta Roger Higgins i tok dispela bung em bikpela samting bikos dispela i helpim kampani na ol lain long stretim gut plen bilong ol.

Ol lain i go pas tu long wok bilong glasim maining i pas olsem Jean Kekedo, Richard Sikani, Sir Ebia Olewale na Wep Kanawi i bin kamap tu na kamapim sampela tingting long dispela samting.

Wep Kanawi husat i makim Grin NGO komyuniti i tok strong olsem wanem samting i bin kamap bai i



• Sampela lain i stap long dispela miting.



• Dr Monica Rau wanpela bikmeri bilong OTML i toktok wantaim narapela lain long dispela miting.

no inap senis. Olsem na yumi i mas lukluk long wanem samting yumi ken mekim long hia na i go na sapos plen bilong mipela bai tru o nogat. Long toktok long sastenebiliti bilong projek olsem em bikpela wok tumas, Mista Kanawi i tok.

Mista Kanaw i gaut long kamapim ol gutpela na isi plen we i isi long wok bai i kamap gut bihair.

Westen provins deputi gavana Fidelis Phili i tok strong long i mas gat gutpela politikel lidasip. Mista Phili i tok sistem bilong gavman tude i gutpela bikos em i wok long sampela provins. Tasol lain we ol pipel i makim na ol disisen ol i mekim i no save stret tru long laik na tingting bilong ol pipel. Em i hat tru bikos long 25 na 30 krismas i go pinis i bin nogat gutpela plening na planti eria i no kisim gutpela helpim, Mista Phili i tok.

Em i tok dispela i soim olsem ol lida i no wok stret long laik bilong ol pipel. Mista Phili i tok nius long Ok

gavman i ken stat na noken wari long bikpela mani. Sapos ol i stat nau taim maining i pas, ol bai kisim gutpela benefit, Mista Finlayon i tok.

Em i tok program bilong pasim maining em bikpela samting na Provisnel Gavman i mas helpim OTML long sampela program.

OTML bisnis developmen menesa Pauline Siop i tok planti bisnis we kampani i kamapim bilong lukim olsem ol i wok yet bihair long maining i pas.

Mis Siop i tok i gat planti gutpela bisnis sans na ol asples i mas makim wanem i gutpela long ol i karimaut.

Em i tokaut long dispela wok bilong Fri Tred Jon we Saundaun provins i kamapim. Em i tok Westen provins i serim boda wantaim Australia na Indonesia olsem na dispela inap strongim plen bilong ol.

Em i tok tu olsem i gat ol save-man bilong wok na invesmen na dispela ol i ken bungim i go insait long Fri Tred Jon plen.

Em i tok tu olsem planti wok program bilong OTML em ol i save traun long mekim i ken sut stret i go long mak bilong ol lokol pipel

Mis Siop i tok planti liklik wok bisnis i ron bikos maining i wok olsem na ol i mas stat long lukluk i go long ol arapela rot taim maining i pas.

Em i tok planti i kamapim bisnis bikos long bisnis we i stap fran long ol na i no bisnis plen na driman bilong ol stret. Olsem na ol i mas stat long lukluk long ol arapela rot bilong ronim bisnis i go het yet, Mis Siop i tok.

Em i tok OTML i traun long skulim ol manmeri long mekim wok we ol i ken helpim ol yet tasol planti i no kisim save hariap. Tasol em i ting bai ol i klia long sampela taim bihair.

OTML tim lida long Kapasiti Biling Program Ben Kamaya i tok i gat gutpela senis i kamap long wok bilong toktok wantaim ol pipel na ol arapela. Em i laikim moa pasin bilong toktok wantaim long ol wok na stretim ol kain hevi olsem i mas kamap long lukim wanwan grup ol lain i ken stretim gut ol rot na wok bilong ol long dispela taim i go.

Maining Minista Chris Haiveta i tok em i bilip bai ol gutpela toktok i kamap bikos ol rait lain i kamap long dispela bung.

Mipela i gat planti graun long wok fama. Sapos i nogat rot mipela i no inap karim ol samting i go long maket. Rot netwok joinim ol arapela provins em bikpela samting, Mista Pitalok i tok.

Em i tok rot i ken mekim ol pipel i go long Wes Sepik na tu long Hailans long salim ol samting ol i groim na surukim bisnis bilong ol i go moa.

Olpele Flai Riva primia Isidore Kaseng i bilip OTML i mas stretim gut ol komyunikesen program. Em i tok planti program i bin kamap pinis olsem na ol pipel i mas save gut na bihairim gut ol dispela samting. Rot bilong mekim dispela i kamap gut em long gutpela komyunikesen we ol pipel i ken save long wanem samting i kamap na wok bung wantaim kampani na gavman gut, Mista Kaseng i tok.

Em i tok moa miting olsem i mas kamap tu long ol arapela distrik bai olgeta pipel i ken save long wanem samting i kamap. Em tok sapos ol manmeri i klia gut, ol bai amamas long helpim.

Planti lain husat i toktok i tok amamas long OTML long stretim na redim gut ol rot na plen bilong pasim maining tasol ol i tok program ya i mas sut stret na rot bilong mekim klia long olgeta pipel i mas kamap gut.

Ol las toktok we i bin kamap long dispela miting i karamapim ol dispela samting:

- Streteji na ol bikpela developmen,
- Intagresen na Kodinesen,
- Edministresen na mentenens bilong gutpela LLG na Provisnel Gavman,
- Lidasip na self rilaiens,
- Netwoking na empawamen, na
- Edukesen.

OTML Menesing Dairekta Dokta Higgins i tok moa miting olsem bai kamap yet long mekim ol pipel na kampani i ken klia gut long ol yet. Em i tok amamas long ol lain i kamap long bung long autim ol tingting na toktok bilong ol na em i askim ol long go het yet long toktok wantaim OTML long kamapim gutpela wok bung wantaim bilong redim maining long pasim wok bilong em long 2010.



• Siaman bilong OTML bod Murray Honen i toktok long ol miting.

KANAGE

"Em nau, narapela wik bilong mi ken"



Kanage wantaim liklik brata bilong em tupela bilong Kaiapit distrik long Morobe provins. Het bilong Kanage em bol het o het kela na i save sain olsem san ben bilong Nadzab long olgeta taim. Wanpela taim Kanage wantaim brata bilong em tupela i go long gaden na kamap long haus gaden long nait. Tupela i nogat paia bilong kukim kaikai olsem na bikboi Kanage tokim brata bilong em olsem: "Mi tupela bai wokim tumbuna paia. So yu stap na mi go painim long haus." Insait long haus i tudak tru olsem na bikboi Kanage tekov i go insait long haus na stat long tromoi han isi isi i go na holim wanpela daiman na singaut nogut tru olsem "a-a-aya mama mi ya Kanage. Na em i laik ron i kam ausait tasol wanpela diwai i stap long dua takolim Kanage na em pundaun na brukim tupela tit bilong em. Kanage kirap tokim brata bilong em olsem. "Wanpela devol i stap insait ya paitim mi na mi pundaun. He-i yumi tekov." Trangu i gat bikipela pen long ti fasol em i givim gep long brata bilong em. Kanage pret nogut tru long daiman na em i go pas na hait long lip kaukau. Tasol em i no haitim gut kela bilong em. Taim brata bilong em i kam bihain trangu em pilim hangere nogut tru olsem na boi brukim suga kein i kam na ruts bilong bobom bilong Kanage i sain gut tru olsem wanpela waitpela ston. So boi kisim suga kein i go na brukim antap long het kela bilong Kanage stret Kanage kirap nogat wantaim bikipela guria na singaut nogut. "A-o-o ya sit nating bobom

bilong mi i bruk pinis na em ron i go." Tasol brata bilong em i ting em paitim wanpela devol olsem na em tu ronawe i go. Tupela brata ya ronawe long tupela yet. Taim tupela kamap long haus tupela i no stori long wanem samt- ing tupela i bin mekim. So tupela bisi tru long kukim kaikai i stap na taim paip i hot na rol i kam daun long kela bilong Kanage na kamap long ribs bilong em. Kanage apim tang na pilim sait o tes bilong suga kein olsem na Kanage askim brata bilong em. "Brata ating devol mas paitim kela bilong mi long suga kein long gaden ya." Taim brata ya harim em i lap nogut tru na i tok. "Yu tu ya kela bobom bilong yu i luk olsem waitpela ston olsem na mi brukim suga kein isi tasol antap long het kela bilong yu. Bikboi Kanage em wait tru long brata bilong em tasol em i wok long kilim em yet long lap. Olgeta manmeri long ples harim na ol tu kilim ol yet long lap.

Annisa Bee Samuel
Lae

Mista na Misis Kanage na pikinini meri bilong tupela i stap long haus bilong ol long Margarima, SHP. Liklik meri ya wok long pointim o tasim olgeta hap bodi bilong em na askim tupela papamama bilong em. Em ol dispela samting ya wanem samt- ing tasol! Mista na Misis Kanage tokim olsem: Hey, pikinini em skin bilong ya noken sigarapim." Liklik meri tingting planti na askim tupela papamama bilong em." Olo man tupela marit ya nogat toktok bilong bekim, tasol nogut meri toktok olsem raun long publik ples olsem na tupela tokim pikinini. "Nogat kaikai bilong mi tupela dok kaikai pinis ya. Husat i save tokim yu olsem? Em nau neks moning liklik meri go raun wantaim ol pikinini i go i go na hangere kisim em na go bek long haus isi isi. Em go kamap long haus na lukim Mista na Misis Kanage stori na em askim papa Kanage yu tokim wanem stori long mama. Na Papa Kanage kirap tokim em, pikinini meri mi stori long ol bipo bipo tumbuna stori. Na liklik meri lap na go kaikai.

Paul Naiko
Mt Hagen

Kanage em bilong Lufa insait long Isten Hailens provins. Meri bilong em i no karim pikinini inap long tupela i go lapun na ol sampela lain lukim em, ol sori na givim wanpela pikinini boi bilong em lukautim. Pikinini bilong Kanage i go pilai mambol wantaim ol poroman bilong em long wanpela taim. Na yu save, pasin bilong ol pikinini, taim das o graun i pas long mambol, ol tromoi dispela mambol i go insait long maus bilong ol. I no long taim em klinim na wasim long maus wara tasol na pilai gem i go i go na pikinini bilong Kanage i save pinis. Taim em tromoi mambol bilong em i go insait long maus, i no kam aut gen. Em i go hait olgeta na em traim traim long trautilim gen tasol em hat olgeta so i nogat samting, em kisim narapela mambol gen na em pilai. Tupela de i go pinis na pikinini i komplem long Kanage olsem, em bai i sanap long graun. Taim Kanage harim em hariap na kisim em i go long haus sik. Ol dokta i sekim em na kisim blut tes. Ol i kam tokim Kanage olsem pikinini bilong yu i nogat sik. Kanage kirap tokim ol. Pikinini bilong mi i no inap long toilet. Inap yupela sekim long dispela sait tasol? Ol dokta i go insait gen na wokim laspela sekap. Dispela taim ol i kam tokim Kanage long em yet mas i go na lukim. Taim ol dokta tokim pikinini long bendaun na opim lek, ol i kisim, wanpela spesil glas na putim klostu long rot bilong toilet. Man! Taim Kanage go klostu liklik na lukim ya. Em lukim wanpela raupela samting shain moa yet na i lukautim ai bilong papa Kanage. Kanage i pasim ai bilong em strong tru na i tok. "I yakayee, bipo bipo tru ai bilong mi i save lukim as bilong man, tasol nau tasol as bilong man i belhat, tanim bek na lukim ai bilong mi na ai bilong mi fokus nau." Na ol dokta lap na tokim em. "Yu save, bipo, ai bilong pes i gat pawa bilong lukluk. Nau ai bilong as i kisim pinis sampela pawa bilong lukluk so yu mas wasaut sampela taim."

Kanage Pren

Kanage em bilong Wagwanai ples long hap bilong Talasia. Em wanpela bikman na em i no save rit o rait. Wanpela taim em i harim ol yangpela man i stori long bagarap i kamap long Amerika na Osama bin Laden tasol i kamapim. Man em i belhat tru na em i askim

ol yangpela man olsem. Hey! Dispela rabis man yupela kolim nem bilong em ya em bilong wanem hap tru? Na wanpela yangpela man i giamanim em na i tok mama bilong Osama bin Laden em bilong Kandrian na papa bilong em bilong Afganistan. Taim Kanage i harim olsem. Em tanim tanim het na i tok em i stret, olsem na em i kisim stret bikhhet bilong ol Arowe.

J. Banovo
Talasia

Bikipela pait i bin kamap namel long ol Hailans na Sepik sumatin bilong Passam Nesenel Hai Skul. Na Kanage i bin dres ap long plis yunifom na em i go insait long skul kempas na wok long kikim paitim ol Hailans na Sepik sumatin. Na em i tokim ol olsem, yupela save harim tok o nogat, hamaspela taim bai mipela plis i wok long kam stapim pait bilong yupela? Yupela ol Hailans het bilong yupela olsem pik. na yupela ol Sepik skin bilong yupela olsem pukpuk. I no long taim wanpela plis patrol yunit bilong taun i draivim long skul kempas, ol i kam long stopim pait. Taim Kanage lukim plis ka. Man! Em i pret nogat tru, na hariap tru em i go hait beksait long wanpela klasrum na em i senis hariap. Na em i rausim ol plis yunifom na haitim long arere long flawa gaden. Na em i giaman sanap raun i stap olsem wanpela sekyuriti gad bilong skul. Ol plisman i lukim Kanage na ol i singaut. Hey! Yu husat? Na Kanage i bekim. Mi sik man o, na ol plisman i askim em ken, na olsem wanem long pait i bin kamap ya? Na Kanage i bekim olsem. ah, i no man i pait, ol pik wantaim pukpuk i pait na mi ronim ol i go nabuat pinis. Taim ol sumatin bilong Hailans wantaim Sepik i harim olsem ol i belhat long Kanage stret. Taim plis ka i go bek long Wewak taun. ol sumatin i go bek long Kanage na ol i singaut olsem long em. Yu longlong man, yu plisman we, blari eking! Ol i ronim turangu Kanage na em kalapim sekyuriti banis na bab waia i brukim nabuat siot na trausis na em ronawe wantaim haphap kolos.

Steven Kerry
Wewak

KANAGE

LONG RIT NA RAIT... WANPELA TAIM EM HARIM OL YANGPELA MAN STORI LONG OSAMA BIN LADEN I BAGARAPIM AMERIKA NA EM BELHAT NA EM ASKIM OL YANGPELA MAN...

HEY, SANI BOI!! HUGAT EM DISPELA RABISMAN YUPELA STORI LONG EM?

EM OSAMA BIN LADEN TASOL... EM PAPA BILONG OL TERRORIST NA OL MUSLIM!

WANTOK SPOTS
RAINBOW TAS RAGBI I KAMAP STRET...
WANTOK TIMI LID

Osama bin Laden, Bagarapim Amerika

EM BILONG WANEM HAP TRU, YAH, DISPELA PIPIA MAN?!

MPELA HARIM OLSEM EM MIKS TOLAIBAN NA AF-KANDRIAN LONG WEST NIU BRITEN!

OL MANGI GIAMANIM KANAGE...

KANAGE TING TRU...


ATUS LOKET!! OLSEM NA EM KISIM BIKHET BILONG OL AROVE!!

EM NAU! HA! HA! HA!

JADAGOT!



• Sofbal eksen long Pot Mosbi namel long Mazda na Wantoks.




• Yangpela boi ya i traim save bilong em long basebal long Pot Mosbi.

• Raithan: Pilaia bilong Bismark i laik autim bal long hoki gren fainel las wiken egensim Airlink. Tasol abrus Airlink i win 3-1 long penalti.



Ol poto: Joe Ivaharia



• Pablik Sevan soka sisen i stat pinis long Pot Mosbi las wiken. Lephon: Tufi soka eksen namel long Tamaroks na Daia Stars long Adcol oval las wiken. Tamaroks win 1-0. Poto: IVAN BAYAGAU.

Ol Spot Dro

Toksavo
 Salim ol dro, risalts na poin lada I kam long Wantok Niuspepa
 long Tunde olgeta wik. Salim I kam long Spots Edita:
 Fax: 325 2579 o ringim em long telepon no: 325 2500

EASTERN PAPUA (MILNE BAY) TOURNAMENT

Saturday November 24, 2001 Draws

Mens Pool 1

Time	Teams	Ground	Round
7.30	Gerehu Youth vs Yawarata 1	1	R1
8.30	Oyabia/Kula vs Kabutuvau 1	1	R2
9.30	Lagimu vs Badili Utd 2	1	R2
10.30	Tilikasi vs Galea 2	1	R2
11.30	Ebony 1 vs Gerehu Yth 2	1	R2
12.30	Cellnet 1 vs Yawarata 1	1	R2
13.30	Badili United 2 vs Galea 2	1	R4
14.30	Kabutuvau 1 vs Gerehu Yth 2	1	R4
15.30	Oyabia/Kula vs Cellnet 1	1	R4
16.30	Lagimu vs Ebony Wds 1	1	R4

Mens Pool 2

7.30	Tawala vs Hikabo	2	R1
8.30	Watuluma vs Yabwau	2	R2
9.30	Gerehu Yth 1 vs Gordons Utd 2	2	R2
10.30	North Kiriwina 2 vs Mixmates	2	R2
11.30	PIR Milne Bay vs Tawala	2	R2
12.30	Nim vs Hikabo	2	R2
13.30	Gordons Utd 2 vs Mixmates	2	R4
14.30	abwau vs Tawala	2	R4
15.30	Watuluma vs Nim	2	R4
16.30	Gerehu Yth 1 vs PIR	2	R4

Mens Pool 3

7.30	Simla 1 vs Gordons 1	M/S	R1
8.30	Hobiya vs Kabutuvau 2	M/S	R1
9.30	Galea 1 vs Cellnet 2	M/S	R1
10.30	Maiwa vs Suau 2	M/S	R1
11.30	Wagu vs Hobiya	M/S	R4
12.30	LSC Gold vs Galea 1	M/S	R4
13.30	Simla 1 vs Suau 2	M/S	R4
14.30	Gordon Utd 1 vs Maiwa	M/S	R4
15.30	Kabutuvau 2 vs Cellnet 2	M/S	R4
16.30	Tilikasi vs Yawarata 1	M/S	P1 - R4

Mens Pool 4

7.30	LBC Silver vs Yawarata 2	6MPG	R1
8.30	Esiyakwai vs Suau 1	6MPG	R1
9.30	Ebony 2 vs North Kiriwina 1	6MPG	R1
10.30	Simla 2 vs Gigilawokuva	6MPG	R1
11.30	Badili Utd 1 vs Esiyakwai	6MPG	R4
12.30	Suau 1 vs North Kiriwina 1	6MPG	R4
13.30	Torabwaga vs Ebony 2	6MPG	R4
14.30	Simla 2 vs Yawarata 2	6MPG	R4
15.30	Gigilawokuva vs LSC Silver	6MPG	R4
16.30	North Kiriwina 2 vs Hikabo	6MPG	P2 - R4

Womens Pool 1 Rescheduled Games

7.30	Lagimu vs Oyabia/Kula	7MPG	R1
8.30	Galea vs Cellnet	7MPG	R1
9.30	Simla vs LSC Blues	7MPG	R1

Womens Pool 2

10.30	Ebony Woods vs Nim	7MPG	R3
11.30	Mix Mates vs Tawala	7MPG	R3
12.30	N/Kiriwina vs Gordons Utd	7MPG	R3
13.30	Kabutuvau vs Badili Utd	7MPG	R3

Womens Pool 1

14.30	LSC vs Cellnet	7MPG	R3
-------	----------------	------	----

15.30	Suau Utd vs Oyabia/Kula	7MPG	R3
16.30	Gerehu Yth vs Lagimu	7MPG	R3

Sunday November 25, 2001.

Womens Draw

7.30	Simla (W1) vs Galea (W1)	7MPG	R3
8.30	Nim vs Tawala	7MPG	R4
9.30	Ebony Woods vs Gordons Utd	7MPG	R4
10.30	Mixmates vs Badili Utd	7MPG	R4
11.30	Break for Sunday Devotion		
12.30	North Kiriwina vs Kabutuvau	7MPG	R4
13.30	Cellnet vs Oyabia/Kula	7MPG	R4
14.30	LSC vs Lagimu	7MPG	R4
15.30	Suau Utd vs Galea	7MPG	R4
16.30	Gerehu Yth vs Simla	7MPG	R4

Mens Pool 1

7.30	Galea 2 vs Gerehu Yth 2	M/S	R5
8.30	Badili Utd 2 vs Cellnet 1	M/S	R5
9.30	Kabutuvau 1 vs Ebony 1	M/S	R5
10.30	Oyabia/Kula vs Tilikasi	M/S	R5
11.30	Lagimu vs Yawarata	M/S	R5
12.30	Gerehu Yth 2 vs Cellnet 1	M/S	R6
13.30	Galea 2 vs Ebony 1	M/S	R6
14.30	Badili Utd 2 vs Tilikasi	M/S	R6
15.30	Kabutuvau 1 vs Lagimu	M/S	R6
16.30	Oyabia/Kula vs Yawarata	M/S	R6

Mens Pool 2

7.30	Mixmates vs Tawala	6MPG	R5
8.30	Gordons Utd 2 vs Nim	6MPG	R5
9.30	Yabwau vs PIR	6MPG	R5
10.30	Watuluma vs North Kiriwina 2	6MPG	R5
11.30	Gerehu Yth 1 vs Hikabo	6MPG	R5
12.30	Tawala vs Nim	6MPG	R6
13.30	Mixmates vs PIR	6MPG	R6
14.30	Gordons Utd 2 vs N/Kiriwina	26MPG	R6
15.30	Yabwau vs Gerehu Yth 1	6MPG	R6
16.30	Watuluma vs Hikabo	6MPG	R6

Mens Pool 3

7.30	Cellnet 2 vs Maiwa	2	R5
8.30	Kabutuvau 2 vs Galea 1	2	R5
9.30	Gordons Utd 1 vs Hobiya	2	R5
10.30	LSC Gold vs Simla 1	2	R5
11.30	Wagu vs Suau Utd 2	2	R5
12.30	Maiwa vs Galea 1	2	R6
13.30	Touch Rugby has exclusive use.		

Mens Pool 4

7.30	N/Kiriwina 1 vs LSC Silver	1	R5
8.30	Suau Utd 1 vs Ebony 2	1	R5
9.30	Gigilawokuva vs Esiyakwai	1	R5
10.30	Torabwaga vs Simla 2	1	R5
11.30	Badili Utd 1 vs Yawarata 2	1	R5
12.30	LBC Silver vs Ebony 2	1	R6
13.30	N/Kiriwina 1 vs Esiyakwai	1	R6
14.30	Suau Utd 1 vs Simla 2	1	R6
15.30	Gigilawokuva vs Badili Utd 1	1	R6
16.30	Torabwaga vs Yawarata 2	1	R6

* MPG means Multi-Purpose Ground

**PORT MORESBY MENS
 SOFTBALL ASSOCIATION**

2001/2002 Competition Draw

Sunday November 25, 2001.

Week 5

Diamond 1

1000-1115	B	Elcom vs B/Eagles
1130-1245	A	Elcom vs Gazelle
1300-1415	A	B/Eagles vs Kopex
1430-1545	A	N/Hawks vs Manalos

Diamond 2

1000-1115	B	N/Hawks vs Gazelle
1130-1245	C	N/Hawks vs Samurai
1300-1415	B	Dolphins vs AB Bears

Bye: "A" Grade AB Bears
 "B" Grade Admiralty

Diamond 3

1000-1115	C	Dolphins vs Manalos
1130-1245	B	Kopex vs Manalos

Note: End of Round One for "C" Grade competition.

PUBLIC SERVANTS VOLLEYBALL DRAW

12.30-01.30	UPNG vs Elcom
01.30-02.30	Lands vs OEC
02.30-03.30	OCA vs NCDC
03.30-04.30	Ombudsman vs IPA

Draw - Week 2 of Preseason

Venue: Taurama Leisure Centre

Saturday November 24, 2001.

Womens - Court 2

08.30-09.30	CIS vs Education
09.30-10.30	UPNG vs Elcom
10.30-11.30	Telikom vs Finance
11.30-12.30	PNGBC vs Fire
12.30-01.30	Pangtel vs Housing
01.30-02.30	Ombudsman vs IPA
02.30-03.30	OEC vs Central
03.30-04.30	OCA vs NCDC

Mens - Court 1

08.30-09.30	Telikom vs Finance
09.30-10.30	POSF vs Fire
10.30-11.30	Pangtel vs Housing
11.30-12.30	CIS vs Education

Sunday November 25, 2001.

Womens - Court 2

12.30-01.30pm	ATW vs IRC
01.30-02.30pm	PM's Dept vs Foreign Affairs
02.30-03.30pm	P/Management vs Harbours
03.30-04.30pm	National Parliament vs Lands
04.30-05.30pm	Police bye

Mens - Court 1


12.30-01.30pm	Police vs Finance
01.30-02.30pm	P/Management vs N/Parliament
02.30-03.30pm	ATW vs Central
03.30-04.30pm	PNGBC vs Foreign Affairs
04.30-05.30pm	PM's Dept vs Harbours

WANTOK NIUSPEPA I laikim ol part-time niusman long salim nius na poto bilong sofbol stori i kam long bikpela senta olsem Mt Hagen, Lae, Goroka, Madang, Wewak na Wee Nu Briten. Sapos yu ting olsem yu ken helpim Wantok Nius long dispela wok, pls ring na toksavo long Spot Edita long dispela telepon namba 325 2500 o fex long 325 2579. Nogat yu rail long dispela adres: Spots Edita, Wantok Niuspepa, P.O Box 1983, Boroko, NCD. Email adres em: word@global.net.pg; Attention: HENRY MORABANG. Sapos yu laik salim stori o piksa, dispela i mas kamap long Spots Desk.

WANTOK KLASIFAID

SAPOS YU LAIK PUTIM LIKLIK TOKSAVE BILONG YU, RINGIM OL SEILS TIM BILONG MIPELA LONG 325 2500 NA ASKIM LONG EBORE VANI, RUGANESE KINI O MIRIAM WANINARA BAI OL I HELPIM YU.

ANSA BILONG PAINIM BAL RESIS NAMBA 9



Wina bilong resis namba 9 em
SIWA KUPE C/o Tina Kupe, Kimbe
Urban Local Level Gavman.
Krismas 23. P.o. Box 127, Kimbe
WNBP

Don't forget your
Independent

copy today!

Right mind,

Think Independent!

Of all the coverage we

bring to you,

you have nothing to miss!

WORLD NEWS
SPORTS NEWS
RELIGION NEWS
INTERNATIONAL NEWS
PACIFIC NEWS
REGIONAL NEWS
BRIEFS
MAMOSE NEWS
SOUTHERN NEWS
ISLANDS NEWS
HIGHLANDS NEWS
FAITH NEWS

LOCAL NEWS
COMMENTARY
REVIEW
OPINION
LETTERS
EDUCATION
ENTERTAINMENT
WOMENS NEWS
HEALTH NEWS
BUSINESS NEWS
INFORMATION TECHNOLOGY

80¢
only!



K100

PAINIM BAL RESIS NAMBA 10

RUL BILONG PILAI:

1. Makim X long boks long poto yu ting bal i stap
2. Makim X long pen tasol
3. Katim poto long sisos na salim long: *PAINIM BAL RESIS NAMBA 9, Wantok Niuspepa, P.O. Box 1982, Boroko, NCD.*
4. Nambawan entri i makim stretpela hap bal i stap, em bai win.
5. Las de bilong kisim ol entri em Fraide 30 Novemba, 2001
6. Long Wantok bilongdesemba 6, 2001 bai gat nupela K100 prais mani resis. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i faine!
8. Wina bai kisim sek mani, na i no long kes.
9. Sapos nogat wina bai skruim win moni i go antap long narapela resis.
10. Yu ken salim moa long wanpela entri, tasol noken yusim poto kopi.
11. Ol wokman meri na pikinini bilong Wantok niuspepa i no inap stap long dispela resisi.

Raitim nem na adres bilong yu:

Nem.....Address.....

.....Krismas.....

LUKAUT long POISEN SNEK

PNGFA noken tasim skul soka

BIKPELA singaut nau i go long ol eksekutiv bilong PNG Futbol Asosiesen long tokaut long yut program.

Las wik, tupela bikman bilong PNGFA sekretari Gabriel Pise na Paul Pondo - Operesen menesa i tokaut long givim moa taim na mani long strongim yut program. Ol i strongim tingting olsem taim ol i kisim mani long Gol Projek, ol i laik wokim soka koles na kirapim yut program.

Dispela niuspepa husat i wanpela strongpela sapota bilong soka bipo yet i kam inap nau i no lukim yet kaikai bilong dispela yut program.

Askim nau i stap olsem. Sapos PNGFA i nogat yut program orait em i mas yusim skul soka insait long ol memba asosiesen bilong em long strongim na kamapim ol skul soka na tu yut program.

Insait long kantri nau, Pot Mosbi tasol i gat gutpela yut program. Pot Mosbi Skul Soka na Pot Mosbi Soka Asosiesen (PMSA) i kamapim wok bung long strongim dispela yut program long Nesenel Kapital Distrik.

PMSA i gat tupela yut divisen (yut one na yut tu). Dispela yut divisen i lukautim ol skul mangi insait long Pot Mosbi skul soka taim ol i pinis long Pot Mosbi skul soka, ol i ken go stret na joinim ol klab long PMSA na pilai insait long yut divisen.

Olsem siaman bilong PNGFA teknikel Kisakiu Posman i tokaut long las wik. Sapos PNGFA i laik strong long intansenenel tonamen olsem Wol Kap, ol i mas stat long developim yut soka.

Australia em i wanpela strongpela yut soka kantri long wol. Ol i stat long taim i go pinis, na nau ol i strong tru.

Skul soka na yut soka bilong PNGFA i mas wok bung. PNGFA i laik salim wanpela Anda 15 tim i go long Sidney, Australia, neks yia. Tasol ol i nogat yut program long kisim ol pilaia. Ol bai kisim pilaia we?

PNGFA nau i mas lukluk long PNG Skul Soka Federesen long helpim long makim ol pilaia bilong em long kompetisen bilong em.

Nesenel Orogen Skul Soka salens i bin kamap. Ol selekta i makim pinis wanpela Anda 15 tim. Tasol PNGFA i no laik luksave long tim bikos planti ol pilaia i no kamap long memba asosiesen.

Ol opisel bilong skul soka i ting dispela tingting i no gutpela. Long wanem ol i giamanim tasol ol skul long kam resis na i no tingting long givim kain sapot long makim ol i go pilai ovasis.

Bikpela singaut nau i olsem. Sapos PNGFA i nogat pilaia, noken oraitim nem long stap long ol tonamen krimas bilong ol aninit long 20-12. Larim dispela samting i stap long skul soka.

Na PNGFA i mas tok tru long FIFA na Osenia Futbol Konfederesen olsem ol i nogat yut soka program. Ol i wok long yusim tasol ol pilaia bilong ol skul soka program olsem School of Excellence long makim tim.

Gutpela piksa em Anda 20 tim long Fiji (1999) em ol pilaia bilong School of Excellence long Pot Mosbi na Lae, Anda 17 long Samoa (2000), dispela em ol pilaia bilong School of Excellence. PNGFA i nogat wanpela kompetisen long makim ol yut pilaia. Na em i bikpela giaman stret.

LFA bai holim fainel

BIKPELA gren fainel bilong Lae Futbol Asosiesen (LFA) bai stap namel long Poro na Blu Kumul long dispela wiken.

Blu Kumul em sempion tim bilong las yia, na ol i gat bikpela tingting long traim winim bek taitel.

Ol boi plisman bai soim tru kala bilong ol long wanem ol i no go pilai long klab sempionsip long Kimbe las mun.

Poro tu i gat nem. Tasol ol i no laik mekim planti toktok long wanem, dispela bai kamapim bel pen.

Ol i askim ol sapota long kamap na lukim gem.



• Susa long Mazda ya i givim gut wan egensim ol birua tim long Pot Mosbi wimens sosal kompetisen las wik.

Bilbil Viles i holim miting bilong NZVL

NAMBA wan miting bilong Noten Zon Volibal Lig (NZVL) i bin kamap las wiken long Bilbil viles long Saut Ambenob long Madang provins.

Bilbil komyuniti i bin amamas tru long lukim dispela bikpela miting bilong volibal i kam long ples bilong ol.

Ol komyuniti bin lukautim gut tru ol mausman bilong wanan afiliat na tu ol lain i kam long Pot Mosbi.

Kaunsil bilong BilbilBumang Kiup husat i vais presiden bilong Saut Ambenob LLG i bin go pas long mekim olgeta samting isi tru long holim dispela miting.

Ol lain bilong NZVL i bin kam long Vanimo, Wewak, Lae, Huon, Markham na Madang yet. Ol lain Manus i no bin kamap.

Siaman bilong NZVL Willie Bagore i to em i amamas tru long lukim ol lain o mausman i bin

kamap long dispela miting.

Siaman bilong Madang Sosel Sevis Divisen na Meya Steven Amenasik i bin opim dispela miting. Em tu i amamas long lukim dispela miting i kam daun long viles level na sapotim tru dispela tingting.

Mista Amenasik i tu i givim komitmen long K5,000 aninit long Sotel Sevis Grant i go long sapotim wok bilong NZVL long neks yia. Planti taim volibal i no save kisim helpim.

NZVL i no kisim helpim i kam long gavman klostu wanpela yia nau.

Insait long miting, i gat planti samting tru ol i bin toktok na pasim. Ol NZVL opisel i wok long holim posisen long ekting tasol.

Olsem na long dispela miting ol i makim

ol. Miting i makim John Tekwie olsem Patron bilong NZVL long tripela yia. Steven Kadam olsem tonamen dairekta na tu tresera bilong Noten Zon, Nathan Keputon olsem Sif Instrukta, Jim Tamate olsem siaman bilong Judiseri na Mambe bilong Sandaun Provinsal Gavman olsem namba tu bilong em.

Insait long dispela miting ol i makim na tokaut long kalenda bilong 2002.

Presiden bilong PNG Volibal Federesen long Pot Mosbi, Reatau Rau i bin kamap tu long dispela miting. Em i gat bikpela amamas long lukim wanem samting ol opisel bilong NZVL i wok long mekim long developim volibal long rijen bilong ol.

Em i lusim Pot Mosbi siti na kamap long Bilbil

plens na stap wantaim ol lain wan pisin bilong en NZVL na sapotim tu wok bilong ol.

Rau i tok olsem sapos ol lain bilong NZVL i kamapim pinis ol kalenda, ol arapela rijen tu olsem Sauten, Hailens na Niugini Ailan tu i ken mekim kalenda. Em i tokaut olsem em bai mekim lukluk raun long olgeta rijen stat long Januari 2002. Ol bikpela tonamen long 2002 em Noten Rijon sempionsip Ista Wiken.

Bihainim tingting bilong Patron Tekwie, dispela tonamen i mas kamap long Ista na i no long Julai bikos long nesenel ileksen.

Rau i gat tingting nau long lukim na kirapim bek ol rijnol sempionsip na dispela bai kamapim gut seleksen bilong PNG volibal tim.

Mista Bagore i tenkim Mr RAU long kamap

long miting na tokaut long tingting bilong em.


Mista Kadam na Bagore i tok wanem ol asosiesen i laik pilai long dispela sempionsip i mas redim K200 afiliens fi na K25 entri fi long stap long dispela Noten Zon Volibal sempionsip.

Ol eksekutiv bilong Vanimo bai go pas long dispeal tonamen. Na wanem ol lain i laik raun bihain long sempiosip i go long Jayapura i mas redim tu paspot bilong yu

Benedict Feni bilong Vanimo husat i memba bilong NZVL bai go pas long redim ol pepa wok bilong dispela wok-abaut. Namba tu miting bilong NZVL bai kamap long Wutung, Vanimo long April 10-11.

Presiden Rau bilong PNG Volibal Federesen i pasim dispela miting long Sande apinun.

John Numapo i risain olsem PNGRFL siaman



• Numapo i pinis olsem siaman long givim taim i go long wok bilong em olsem ekting Sif Majistret.

SIAMAN bilong PNG Ragbi Futbol Lig (PNGRFL) John Numapo i risain.

Insait long wanpela pas i go long PNGRFL Bot, Mista Numapo i tok em i pinis wok olsem siaman long givim taim bilong em long famili na tu wok bilong em olsem Ekting Sif Magistret.

Em i tok wok bilong em i nidim em moa long lukautim ol distrik kot insait long kantri.

Mista Numapo i stat wok long ragbi lig long 1982 long klab level, jon level na tu long nesenel eksekutiv level.

Mista Numapo i tok em i amamas tru long taim em i stap olsem siaman we em i bungim planti ol man long kantri na tu long ovasis.

Boromas i bekim dinau long Gaigais

POT Mosbi Boromas bai bungim Lae Hammerhead Sharks insait long gren fainel bilong Nesenel Provinsal Ragbi Union sempionsip long dispela wiken. Dispela gren fainel bai kamap long Bava Park long Pot Mosbi long Sarere.

Boroma i kisim sans long bungim Lae Hammerheads bihain long ol i nekim sempion tim, Pot Mosbi Gaigais 23-5 long semi fainel.

Na long narapela semi fainel, Hammerheads i bagarapim tru sindaun bilong Rabaul Kaias 55-7.

Dispela fainel bai pulim moa man bikos tupela tim wantaim i gat ol sapota bilong ol i stap long Pot Mosbi.

Boromas i gat sampela ol biknem pilaia olsem Jessie Mono, Leroy Muriki, John Asimba, Billy Rapilla, Gabriel

Tika na Asi Vele-Tola bai strong long winim gem bilong Pot Mosbi.

Lae Hammerheads tu i gat sampela ol gutpela na strongpela pilai. Tasol Wantok Nius i no inap kisim nem na toktok bilong kosa bilong ol.

Gem namel long Boromas na Gaigais las wiken i wanpela strongpela gem tru. Tupela sait wantaim i taitim bun long traim lukim husat bai pilai long fainel.

Gaigais i skorim namba wan trai i kam long Steven Vegogo. Konvesen i no kamap gut na skoa i sanap 5-0.

Orait ol i pilai na Jessie Mono i levelim skoa. Asi Vele Tola i no kisim gut konvesen na tupela i dro 5-5. Vele i kisim wanpela penalti na skoa nau i sanap 8-5.

Insait long namba tu hap, Vele i kisim wanpela penalti gen long bringim skoa bilong ol i go long

11-5.

Gaigai i traim hat tru long brukim difens long traim skorim trai. Tasol nogat wanpela samting i kamap.

Skoa i sanap 11-5, orait Joe Kautu i go insait na dispela i wok sampela rot insait long difens bilong Gaigais. I no longtim Patrick Waluka i go surikim lid i go long 16-5 wantaim wanpela trai.

Waluka i setim Kautu na boi ros i slekim bal i kam insait gen long John Asimba long skorim trai.

Rapilla i kikim kovsen na skoa i go 23-5.

Tim Menesa bilong Gaigais Able Tore i tok olsem planti ol pilaia bilong em i kisim bagarap long zone gems.

Kosa bilong Boromas i tok olsem ol boi i pilai gut na olgeta amamas i mas go long ol.

Tovia i kisim wok presiden

POT Mosbi Mens Sofbal Asosiesen (POMMSA) i makim pinis nupela presiden bilong long 2001-2002 sisen.

Man ya em Esikiel Tovia husat em wanpela strongpela sapota na kosa bilong Elcom klab long Pot Mosbi.

Mista Tovia i kisim wok bhain long planti man i les long kisim wok presiden na em i voluntia long kamap olsem presiden. Em kisim ples bilong leit Panuel Uralia husat i bin dai bhain long em i kisim sik longpela taim.

Mista Tovia em wanpela kosa na sapota bilong Elcom klab. Em i kisim wok bhain long planti no laik mekim wok.

Wanpela loya na bos bilong Kopex klab, Steven Raphael, em i kamap olsem namba tu bilong em. Chris Bais i kisim wok sekretari na Francis Dakenny i stap olsem tresera yet.

Dispela nupela ol eksekutiv bai bung long dispela wik long makim nupela komiti long mekim wok long lukautim sof-bal.

Na long ol gem i kamap las wiken, Gazelle i bagarapim tru ol lain Northern Hawks 9-3. Pitsa Paskalis Pinis i go pas long dispela wik bilong Gazelle wantaim gutpela na strongpela pising bilong em.

Em i kisim gutpela sapot long beting i kam long Henry Mathew, Tony Daple na tupela brata ya Bernard Pamel na Gabriel Pamel Jnr. Dispela win i soim olsem ol i laik winim bek taitel maski ol i lusim biknem na namba wan sapota bilong klab, Leit Panuel Uralia.

Insait long arapela ol gem, AB Bears i autim Manalos 3-2. Ol sampela ol pilaia bilong Manalos husat i stap wantaim Bears olsem Dick Bart jnr i beks na na winim ol lain Manalos.

Elcom bhain long ol i lus long Kopex i kirapim tru pawa long autim Brown Eagles 3-1 long namba wan gem.

NGI i sokim Burma Raiders

NGI i sokim stret ol Burmah Raiders long bikpela A gret wimen softbal gem long Lae Sofbal Asosiesen las wiken. Ol NGI i wilwilim stret ol susa long Burmah 13-9 long Eriku oval.

Ol Raiders i misim tru sevis bilong ki pilaia Miriam Kunai husat i no bin kamap long pilaia.

Burma i statim gem taim namba wan beta Damaris Kauke i paitim wanpela bal na Lynda Sasala i ket-sim. Dispela em i namba wan daun bilong ol Raiders.

Livute Lamei's tu i aut taim namba tu bes Nerile Murup i ketsim bal bilong em.

Tasol NGI i tanim tebol na skorim 9-pela ran long namba wan ining. Ol lain i skorim ran em Janet Sapul, RONALDA LAMANET, LNE MOSANGA, ESTHER ROBIN, MICHAELLYN KALUKAL, BARNADETT TEVAL, JOSEPHINE ZURENOUC, NERIAL MURUP ORAIT BURMA i bekim wantaim tupela poin.

Dispela ol ran bilong Raiders i kam long Cecilia Boka na Dominica Tamean long namba tu ining. Skoa nau i sanap NGI 9 na Burma Raiders 2.

Burma Raiders nau i taitim na blokim olgeta sans bilong NGI. Olsem na ol i no skoim wanpela ran.

Na taim bilong Raiders, ol i stat long ptuim presa long ol infilda bilong NGI husat i stat long mekim planti ol liklik asua. Ol i skoim ran i kam long Livute Lamei, Annie Turalm, Cecelia Boka, Christine Bart, Damaris Kauke na Veronica Melepia.

Na long stat bilong namba foa ining, Burma i levelim skoa. Tasol NGI i skoim arapela tripela ran long dispela ining long winim dispela gem. Ol lain i skorim poin em Bart, Boka na Kauke. Na long sait bilong NGI Murup, Sapul Mosanga i pilai gut.

Rebels i go pas long GASA poin lata

ONIAS MANO i raitim

REBELS nau i go pas long poin lata bilong Gazelle Sofbal Asosiesen (GSA) bhain long gutpela win bilong ol egensim kompetisen lida, Black Pythons One, las wiken.

Ol Rebels i winim Black Pythons One 2-1.

Dispela gem i strong na tupela tim i gat sans long winim gem ya. Tupela pitsa Kennelly Kirita (Black Pythons) na brata bilong em Corney Kirita husat i wok pitsa bilong Rebels i wok long stapim ol rana long winim bes.

Ol snek nogut (Pythons) i skorim wanpela poin insait long namba tu ining. Man i kam hom em Tabu Melchior.

Tasol i no longtaim, Rebels i bekim taim Tony Stone i paitim bal i go long auftil long bringim Bosco Stone i kam home.

Ol Pythons i gat nem long beting olsem na Rebels i blokim olgeta sans bilong ol long skorim moa rans.

Pitsa Corney Kirita na ketsa Simon Mara i kamapim gutpela pilai stret long i no givim wanpela sans long ol beta bilong Pythons long paitim bal na winim bes na skorim ol poin.

Python i kisim fil. Ol Rebels i gat tu down na wanpela rana i stap long

seken bes. Orait ol Pythons i ting pitsa Kenelly bai givim straik aut long brata bilong em, Corney long beting boks. Tasol i abrus na Corney i konektim bal bilong Kennelly long bringim Essau i kam hom long win 2-1.

Burmah Tigers i autim St Theresa 4-0. St Theresa i gat planti ol pilaia i stap long bes tasol ol beta i no traim hat long paitim bal na bringim ol pilaia i kam hom.

Strivers i autim St Mary's 4-3. Saints i mas krosim ol yet long wanem ol i no paitim gut bal long bringim ol rana bilong ol i kam hom.

Burmah Raiders i dro wantaim Black Pythons 0-0.

Na long gem bilong ol meri, Black Pythons i go pas long poin lata bhain long ol i winim Rebels 12-4. Ol Rebels i no kamapim gutpela gem long beting olsem na ol i lus long ol Snek.

Benedicta Giau i kamapim gutpela wok olsem pitsa long helpim Burmah Tigers long winim St Theresa 10-1 na Royals i daunim pawa bilong ol lain Raiders.

Poin lata i sanap olsem Rebels 14, Black Pythons Two 14, Tigers 12, Black Pytons One 11, Raiders 10, Strivers 8, Theresa 7 and St Mary's 5.

Na poin lata bilong ol meri i sanap olsem, Black Pythons leads with 15 points, Tigers 13, Rebels 11, Raiders 10, Unicats 9, Royals 9 and St Theresa 4.



Soka bilong Tufi i moa yet • Ol lain susa bilong Tamaroks na Baia Stars i skelim strong las wiken. Tamaroks win 1-0.

Mazda wilwilim stret Gazelle

JOE IVAHARIA i raitim

MAZDA Carps i wok long winim ol gem bilong em long Pot Mosbi wimens softbal kompetisen. Na las wiken, ol i bagarapim tru sindaun bilong ol susa long Gazelle 15-5 long bikpela gem bilong wimens soft-bal.

Dispela win bilong ol i surikim ol i go long namba tu ples bhain long Wantok. Wantoks i autim ol Kawas susa, Chebu 3-2 long holim namba wan ples.

Sempion tim, Norths i wok long painim hat tru long pilai na dro wantaim nupela tim, Admiralty 1-1. Dispela em i namba tu taim, Admiralty i sokim ol birua tim. Namba wan taim, ol i winim AB Bears.

Gazelle tu i mekim guria planti ol sapota long fild-ing bilong ol. Na las wik, ol i mekim wankain na planti lain sapota i tingting sapos ol i sapotim rait softbal tim long 2001-2002 sisen o nogat.

Ol i stat long bet long namba wan ining. Tasol nogat wanpela skoa i kamap. Orait taim bilong

Mazda i kamap, rejistarim 8-pela ran i kam long Helen Singiat, Alice Kalas, Pauline Wakit, Nerrie Simba, Emma Kalas, Relvie Amet, Wendy Kalas na Selina Karai.

Gazelle i stat long skorim poin long namba tu ining i kam long Maggie Sam, Mechtil Tonga jnr, Lasia Kiapen.

Mazda i holim lid long pinis bilong namba foa ining na rekotim 7-pela moa ran i kam long Wakit, Emma, Shirley Kalimet, Amet, Karai, Singiat na Alice long surikim skoa i go long 15-3.

Gazelle i mekim sampela senis long stapim Mazda long skorim moa ran. Gazelle i rekotim arapela tripela ran i kam long Pitbat Mamalau na Vele Tokana.

Ol senis bilong Gazelle i kamap taim Josephine Raphael senisim Mamalau long pitsa, Josephine Chan i kisim ples bilong Tonga long sot-stap, Tonga i go long auftil na Wendy Komboi i go long rait fil.

Dispela senis i kamap na stapim ol beta bilong Mazda long paitim bal. Fainel skoa i sanap olsem 15-3.

Pot Mosbi mens softbal i no pulim ol sapota

POT Mosbi Mens Softbal Asosiesen (POMMSA) i no moa pulim ol sapota long ol Sande long kamap lukim gem bilong ol.

Wanpela bikpela as em planti pilaia na ol opisel i giv ap long kain pasin i wok long kamap long nesenel softbal federesen level. Ol eksekutiv i no mekim gut wok bilong ranim softbal long kantri.

Arapela samting tu, ol lain husat i save givim moa taim long softbal long Pot Mosbi i no stap moa.

Wanpela bilong ol em Leit Panuel Uralia. Em wanpela opisel we i save

kaikai softbal na slip. Em i kirap, em i toktok long softbal tasol na nogat arapela samting.

Francis Dakenny husat i kisim wok tresera aninim long nupela eksekutiv bilong Presiden Isikiel Tovia i bilip olsem softbal gem nau i nogat kik o kompetisen i kamap namel long tim.

Maski Pot Mosbi mens softbal bai statim namba 5 wik bilong kompetisen, planti man na meri i no soim pes yet long softbal daiman. Planti i bruk lusim softbal na i laik pilai base-bal.

Gutpela gem long dispela wik bai kamap namel long Brown Eagles na Kopex. Kopex i bin malolo long las wik, na i redi long paia long dispela wik.

Hetman bilong klab Steven Raphael na ol kosa bilong em i save wanem eria ol i ken daunim ol lain long Matupit. Kopex nogut oh!, na dispela em hap toktok we i wok long kukim softbal daimon.

Brown Eagles i holim yet sampela ol pilaia bilong em. Wanpela pilaia husat i mekim bikpela senis long kamap long Brown Eagles tim em,

Tom "TA" Alau. Boi Western ya i save kukim long B gret, tasol Brown Eagles i mas sot long pilaia na kisim TA long pilai long A gret.

Alau husat i wanpela gutpela pilaia long auftil i no pilai gut tumas las wik. Em i no ketsim planti bal long wanem em i kisim bagarap bikos em i weiltifing tumas long Taurama Leisure Senta.

Sapos Brown Eagles i gat strong-pela tingting long wik, ol i ken win Kopex. Tasol ol i mas was gut long Mark Tigat, em sekyuriti nogut bilong Stop N Shop long Waigani

ya. Arapela gem bai kamap name long Elcom na Gazelle. Dispela gem, Gazelle i ken winim Elcom.

Esikile Tovia i kisim wok presiden na mipela i no save em bai kosa yet long klab o nogat. Elcom i gat planti ol yangpela pilaia olsem Cleland Tokana, Raymond Palangat, Isikiel Tovia Jnr long karim nem bilong klab.


Na long sait bilong Gazelle i gat ol biknem olsem Paskalis Pinia, Tony Daple, Peter Urari, Resin "6 pack" Totil na Gabriel Pamel long winim gem bilong ol sapota bilong ol.

WANTOK SPOTS

**DISPELA
WIK INSAIT
LONG
WANTOK
NIUSPEPA**

★ RITIM long POISEN
SNEK kolum
PNGFA noken tasim skul soka
- pes 31

★ NGLI i
mekim save long
Raiders long
Lae
- pes 30



4-pela boksa stap long semi fainel

JOE IVAHARIA i raitim

FOAPELA boksa bilong Papua Niugini husat i pait nau long Osenia Boxing sempionsip long Fiji i stap long fainel.

Ripot i kam long tim menesa Steven Mathew i tok olsem tripela boksa Ben Mathews, Kevin Ragu na Joe Aufa i lus long pait bilong ol.

Tasol Ben Tami i pait long gol medal aste nait, na Raphael Lare, Rodney Jackson na Kevin Sam i stap insait long semi fainel.

Mathew i tok olsem em i gat bilip olsem ol paitman bilong PNG olsem Lare na Sam i gat gutpela sans long winim gol medal.

Em i tok Kevin Sam em yangpela brata bilong John Sam, man i save kirapim das long ring ya. John nau i kamap olsem profesenel paitman na i no inap stap insait long kain tonamen.

Mathew i tok em i amamas tru olsem ol 4-pela boksa i stap long fainel. Em i askim olgeta man na sapota long givim sapot.

Dispela em i namba wan tim bilong PNG i go pait aninit long lukaut bilong nupela presiden Lohial Nual.

Nual husat i wari yet long wanem Australia i no larim hapkas pikinini German na Sentral Rudi Suchneck i no pait long PNG tim.

Em i tok PNGABU i bin salim wanpela pas long larim Suchneck i pait long PNG tasol ol lain Australia i bilip olsem em i no redi yet long makim kantri na ol i no makim em long tim bilong ol.

Tasol em i no min PNG i ken kisim em. Ol i ting Rudi em i smatpela paitman na i ken makim Australia bihain long sampela intanesenel gem long bihain taim.

Tim menesa Mathew i bilip olsem Rudi bai makim yet Australia long wanem em i soim tru olsem em i ken nokim tupela biknem boksa bilong PNG long Patron's Cup olsem Joe Aufa na Bonnie Mossie.

Aninit long rul bilong boksing long Australia, Suchneck i mas pait tupela yia long intanesenel tonamen pastaim bipo em i ken makim kantri bilong em long boksing. Em i min olsem nau yet em i no inap makim Australia na PNG bai nogat sans long kisim em long bihain taim.

TOKSAVE

SAPOS yu laikim dro, poin lata na stori bilong yu i kamap long Wantok Nius, plis salim i kam long Tunde apinun.

Long kisim moa toksave ringim Spot Edita long 325 2500 o salim feks long 325 2579



• Ol susa i hatim hoki gem long Sir John Guise stadium. Gem ya i stap namel long Zogole (purple) na Rocket. Ol susa long Rocket i win 1-0.

PNGBC laik salim PRL

BIKPELA kros pait nau i stap namel long Pot Mosbi Ragbi Lig (PRL) Bot, ol menesa bilong Pot Mosbi Ragbi Lig klab haus na fil na Papua Niugini Benking Koperesen (PNGBC).

Dispela wik, PNGBC i putim aut toksave long PRL klab haus na oval long traime kisim bek mani inap long K1.2 milien.

Mak bilong K1.2 milien i bin kamap bihain long Pot Mosbi Ragbi Lig i kisim K200,000 long yia 1981 long stretim na wokim ol koperet boks bilong ol sponsa. Stat long dispela yia, PRL i wok long bekim dispela dinau.

Samting olsem 4-pela yia i go pinis, PNGBC Benk i painim aut olsem PRL i no inap bekim dispela mani. Olsem na em i makim wanpela akaunting kampani, Deloitte Touche Tomatsu long lukautim.

Tasol i no longtaim PNGBC i rausim Deloitte na makim Golodabana NO:35 Limited long lukautim PRL.

Taim Golodabana i lukautim em i salim PRL long kainkain spot long holim tonamen olsem Osenia Soka sempions na Wol Barbarians na tu ol lain myusik ben olsem Oyaba bilong Afrika.

Wantok Nius i painimaut olsem PNGBC wantaim Golodabana i

sainim 10-yia lis (lease) long lukautim klab. Golodabana i stat lukautim dispela klab las yia na i gat 9-pela yia i stap yet.

Dispela agrimen ol PRL i bilip olsem ol i no save.

Wantok Nius i painim aut olsem Hetman bilong Asset Dipatment long PNGBC tu i no save sapos dispela agrimen i stap o nogat. Long save bilong em, em i tokaut olsem i nogat wanpela agrimen i stap.

Dispela toktok nau i kamapim planti kain toktok long paul pasin i kamap namel long Golodabana NO:35 na PNGBC.

Presiden bilong Pot Mosbi Ragbi Lig Isaac Lupari i singaut askim Golodabana NO: 35 na PNGBC long kam aut long ples klia na tokaut long ripot bilong fainens long las 4 yia i go pinis taim ol i lukautim klab.

Mista Lupari i tok em i no kisim wanpela ripot long fainens i kam long dispela tupela lain long wanem tupela i no laik wok wantaim em.

Dispela i mekim Mista Lupari long toktok strong olsem PNGBC na Golodabana NO:35 i noken salim dispela ragbi lig oval long wanem em i samting bilong komyuniti insait long Nesenel Kapital Distrik.

Mista Lupari i tok PNGBC i ken painim sampela rot long traime kisim

bek K1.2 milien na i noken salim PRL.

Em i tok 4-pela yia em i longpela taim tru. Ol menesa olsem Deloitte na Golodabana NO:35 i ken bekim sampela hap mani pinis. Na em i guria stret olsem K200,000 i surik i go antap long K1.2 milien.

Presiden bilong PRL i tok em i guria stret long wanem PNGBC na ol menesa bilong PRL i no save toktok long sait bilong mani wantaim Bot bilong em. Na dispela i mekim PRL Bot i gat planti tingting tru sapos ol i save bekim mani o nogat.

Mista Lupari i tok olgeta taim em i go askim long sekim fainensel ripot, Golodabana i save tokim em long lukim PNGBC. Tasol taim em i kamap long PNGBC, nogat wanpela helpim i save gutpela.

Em i tok em bai askim nau Gavana bilong NCD na tu Praim Minista Sir Mekere Morauta long helpim bilong ol.

Aninit long 99 yia lis, dispela hap graun we PRL i sindaun em bilong Recreational na i no bilong ol arapela kain developmen.

Nau yet PNGRFL i toktok strong pinis long traime painim rot long stretim dispela hevi. Tasol dispela hevi i no isi long wanem, Golodabana i givim hat taim long PNGRFL na PRL long stretim hevi.

Squash tim redi long winim gol

PRESIDEN bilong PNG Squash Federesen Paul Speedy i bilip olsem PNG tim i go long mini Saut Pasifik Gems long Norfolk Ailan i ken winim medal.

Mista Speedy i mekim dispela toktok bihain long ol i makim skwat bilong man na meri. Tim bilong man em Scott Evans

(Popondetta), Shaun Topeyauva (Lae), Derek Hunter, Damien Tan, Joe Yomonaiao (POM) Na tim bilong ol meri em Naluge Guy, Imong Bruksbank na Aiwa Wright. Arapela tupela pilaia em Tina Yanson na Barbara Stubblings.

Presiden Speedy i tok tim bilong 5-pela man na 5-pela meri bai lusim kantri long two wik taim long go stap long mini SP Gems.

Tim bilong man na meri i hatim stret trening na ol i laik kamapim gutpela gem na tu winim medal.

Em i tok sans bilong winim gol na silva long menes divisen i gutpela tru. Tasol em i mekim tok lukaut olsem New Caledonia i wanpela strongpela kantri long dispela gem bilong squash.

Speedy i bilip olsem PNG baiwinim gol bikos long Naluge Guy. Tasol strongpela posisen insait long wimens kwas em Fiji.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.